

NY TAOM-PIANGONANA

LAODIKIA

 Ankehitriny, tsy nahafarana an'izany mihitsy izy. Hoy aho hoe, "Tara aho tamin'ny mariaziko... Teraka tara kely, tara kely aho tamin'ny mariaziko, raha afaka ny ho tara fotsiny aho amin'ny fandevenana ahy!" Izany no anankiray marina tokoa izay tiako hahatarana, tara marina tokoa.

² Tsia, ilay izy dia antso an-telefona tany an-trano, tsy afaka nandeha aho, saiky. Ary avy eo taorian'ny nialan'ny vadiko sy izy ireo, dia nanana zavatra maro fotsiny aho. Ary avy eo ireo olona avy any amin'ny toerana samihafa, nivavaka, ary vao nuditra mihitsy ankehitriny; ary tonga ho an'ny rahalahy iray ny fanambaran'ny Tompo; nitsangana ny anabavy tery aoriana tery, narary; fantatrareo izay tiako lazaina, ilay izy dia mandeha fotsiny, mandeha, mandeha, mandeha. Ary tsy nandray tanana ny sasany tamin'ireo sakalazako avy any Georgia akory aza aho sy toerana samihafa rehetra manodidina, any Canada. Mahatsapa ho tena malahelo mafy aho nohon'ny tsy nahafahana nandray ny tananareo.

³ Ary, eo amin'izay ihany, aiza i Fred izao hariva izao, Fred Sothmann? Fred, tsaroanao ve ilay fotoana izay niantsoanao ahy avy tany Canada, saika ho avy, ka niteny taminao aho mba tsy ho tonga amin'ny alalan'ny fiara? Tonga ianao, na ahoana na ahoana; tratry ny loza iray, toy ny... namotika tanteraka ny fiarany, saika hamono ny vadiny, ny fianakaviany, nanapaka ny orony, ary nametraka azy rehetra tany amin'ny hopitaly.

⁴ Vao tsy ela akory izay rehefa niainga aho, tamin'ny mitataovononana mihitsy, nitsangana tany i Rahalahy Ben eto, nanatona ahy. Ary tonga tany i Rosella, hoy izy hoe, "Handeha hody aho."

Hoy aho hoe, "Rosella!"

Hoy izy hoe, "Inona ny olana, Ranadahy Branham?"

Hoy aho hoe, "Mahatsapa ho tena hafahafa aho mikasika an'izany." Hitanareo?

Hoy izy, "Hisy zavatra hitranga ve?"

Hoy aho hoe, "Tsy fantattro. Toa tahaka an'izany ilay izy ho ahy, nisy Zavatra nampitandrina ahy."

⁵ Niantso ahy izy minitra vitsy lasa izay, fa tratry ny loza izy. Ary noho izany, tsy nisy anankiray naratra, fa ny tanan'ny Tompo izany. Ary nikorisa izy (Feno ranomandry tanteraka any Avaratra.) ary nikorisa izy tany Indianapolis, ka nanomboka

nikorisa tena haingana nanerana ny lèlana tahaka an'izao. Ary niantsoantso izy hoe, "O Tompo, ampio aho!" Niverina nisavily tahaka an'izao indray ilay fiara, niverina ary niverina teo amin'ny lèlany, ka nanomboka nanohy tsara mihitsy. Nandeha nanohy teo amin'ny lèlana izy, hoy izy hoe, "Oadray, oadray, toy ny ahoana no ankasitrakao afaka tamin'izany, satria ireo fiara hafa dia tonga teo amin'ilay lèlana iray ihany mihitsy, mandeha mafy mihitsy." Noho izany dia nitety an'ilay lèlana izy, ary avy eo dia nijanona tany mba... Mino aho, zavatra iray, nijanona izy mba haka kafe eran'ny kaopy ho azy na zavatra iray. Ary talohan'ny nivoahany an'io fiara io mihitsy, dia namely mafy azy taoriany mihitsy ny fiara iray hafa, anankiray hafa taoriany mihitsy, anankiray hafa taoriany mihitsy, ary nitambatra teo izy rehetra. Saingy nilaza izy fa voadona kely fotsiny, fa tsy narary, nefo te-hisaotra ny Tompo izy, ka niantso sy niteny tamin'ny fiangonana mba hisaotra ny Tompo fa tsy naratra izy na nisy zavatra, ary nangataka tamin'ny fiangonana mba hanohy hivavaka mba hahatongavany any an-trano. Hitanareo, mpamily vaovao iray izy, vao avy nahazo ny fahazoan-dalany. Noho izany, dia tena mankasitraka aho.

⁶ Fa ilaina foana ny mandray an'ireny fampitandreman'ny Tompo ireny. Hoy izy, "Eny," hoy izy, "ho tara andro fiasana iray aho." Inona ny andro fiasana iray? Ho lafo noho izany ny hanamboatra ny aorian'ilay fiara, hitanareo. Noho izany dia tsara kokoa ny—ny manao anareo...mijanona miaraka amin'ny Tompo. Tsy marina ve izany? Raha miteny zavatra iray amintsika Izy, dia tsaratsara kokoa amintsika ny mijanona miaraka amin'Izany. Satria marina foana Izy. Sa tsy izany Izy? Marina foana!

⁷ Ankehitriny, oh, ity dia tena...efa tena herinandro iray mahafinaritra. Tsy fantattro fotsiny hoe ahoana no hanohoana ny tenako amin'Andriamanitra sy aminareo olona ny amin'ity herinandro mahafinaritra ity. Ireto no sasany amin'ireo andro valo sambatra indrindra izay hany nitoriake teny teo amin'ny fiainako. Marina izany. Izaho dia—efa nianatra betsaka ny amin'ny Tompo sy ny Famindrampony malefaka aho, ary ny rehetra izay Nataony ho antsika, sy mahita Ny Fanahiny miverina miasa ao amin'ny fiangonana. Ary tena faly aho ny mahita an'ireo fanomezam-pahasooavana manomboka miverina miasa ao amin'ny fiangonana indray. Hitanareo?

⁸ Ankehitriny, indray mandeha tany, rehefa tsy teto ianareo, ilay izy dia toy ny hoe misy olona iray hiditra tokoa, hanao fotsiny—handoto an'izany fotsiny, fantatrareo, hanomboka hanao ny zavatra rehetra fotsiny izy ireo. Ary rehefa tsy manaja an'ireny fanomezam-pahasooavana ireny ianareo, dia tsy hanaja anareo Andriamanitra. Hitanareo? Marina izany. Tsy maintsy ataonareo mahitsy izy ireny. Ary, ny fomba itiavantsika azy dia rehefa ao amin'ny lamina mihitsy izany, ny fomba itenenan'izy

ireo amin'ny fiteny tsy fantatra. Tsy manonona Soratra iray fotsiny, fa miteny zavatra izay vonona ny hiseho. Ary raha hijanona ho tena manaja mihitsy ianareo amin'izany, izany dia hanomboka... Raha miala amin'ny lamina ny olona iray ao amin'ny fiangonana, dia hiteny an'izany avy hatrany ny Fanahy Masina ka hiteny amin'izy ireo hoe iza izany. Ary eo, izy ireo dia—hahatsapa ho voaanatra izy ireo ka handeha eo amin'ny alitara. Ho an'izany ireo fanomezam-pahasoavana ireo.

⁹ Ary ny mahita ny pasiterantsika eto, Rahalahy Neville, izy dia karazana zazalahy iray saro-kenatra, miafinafina. Ary teneniko aminareo, izy dia... toy ny hoe tsy hanaiky an'izany mihitsy izy rehefa tonga teo amin'ny Pentekosta ilay izy. Fa ny mahita azy mitsangana ka mandika an'ireo fiteny tsy fantatra sy faminaniana, teneniko aminareo, avy tany amin'ny lâlana lavitra iray izy. Marina. Aoka isika hivavaka ho an'ny pasiterantsika.

¹⁰ Ary, hitanareo, manomboka tonga ao amin'ny fiangonana ireo fanomezam-pahasoavana. Ary rahalahy kely iray hafa, manetry tena eto, izy dia eto, izy dia... tokony ho eto izy any ho any. Ataoko fa izy dia, eto foana izy. Zalahy kely iray tena manetry tena izy, iray tamin'ireo mpitantan-draharaha teto amin'ny fiangonana taloha, Rahalahy Higginbotham, lehilahy iray sarobidy, masina. Ary ny mahita fa izy dia nandray ny fanomezam-pahasoavan'ny fitenenana amin'ny fiteny tsy fantatra, iza no mba nieritreritra fa hanao an'izany i Rahalahy Higginbotham? Lehilahy iray saro-kenatra, miafinafina kely, tsy te-ho fantatra, na avy aiza na aiza, nijanona any aoriania. Saingy, hitanareo, afaka maka olona iray tahaka an'izany Andriamanitra ka mampiasa azy, hitanareo, satria tsy izy no te-hanao an'izany, eo am-panombohana. Raha izy no te-hanao an'izany, dia mety ho lasa mpiavonavona iray izy. Fa raha mbola tonga eo amin'izay tsy tiandy anaovana an'izany foana izy, dia afaka mampiasa azy tahaka an'izany angamba Andriamanitra.

¹¹ Eto i Junie, izy dia... oh, aorian'ilay andry eto akaikiko izy.

¹² Hilaza an'ity aho, efa nandre olona maro niteny tamin'ny fiteny tsy fantatra aho. Ary heveriko fa avy amin'Andriamanitra izany rehetra izany, satria tsy afaka manao feo iray ianareo raha tsy midika zavatra iray amin'ny olona anankiray izany, any ho any. Fantatrareo, hoy ny Baiboly hoe, "Tsy misy feo iray tsy misy dikany," midika fa tsy misy feo iray raha tsy midika zavatra iray izany. Tsy afaka mamoaka karazana feo iray ianareo raha tsy midika zavatra iray izany. Mazàna aho no nanontany hoe ahoana no hampety an'izany mandra-pandehanako tany Afrika ka nandre an'ireo tabataba rehetra ireo, ary hitako tamin'izany fa feon'olona iray izany. Indraindray dia feon'anjely iray ilay izy, sy ny sisa.

¹³ Fa Junie Jackson, mpitory tenin'ambanivohitra iray saro-kenatra, miafinafina, saro-tahotra kely, an'ny fiangonana

Metodista iray tany, tany lavitra—tany akaikin'i Elizabeth, Indiana, tany ambadiky ny ala lavitra tany. Mangina, tsy milaza na inona na inona, miafinafina kely, izy dia toy ny hoe... Nahita aho indraindray, te-handray azy aho, hanozongozona azy, hanao hoe, "Milazà zavatra iray, Junie, hitanao, aza mipetraka eo fotsiny mijery ahy tahaka an'izao."

¹⁴ Nipetraka teo ambonin'ny foto-kazo iray izahay tany anaty ala, ary nipetraka teo izy ka nanao hoe, "Eny,...ataoko...mety tsara izany."

¹⁵ Hoy aho hoe, "Oh, Junie, izaho—mahatsapa aho hoe 'mamelà ahy hiteny an'izany ho anao,' hitanao. Ianao dia—miadana loatra ianao ho ahy, hitanao." Ary Andriamanitra nanome azy ny—ny—ny fanomezam-pahasoavana iray an'ny fitenenana amin'ny fiteny tsy fantatra; tsy mbola nandre fiteny mazava tsara mihitsy aho teo amin'ny fiainako rehetra. Hitanareo?

¹⁶ Diniho Izy ato amin'ny fiangonana. Hitanareo ve ilay vehivavy kely niteny aninkeo maraina izay tsy nahafantatra an'ilay vehivavy hafa? Ary ny anankiray tsy nahafantatra an'ilay anankiray hafa, ary ity anankiray ity, ilay feon'ny feo nilaza azy; ary rehefa nadika izany, tao amin'ilay feo iray ihany, ireo zana-tsortra, tsindrim-peo; dia mitovy mihitsy, miverina. Ary tanteraka ilay hafatra, ho an'ny fiangonana. Hitanareo ve hoe ahoana izany? Ankehitriny, tokony hisaotra an'Andriamanitra isika. Ankehitriny, aza manabontsina ny tratranareo. Raha manao ianareo, dia hanafisaka ny tenanareo, ka hihazona anareo ny devoly. Aoka hanetry tena fotsiny; manaova hoe, "O Tompo, hazony hiafina any aorianana aho, aza mamela ahy hitsangana alohan'ny fotoana mihitsy."

¹⁷ Tsy hamela anareo hivoaka ny lamina mihitsy Izy. Raha manao ianareo, indraindray, izany dia tsy—tsy hampaninona izany. Raha manao ianareo, nahoana, ny pasitera eto no—no hiteny aminareo. Hitanareo, ireo—ireo fanomezam-pahasoavana dia tsy tokony hisy rehefa ianareo... rehefa mitory teny isika. Mazàna, raha hanomboka hiasa tsara ao amin'ny fiangonana ireo fanomezam-pahasoavana, dia hangataka aminareo izahay hihiona fotoana ela alohan'ilay fotoana hafa; avelao ny Tompo hiasa miaraka aminareo ao, hitanareo, satria amin'izay fotoana izay eo amin'ity ampahany ity dia tsy hampiato azy mihitsy izany. Ankehitriny, raha mbola ao amin'ny fiangonana isika, indraindray dia tsy maintsy hihazona ny filaminanareo vetivety ianareo. Fa raha manana hafatra iray Andriamanitra, dia Homeny amin'ny fomba iray na hafa izany, hitanareo, avelao fotsiny Izy hipetraka tsara, fa ataovy araka ny fampianaran'ny Baiboly ilay izy. Ary Rahalahy Neville angamba no hampianatra mikasika an'ireo zavatra ireo, ka hiezaka isika ny hanao an'izany. Hiezaka aho ny hanampy azy hatrany arak'izay vitanay, izahay roa miaraka, mba hitondra azy sy haneho aminareo hoe ahoana no hampiasana azy.

¹⁸ Mahatsapa ho tsaratsara kokoa ve ianao, ry rahalahiko Polonais? Mahafinaritra izany. Oh, toy ny ahoana no nitahian'ny Tompo azy! Valo taona lasa izay, nilazana izy fa hisy zavatra hitranga. Nikorontana tanteraka izy, tena triniterana sarotiny iray. Ary nilaza ny Tompo, indray andro hoe, "Misy lehilahy iray tonga, maitny volo izy ary maso volontany, matavy. Aza roahina izy, Izaho no mandefa azy mankany aminao." Naka Soratra iray fotsiny aho izay nampikorontana azy, noraisiko naoty teo amin'ny singan-taratasy iray ary napetrako teto izany. Afaka kelikely dia indro tonga izy.

Hoy ny vadiko hoe, "Misy lehilahy iray ao hijery anao."

Hoy aho hoe, "Izy izany, ampidiro izy."

¹⁹ Ary izy—niteny tamiko an'izay voalaza taminy izy tao... teo ambanin'ny tsindrimandrin'ny Fanahy Masina. Ahoana fa nino sy nifikitra teo amin'ilay Hafatra foana izy, sy ny sisa, teo anivon'ny olony; na dia voakiana aza, dia nijanona tsara tamin'Izany izy. Nilaza, indray andro lasa, tao amin'ny favoriana, fa niresaka taminy aho ka niantso ny anarany. Ary ahoana no mba nilazako an'io anarana io, tsy fantatro. Nilaza izy fa izaho dia tsy maintsy—tsy maintsy nanonona azy, na zavatra iray na hafa, tao amin'ny favoriana. Nilaza izy fa nitondra zazakely iray teny an-tsandriny izay nisy zavatra nivoaka teo amin'ny tarehiny, ary nilaza fa nadio tanteraka ilay zaza kely, tanteraka mihitsy. Ary ahoana fa ny Tompo....

²⁰ Dia hoy aho hoe, "Eny, ny zavatra izay ilainao ankehitriny dia ny mandeha any amin'ny fiangonana ka hatao batisa amin'ny Anaran'i Jesosy Kristy."

²¹ Nihaona taminy aho vao tsy ela teny an-tampon'ny tendrombohitra, satria tonga izy, vita batisa tamin'ny Anaran'i Jesosy Kristy. Ankehitriny dia afa-po tanteraka izy, mahatsapa ho tsara, niverina any an-trano. Manantena aho fa izy no handika teny ho ahy any Pologne indray andro any, sy Alemaina, ary any, any amin'ireo toerana any ireo. Ny Tompo hitahy anao, ry rahalahiko.

²² Zavatra manan-karena lehibe maro no ataon'ny Tompontsika! Ny mahita fotsiny Ny—Ny famindrampony, ahoana fa avy any atsinanana, andrefana, avaratra, ary atsimo, no Itarihany an'ireo Zanany malala; tonga miaraka, mamoaka, manozongozona. Betsaka ny ho lazaina!

²³ Ankehitriny, aza adino, amin'ny Alahady heriny hariva, raha sitraky ny Tompontsika, amin'ny Alahady heriny hariva, dia hanana isika ny... amin'ny Alahady heriny maraina, raha ny marina, asam-panasitravana iray. Ny antony ilazako an'izany eo amin'izany, dia angamba amin'izay fotoana izay raha misy be loatra mandritry ny Alahady maraina dia haka ny Alahady hariva aho hiverenana, hitanareo. Fa raha afaka mahavita azy rehetra ireo aho ny Alahady maraina, eny, dia mety tsara.

²⁴ Ny Alarobia hariva dia fivoriam-bavaka iray eo afovoan'ny herinandro. Ankehitriny, ho anareo olona izay mipetraka manodidina eto, ianareo vahoaka miangona ato, dia manaova fivoriam-bavaka. Aza diso an'izany, mijanònà tsara amin'izany, hitanareo. Ary mivavaha, mitadiava ny ho akaiky kokoa an'Andriamanitra. Aza mamela fanatisma hiditra eo anivonareo. Hazony... Misy tena izy betsaka mba hanekena sandoka iray, hitanareo, aza—aza mandeha eo amin'ilay lafiny ratsy. Mijanònà mahitsy.

²⁵ Nandre “Amena” iray mahazatra aho teo izay efa reko nandrity ny taona maro, Rahalahy Russell Creech. Miteny amiko izy ireo fa i Patty no ilay anankiray izay niteny tamin’ny fiteny tsy fantatra tery aoriania tery indray hariva. Patty, aiza ianao? Eto ve ianao, malala? Hia, oadray, tsy ho nahafantatra azy akory aza aho raha nahita azy. Nefa mino aho fa izaho no nihazona an’io ankizy io teo an-tsandriko ka nanolotra azy ho an’ny Tompo, teto mihitsy. “Ary vehivavy tanora iray izy,” hoy i Meda, “zazavavy tanora iray, tsara tarehy,adolantsento tanora,” miaraka amin’ny herin’ny Fanahy Masina eo aminy, miteny amin’ny... Russell, lehilahy manan-karena iray ianao. Eny, izany ianao.

²⁶ Aiza i Ranabavy Creech? Tsy nahita azy aho. Eto ve izy? Iry aoriania iry. Oh, Ranabavy Creech, toy ny ahoana no ankasitrahako fa nanome zaza iray ho anao tahaka an’izao Andriamanitra fa, nahoana, tsy fantatrao hoe ahoana—mankasitrapa toy ny ahoana. Eo amin’ny taona izay misy an’ireo zazavavyadolantsento mikanikany sy mihomehy ary manao hadalana, fantatralere, miaraka amin’ny andiana hadalana amin’ireo zalahy ireo, ny volon-ganaganan’izy ireo tapaka sy ny sisa, ary tahaka an’izany; nefo io ankizy kely io miaraka amin’ny herin’ny Fanahy Masina, miteny amin’ny fiteny tsy fantatra ato. Oh, oadray!

²⁷ Hmm! Lehilahy firy izao hariva izao, ireo mpitory teny Pentekotista, no hanome ny fiainany manontolo raha afaka hahita ny zananivavyadolantsento izy ireo, izay any amin’ny fetin’ny rock-and-roll, hanao an’izany.

²⁸ Izao fotsiny—ankasitrahoko fotsiny izany, rahalahy. Fantatro izay ataonareo ao amin’ny Interstate, nanao an’ilay zavatra iray ihany aho, niasa mafy andro maro, saingy, rahalahy... ny nitaiza an’ireo ankizy ireo. Fa tsarovy, mahatoky Andriamanitra, mamaly soa Izzy. Eny, tokoa! “Hamaly soa Aho.”

²⁹ Andriamanitra hitahy anao, Patty. Malala, izaho—tsy ho nahafantatra anao aho raha nahita anao, heveriko, fa aza miala amin'ilay lala-mahitsy mihitsy, malala. Aza mamela ny devoly mihitsy hametraka ny—zavatra iray ao anatinao, mitovy amin’ny paoma volamena tsara iray, nefo ho voasary makirana iray izany, hitanao. Ario ilay zavatra ary avelao tahaka an’izao izy.

Hazony eo amin'i Kristy mihitsy ny masonao, eo amin'ny Hazo fijaliana mihitsy. Ary manohiza mandeha, satria antomotra ilay ora. Hitanao?

³⁰ Zavatra marobe an'ny famporisihana mihitsy no azoko lazaina, ireo fitahian'Andriamanitra. Tsy afaka namangy betsaka aho, ary nandritr'ity herinandro manontolo ity dia tsy nivavaka ho an'ny olona nihoatra ny dimampolo aho, heveriko, ary ireo miditra sy mivoaka, sy ireo hamehana ary izay tonga, sy ny sisa, fa sahirana nianatra aho. Fa ankehitriny, amin'ny Alahady heriny, dia hivavaka ho an'ny olona isika, ary hangataka ny Tompo mba hidina ka hanome antsika an'ilay hery lehibe, ka haneho ny Tenany amintsika amin'ny Alahady heriny maraina, raha sitraky ny Tompo.

³¹ Oh, halako fotsiny ny hanomboka eo amin'ity taom-piangonana ity satria fantatro fa izany no anankiray farany amin'izy ireo. Ary ankehitriny, anatin'ity, no hisy ny-ny fiafaran'ireo Taom-Piangonana Fito. Nankasitrahanareo ve izany? [Mamaly ny fiangonana hoe, "Amen!"—Mpand.] Ankehitriny, tsarovy, milaza an'izao aho amin'ny farany tahaka ny nilazako tany amin'ny voalohany, fa mety misy zavatra maro—mety misy zavatra maro izay tsy ifanarahanareo mafy amiko, saingy aza hazonina hanoherana ahy izany, hitanareo. Tiavo fotsiny aho, na ahoana na ahoana, satria tsy hanao fahasamihafana iray izany amin'izay hataonareo na izay ho lazainareo, tahaka an'izany mihitsy koa no hiheverako anareo; raha misy zavatra iray, ambony, hitanareo, raha misy, dia ianareo no heveriko ho ambony. Fa tiako ianareo, Andriamanitra no mahafantatra an'izany, tsy misy olona iray izay afaka miantsio ny Anaran'i Jesosy Kristy ka hoe tsy tiako izy. Hitanareo?

³² Ary tsy mila fangidiana iray na fihafahafana mihitsy aho, na dia afaka tsy hifanaraka mafy aza isika. Raha nipetraka teo amin'ny latabatra iray isika ka ny anankiray mihinana karazana tarta iray, ary ny anankiray, iray hafa, dia ho tsara tahaka ny eto mihitsy izany, hitanareo. Rehefa tonga eo amin'ny fiombonana amin'ny hafa ilay izy, dia mifankatia isika. Ary raha tsy manao an'izany isika, amin'izay fotoana izay dia tokony hanao an'izany isika. Ary raha...tsy ho lasa lavitra mihitsy isika amin'Andriamanitra mandra-panaontsika an'izany.

³³ Aza adino fotsiny, aza adino fa ny fanomezam-pahasoavana lehibe indrindra amin'ireo fanomezam-pahasoavana rehetra dia ny fitiavana. "Na dia miteny amin'ny fitenin'olona sy ny anjely aza aho, manolotra ny tenako ho dorana ho fanatitra iray, mahazo ny fahalalana rehetra, sy ny sisa, dia tsinontsinona aho. Noho izany...Fa rehefa io izay tanteraka io, izany hoe ny fitiavana..." Raha tsy voaisy rihitra simenitra miaraka amin'ny fitiavana ireo fanomezam-pahasoavana ara-panahy rehetra, dia tsy hihazona izy. Ary hitresaka ny rihitra simenitra hafa, "Fa ny

fitiavana no maharitra mandrakizay.” Hitanareo, izany dia ny Korintiana Voalohany 13.

³⁴ Ankehitriny, izao hariva izao, dia miditra ao amin’ity taom-piagonana lehibe ity. Oh, oadray! Ankehitriny, mety hamarana isika eo amin’ny sivy (izao hariva izao) sy fahefany. Ary ankehitriny dia miala tsiny tokoa aho fa tsy manana efitra ampy izahay, fa... mba hametrahana ny olona rehetra, hipetrahan’ny olona rehetra, raha ny marina, fa tsy manana an’izany mihitsy izahay, fa hanana angamba indray andro any.

³⁵ Fa ankehitriny dia te-hangataka sitraka iray aminareo aho. Hitanareo ny toerako ary fantatrareo izay ho vidin’izany indray andro any, hitanareo, ary antomotra akaiky ilay ora. Hitanareo? Ankehitriny, tiako ianareo hanao an’ity, mivavaha ho ahy isan’andro. Ary tsarovy, efa nahitsy fo arak’izay fantattro aho hoe ahoana no hahitsiana fo, hitanareo. Ary fantattro fa tsy ankizy intsony aho, iraika amby dimampolo taona aho. Ary izaho—izaho rehefa ny... Tsy afaka mandeha aho raha tsy Andriamanitra no miantso ahy. Ary handeha amin’ny lâlana izay Tiany handehanako aho, ary ho izany ilay izy. Hitanareo? Fa tsy maintsy mahitsy fo aho ary miteny ny Fahamarinana, tsy mampaninona. Noho izany dia fantattro fa fandehanana irery izany indraindray, saingy raha mbola momba anareo foana Izzy, dia inona no fahasamihafana ataon’izany? Hitanareo?

³⁶ Ankehitriny, alohan’ny hidirantsika ao amin’ity taom-piagonana lehibe ity, dia manontany aho raha afaka hitsangana isika ankehitriny ho an’ny vavaka, vetivety fotsiny indray. Karazany mamela anareo hihinjitra izany sy hahatsapa ho tsaratsara kokoa. Eo amin’ny famaranana ny fotoana, misy ve... Firy ato no maniry ho tsarovana eo anatrehan’Andriamanitra? Atsangano mankany amin’Andriamanitra fotsiny ny tanganareo hoe, “Tsarovy aho, O Tompo, eo amin’ny faran’ilay taona. Rehefa tapitra ny fiaianana rehetra, dia tsarovy aho.”

³⁷ Rainay any An-danitra, tsy manana fiteny betsaka izahay hanehoana ny fankasitrahany ho an’ny Fanatrehan’ilay Andriamanitra velona izay efa teo afovoanay tamin’ity herinandro farany ity, ho an’ireo zavatra izay nianaranay ny Aminao, ahoana no Nanambaranao ny Tenanao taminay nandrity ny fotoana rehetra, ary ahoana no Nanaovanao Ny Teninao ho tena mazava taminay. Ahoana no niankinanay Taminao, ary ahoana izahay no—no niezahanay naneho ny fitiavanay, nefy tsy nahavita nanao an’izany, Tompo, satria tsy afaka manao an’izany ireo lela mety maty. Ny m-... nohon’ny namonjena anay mihitsy aza, ary Ianao... nohon’ny nanomezana anay hanoanana Anao mihitsy aza. Fa izao no voasoratra ao amin’ny Teny hoe, “Sambatra izay noana,” (ny noana fotsiny, dia fitahiana iray izany) “noana sy mangetaheta ny fahamarinana.” Avy eo Ianao dia nanao an’ilay filazana

lehibe hoe, "Fa izy ireo no hovokisana!" Ankehitriny, dia mino an'izany izahay, Tompo. Mamelà ny tsirambinay.

³⁸ Ary raha miditra izahay izao hariva izao ao... amin'ity taom-piangonana lehibe ity, dia i Laodikia, rehefa avy hitanay fa ny Soratra sy ny tantara dia mifanaraka marina tokoa isan'andro. Noho izany, Ray, fantatray ilay filazana avy amin'ny Faminanianao lehibe eto, ny amin'ity taona farany ity, izany dia ho tahaka an'ireo taona enina hafa izay nisy mihitsy. Ray, mivavaka aho mba Hamelanao ny Fanahy Masina ho tonga aminay izao hariva izao, ankehitriny, ka tahio izahay raha miandry Anao betsaka. Amin'ny Anaran'i Jesosy. Amena. Mahazoa toerana.

³⁹ Raha sitraky ny Tompo, ilay boky dia... vantany vao afaka izahay. Eo am-pakana azy avy amin'ny horonam-peo i Rahalahy Leo, mba handeha eo amin'ilay... handeha eo amin'ny rangompohy, avy eo dia mankao amin'ny milina fanoratana, avy eo mankao amin'ilay boky.

⁴⁰ Ary eo amin'izay ihany, Rosella dia hamoaka ny bokiny tsy ho ela mihitsy, *Alikoalika Iray Voavonjy*. Mahatsiaro ny tantarany ianareo rehetra, ahoana fa niantso azy ny Fanahy Masina tao amin'ny favoriana. Ary izy dia...efa nilaozan'ireo trano fitsaboana alikoalika efatra malazaindrindra, ary nolavin'ireo hopitaly izay nisy tany Chicago. Fa ny Tompo Jesosy, tao anatin'ny fotoana anankiray, dia nanaisotra an'izany rehetra izany niala taminy. Mandeha avy ao amin'ny fonja mankany amin'ny toerana hafa fotsiny izy, miteny amin'ny olona hoe ahoana fa mahay manafaka Andriamanitra, miresaka amin'ireo alikoalika sy ny sisa. Izy dia efa...tamin'ny alàlan'ny fijoroany vavolobelona, nahazo olona maro ho an'i Kristy.

⁴¹ Ankehitriny, ilay taom-piangonana voalohany, afaka miteny amiko ve ianareo hoe iza izany? Efesosy. Faharoa? Smyrna. Fahatelo? Pergamosy. Fahefatra? Tyatira. Fahadimy? Sardisy. Fahlenina? Filadelfia. Fahafito? Laodikiana.

⁴² Ilay voalohany dia teo anelanelan'ny A.D. 55 sy 170, Efesosy. Smyrna, 170 hatramin'ny 312. Pergamosy, 312 hatramin'ny 606. Tyatira, 606 hatramin'ny '520. Sardisy, '520 hatramin'ny 1750. Filadelfia, 1750 hatramin'ny enina... '06; ankehitriny, izany no manomboka ny taonan'i Laodikia, mifampitaingina, ary omaly hariva isika dia niditra tao amin'ilay fifampitaingenana kely. Ankehitriny, izao hariva izao isika dia, haka ny fiafaran'ilay Laodikiana.

⁴³ Mino isika fa ny fiangonan'i Laodikia dia nanomboka tamin'ny A.D. 1906. Milaza mialoha aho... Ankehitriny, tsarovy, "milaza mialoha," indrindra ianareo izay miaino ny horonam-peo. Tsy milaza aho hoe ho izany ilay izy, fa milaza mialoha aho fa izany dia hifarana eo amin'ny 1977, hoe hiditra tanteraka ao amin'ny apostazy ny fiangonana ary ho voaroaka avy eo

amin'ny vavan'Andriamanitra izy. Ary ny Fihaviana Faharoa, na ny Fampakaran'i Kristy, dia mety ho tonga amin'ny fotoana rehetra. Ankehitriny, mety ho diso an'izany taona iray aho, mety diso an'izany roapolo taona aho, mety ho diso an'izany zato taona aho. Tsy fantattro hoe aiza izany... Fa milaza an'izany mialoha fotsiny aho araka ny fahitana iray izay Nasehony ahy, ka mandray ny fotoana, araka ny androsoany, dia milaza aho fa izany dia fotoana iray eo anelanelan'ny '33 sy '77. Fa—fara-fahakeliny, dia hidòna amin'ny ady iray ity firenena malaza ity izay hanapoaka azy ho potipotika, hitanareo. Tena akaiky izany ankehitriny, tena akaiky mihitsy izany. Ary mety ho diso aho, milaza mialoha aho. Mahazo ve ny olona rehetra? Manaova hoe, "Amena" raha mahazo ianareo. [Hoy ny fiangonana hoe, "Amena!"—Mpand.] Hitanareo?

⁴⁴ Fa naneho ahy fahitana iray ny Tompo ny amin'ny vehivavy malaza mahery iray, tamin'ny '33, 1933, eo amin'ny taratasy izany. Ny amin'ny hoe "Roosevelt dia hanao... nanampy izy hanao an'izao tontolo izao handeha hiady." Ahoana fa "Mussolini dia hanao ny fanafihany voalohany an'i Ethiopie ka haka azy, saingy ho tonga eo amin'ny fiafarana mahamenatra iray izy." Ary ahoana fa "Avy eo ireo isma telo: Nazisma, Fasisma, ary Kominisma, dia hiafara ao amin'ny Kominisma daholo." Ary firy ato no mahatsiaro ahy nihazona fotsiny... nanao anareo hitsangana, ka namerimberina an'izany, niteny taminareo aho hoe, "Diniho i Rosia! Diniho i Rosia, ilay mpanjakan'ny Avaratra! Diniho i Rosia, mpanjakan'ny Avaratra! Diniho i Rosia, mpanjakan'ny Avaratra!"? Firy no nandre ahy nilaza fotsiny, namerina an'izany hatrany, hatrany? Ireo tamin'ny andro fahiny, hitanareo, tany amin'ny ampahany voalohan'ny fiangonana. Nitsangana teo fotsiny ary namerina an'izany hatrany sy hatrany hoe, "Diniho i Rosia, ilay mpanjakan'ny Avaratra! Hitanareo, izay hataony, satria ireo isma rehetra ireo dia hikambana ao Rosia."

⁴⁵ Avy eo dia nilaza aho, hoe "Ity firenena ity dia handeha hiady amin'i Alemania amin'ny farany. Ary Alemania dia ho voaorina ao anatin'ny rindrina iray vita amin'ny fangaron-tsimenitra." Ary ilay Maginot Line izany, iraika ambin'ny folo taona mialohan'ny hany nanombohana nanorina azy, iraika ambin'ny folo taona mialoha. Dia hoy aho hoe, "Handray kapoka mafy eo amin'io tsipika io ny Amerikana." Ny sasany amin'ireo rahalahy eto dia tany amin'io tsipika io, Rahalahy Roy Roberson sy izy ireo; anontanio azy ireo izay nitranga. Azo antoka fa nahazo izy ireo. Eny àry. "Fa farany," hoy aho, "dia haharesy isika ary ho anankiray amin'ny mpandresy ao amin'ny ady eo amintsika sy Alemania."

⁴⁶ Ankehitriny, hoy aho hoe, "Avy eo aorian'io fotoana io, dia handroso marina tokoa ny siansa." Nandroso izy ireo, nanao baomba atomika sy ny sisa izy ireo. Hoy aho hoe,

“Mandritry ny fandrosoan’izy ireo, izy ireo dia hanao ny... an’ireo fiara izay hanomboka haka endrika tahaka ny atody iray tsy ankitsahatra.” Ary tsaroanareo ve ilay rakotry ny motera goavana trana iny tamin’ny 1933, ilay lamosina goavana midina tahaka an’izao, ilay kodiarana fanolo taoriany? Jereo hoe ahoana ilay izy ankehitriny, hitanareo: voarantsandrantsana, hitanareo, tahaka ny atody iray. Dia hoy aho hoe, “Farany dia hanamboatra fiara iray izy ireo ka tsy voatery hanana familiana iray izy ireo ao anatin. Nahita fianakaviana iray aho nandeha teo amin’ny... Miantso an’izany hoe, ‘làlana,’ tao anatin’ny fiara nisy fitaratra eo an-tampony, ireo làlana goavana be tsara tarehy ary fiara tsara. Ary nipetraka izy ireo, nifampijery, nefo ilay fiara dia nandeha irery, mandeha mihodina avy hatrany eo amin’ireo fiolahana sy ny sisa.” Ary manana an’ilay fiara izy ireo izao ankehitriny izao, efa voamboatra izany. Manana an’ilay fiara izy ireo. Ary nilaza aho tamin’izany hoe, “Oh, toy ny ahoana no handrosoan’ny siansa amin’izany andro izany!”

⁴⁷ Hoy aho hoe, “Avy eo aho dia nahita ny... Hamela an’ireo vehivavy izy ireo ary mamela an’ireo vehivavy handatsa-bato. Ary amin’ny alàlan’ny fandatsaham-bato, dia hifidy an’ilay lehilahy ratsy izy ireo indray andro any.” Ary nanao ianareo tamin’ilay fifidianana farany. Ireo fandatsaham-baton’ny vehivavy no nifydi an’i Kennedy. Fantatsika izany, hitanareo, teo anelanelan’ireo milina tsy mahitsy sy ireo zavatra namboarina, izay nabaribarin’ny FBI. Ary ahoana no ahafahan’ny olona iray... Nahoana izy ireo no tsy manao zavatra mikasika an’izany? Nahoana no tsy misy zavatra voalaza? Hah! Matahotra sao hahavery ny asany ny olona. Hitanareo, andiana politika iray fotsiny izany, lò hatrany amin’ny tsoka. Izay ihany. Azo antoka!

⁴⁸ Tsy misy—tsy misy...tsy misy, mamelà ahy. Tsy misy famonjena ao amin’ity firenena ity, tsy misy famonjena ao amin’ny firenena iray. Ny famonjena dia ao amin’i Jesosy Kristy ary Izy irery! Ah-hah! Marina izany. Ankehitriny, mankasitraka an’i Amerika aho. Aleoko mipetraka eto toy izay any amin’ny toerana rehetra any amin’izao tontolo izao, satria...ankoatran’i Canada. Canada sy Etazonia dia kambana, fantatsika izany, firenena mpifanolo-bodirindrina, toerana mahafinaritra, saingy izaho—mino aho fa aleoko mipetraka eto toy izay any amin’izay rehetra fantattro, satria izy no tranoko. Faly aho fa Amerikana iray, ary mankasitraka ny amin’izany. Saingy teneniko aminareo, mila fanisana fifo hazana iray tokoa izy, azo antoka fa mila izy. Fa tsy ho azony izany! Tsia, tompoko. Tsy hitsangana intsony indray izy! Tsia, tompoko. Vita ny aminy! Tsaroanareo, teo amin’ny dimy taona lasa izay tany Chicago, eo amin’ny horonam-peo izany. Manana an’izany ianao, Gene. Hoy aho hoe, “Na izy ireo hanaiky an’Izany, na silentika tsy ankitsahatra.” Ary nataon’izy ireo izany, hitanareo,

ary hataon'izy ireo izany hany ka hifanena amin'ny fiafarany izy amin'ny farany.

⁴⁹ Fa hisy vehivavy mahery iray! Ankehitriny, tsarovy! Ity dia eo amin'ny horonam-peo, ihany koa. Vehivavy mahery iray, vehivavy malaza, na izy ho Filoha, na ho vehivavy iray maneho ny fiangonana Katolika izany (izay heveriko fa izany) izay hifehy eto indray andro any ka hanapaka an'ity firenena ity izy. Ity firenena ity dia firenem-behivavy. Ny saina dia vita avy tamin'ny vehivavy iray, isa telo ambin'ny folo izy. Nanomboka izy, kintana telo ambin'ny folo, tsipika telo ambin'ny folo, zantanay telo ambin'ny folo. Ny zavatra rehetra dia telo ambin'ny folo, telo ambin'ny folo, telo ambin'ny folo, hatramin'ny farany. Kintana telo ambin'ny folo no eo amin'ny vola madinika dolarany ankehitriny. Ny zavatra rehetra dia telo ambin'ny folo. Izay dia isa telo ambin'ny folo, ary miseho ao amin'ny toko faha-13-n'ny Apokalypy. Telo ambin'ny folo tanteraka! Ny zavatra rehetra dia “vehivavy, vehivavy, vehivavy, vehivavy, vehivavy,” hatramin'ny farany. Ary nifehy ny asa rehetra izy. Nifehy an'i Hollywood izy. Nifehy an'ireo firenena izy. Nifehy an'ireo asa izy. Nifehy ny zavatra rehetra izay misy izy; mitovy zò amin'ny lehilahy, mandatsa-bato miaraka amin'ny lehilahy, mingoso tahaka ny lehilahy, misotro tahaka ny lehilahy, ny zavatra hafa rehetra. Ary fandrika ho an'ny fiangonana Katolika fotsiny, ho an'ny fanompoana vehivavy iray! Efa manompo vehivavy iray izy ireo, na ahoana na ahoana.

⁵⁰ Izay no tsara indrindra... Ny vehivavy ratsy fitondran-tena iray no fandrika tsara indrindra izay hany nananan'ny devoly. Ratsy noho ny trano fisottoan-toaka rehetra izay hany nisy izy. Afaka mandefa fanahy betsaka mankany amin'ny helo noho ireo trano fisottoan-toaka rehetra ao amin'ny firenena izy. Marina izany.

⁵¹ “Ny vehivavy tsara iray dia firavaka eo amin'ny satroboninahitry ny lehilahy,” hoy ilay lehilahy hendry indrindra teto ambonin'ny tany. Tokony hanaja ny vehivavy tsara iray ny lehilahy iray, hitanareo. “Fa ny anankiray ratsy dia rano ao amin'ny ràny,” ary ny ràny dia ny fiaianany. Ianareo lehilahy izay manana vady tsara, tsy fantatrareo hoe toy ny ahoana no tokony isaoranareo an'Andriamanitra nohon'ny vady tsara iray! Satria raha afaka nanome zavatra iray tsaratsara kokoa ho an'ny lehilahy iray Andriamanitra ho sakaimpa mpanampy iray, dia ho Nomeny izany. Fa ny vehivavy iray no sakaimpa mpanampy tsara indrindra izay azon'Andriamanitra nomena ny lehilahy iray. Fa rehefa mivadika izy ireo...

⁵² Izay no anankiray tao amin'ny sahan'i Edena izaynofidian'i Satana ho fitaovany. Tsy naka ny lehilahy izy, naka ny vehivavy izy. Nahoana izy no tsy nanatona an'i Adama mba hanome azy faniriana? Nanatona an'ilay vehivavy izy ka nanome azy, hitanareo, satria io ilay anankiray izay nofidiany.

Andriamanitra naka an'ilay lehilahy, fa i Satana naka an'ilay vehivavy.

⁵³ Ary jereo hatramin'ny farany mihitsy, ary eo amin'ny farany... Rehefa tafapetraka i Babylon amin'ny voalohany, *Two Babylons* an'i Hislop, vehivavy iray! Rehefa tonga teo amin'ilay taona izany; ankehitriny dia izany no mamarana ny taonan'ny Jentilisa. Tahaka an'izany no nanombohan'i Babylon, ary mifarana miaraka amin'ny fanompoana vehivavy iray (Maria) ao anatin'ny fiangonana. Andro iray toy ny inona no iainantsika!

⁵⁴ Ankehitriny, ny *Laodikia*, ny—ny taonan'i Laodikia, ilay teny dia midika hoe "matimaty." Nitombo fananana izy, ary mihevitra fa tsy mila na inona na inona. Saingy ny Baiboly no milaza fa izy dia "ory, jamba, mahatran, ary mitanjaka." Toerana iray toy ny inona!

⁵⁵ Ny valisoa ho an'ireo izay mandresy ao amin'ity taom-piangonana ity, dia ny "mipetraka eo ambonin'ny sezafiandrianana miaraka amin'ny Tompo."

⁵⁶ Ankehitriny, ilay kintana, na anjely, na iraka an'ity taom-piangonana ity, dia tsy fantatra.

⁵⁷ Ankehitriny, ny iraky ny taom-piangonana voalohany, dia iza izany? Paoly, Efesosy. Smyrna? Irenée. Pergamosy? Masindahy Martin. Tyatira? Colombia. Sardisy? Luther. Filadelfia? Wesley. Fa ao amin'ny... ity Laodikiana ity, dia tsy mbola fantatsika, ary angamba tsy ho fantatra alohan'ny hahataperan'ny rehetra.

⁵⁸ Fa tiako fotsiny ny hanome ny filazako ny amin'ny hoe ho inona ity anjely ity, inona no antenaintsika. Ho mety tsara ve izany? [Hoy ny fiangonana hoe, "Eny! Amena!"—Mpand.] Satria dia manam-potoana kely isika, dia nanoratra naoty kely iray fotsiny aho eto izay noeritreretiko.

⁵⁹ Ny anjelin'ity fiangonan'i Laodikia ity, mba hamarana azy. Ankehitriny, ho tonga eo amin'ny faran'ilay taona izy, tahaka ny sisa amin'izy ireo, araka ny Baiboly. Ho tonga eo amin'ny faran'ilay taona izy. Tsy ny fiandohan'izany, fa amin'ny faran'izany, satria ilay anjely dia tonga foana mba hananatra noho... azy ireo noho izay nataon'izy ireo. "Ho an'ny—ho an'ny anjelin'ny fiangonan'i Laodikia dia soraty izao zavatra izao."

⁶⁰ Hitanareo, "Ho an'ny anjelin'ny fiangonan'i Smyrna dia soraty izao zavatra izao." Hitanareo, ny tsirairay avy dia ho an'ilay anjely amin'ny faran'ilay taona. Paoly, ny faran'ilay taona. Ary mitohy midina, faran'ilay taona. Ilay fifampitaingenana, faran'ilay taona. Faran'ilay taona, izany no manao azy hifampitaingina. Hitanareo, "Ho an'ny anjely," miteny hoe inona izy. Ity dia mifampitaingina eto, "Ho an'ny anjely," ny faran'ilay taona. Hitanareo, mandray eto mihitsy,

manao an'ilay fifampitaingenana tahaka ny zana-tohatra miakatra, ireo Taom-Piangonana Fito.

⁶¹ Ankehitriny, ity anjely izay tonga tamin'ity andro ity, tiako ny... Manana zavatra iray voasoratra aho eto, tiako fotsiny ny hamaky azy. Fa ho fantatra izy ao amin'ny ampahany faran'ilay taona. Ary satria isika dia tena akaikin'io—tena akaikin'io taonan'ny Hazavana io, ka efa eto an-tany angamba izy ankehitriny. Hitanareo, tsy fantatra izy. Izy dia ho—ho mpaminany mahery iray izay ho lavin'ny fiangonan'izao tontolo izao, satria hanohy handeha avy hatrany ao amin'ny fahotany izy ireo ary farany dia haloan'ny vavan'Andriamanitra, avy amin'ny vavan'ny Fanatrehan'Andriamanitra.

⁶² Mino aho fa ho anankiray tahaka an'i Elia izany. Hanome ny antoko aho hoe nahoana. Ankehitriny, ndao fotsiny isika hamadika ato amin'ny Bokin'ny Malakia, vetivety fotsiny, homeko anareo hoe nahoana aho no mihevitra fa izany dia ho anankiray voahosotry ny Fanahin'i Elia. Ankehitriny, tiako ianareo hitafy ny—ny kasiketin'ny fahasavanareo ankehitriny. Malakia, ny toko faha-4. Ankehitriny, henoy raha mamaky aho, ary ianareo ao amin'ny Baibolinareo. Ankehitriny, eritrereto tsara ankehitriny mandritr'ireo minitira vitsy manaraka, ankehitriny, alohan'ny hidirantsika ao amin'ilay taom-piangonana.

Fa, indro, avy ny andro, izay handoro tahaka ny fatana; ary ny mpirehareha rehetra, eny, . . . izay rehetra manao ratsy, dia ho vodivary: ary avy ny andro izay handorana azy ireo, hoy ny TOMPON'ny maro, ka tsy hisy havela na ny fakany na ny sampany.

⁶³ Inona no Lazainy? Miresaka ny amin'ny andro iray ho avy Izy eo. Hifanaraka eo amin'izany ve ianareo? Ny amin'ny andro iray an'ny fihavian'ny Tompo.

Fa ho anareo . . .

⁶⁴ Diniho ankehitriny, miresaka amin'ny Isiraely indray Izy ankehitriny. Ankehitriny, inona no Nolazainy? "Fa, indro avy ilay andro (any aoriane) izay handoro."

Fa ho anareo izay matahotra ny anarako . . . ny Masoandron'ny fahamarinana dia hiposaka miaraka amin'ny fanasitrana ao amin'ny elany; ka ianareo dia hivoaka, ary hifalihavanja tahaka ny zanak'omby mifahy.

Ary hohitsahinareo ny ratsy fanahy; fa ho lavenona eo ambanin'ny faladian'ny tongotrareo izy ireo amin'iza- . . . amin'ny andro izay hanaovako an'izany, hoy ny TOMPON'ny maro. (Tsy . . . Ilay andro izay Handoroany ny tany, dia hanitsaka eo ambonin'ny lavenon'izy ireo isika. Izany ilay Arivo taona, mazava ho azy, hitanareo.)

Tsarovy...ny lalàn'i Mosesy mpanompoko, izay nandidiako...azy tao Horeba ny amin'ny Isiraely rehetra, tamin'ny didy sy fitsipika.

Indro, izaho maniraka an'i Elia mpaminany ho aminareo mialohan'ny fihaviana...dia ilay andro lehibe sady mahatahotra an'ny TOMPO:

Ary izy hamerina ny fon'ny ray ho amin'ny zanaka, ary ny fon'ny zanaka ho amin'ny ray, fandrao avy aho ka hamely ny tany amin'ny loza.

Ny fiafaran'ny Testamenta Taloha.

⁶⁵ Ankehitriny, nilaza Jesosy...Matio 17:10, miresaka ny amin'izany. Ny Jiosy rehetra dia miandry ny fihavian'io Elia io. Ankehitriny, diniho izay nolazain'i Jesosy mikasika an'izany, Matio 17:10. Hanomboka amin'ny andininy faha-9 isika, Matio 17:9:

Ary rehefa nidina avy tao an-tendrombohitra izy ireo, dia nandrara azy ireo Jesosy, nanao hoe, Aza tenenina amin'ny olona ilay...Aza tenenina amin'ny olona ilay fahitana, (Hitanareo, "Aza tenenina izany. Fantatrareo izany, fa hazony ho anareo irery.")...Aza tenenina amin'ny olona ilay fahitana, mandra-pitsangan'ny Zanak'olona...amin'ny maty. Aza tenenina izany.

Dia nanontany azy ny mpianany, nanao hoe, Nahoana àry no nilaza ireo mpanora-dalàna fa tsy maintsy tonga aloha i Elias? Nahoana no tsy maintsy tonga aloha i Elias mialohan'ny hihavian'io Kristy io, ilay Masoandron'ny fahamarinana? Nahoana izy ireo no nilaza an'izany? Indro, efa eto sahadys Ianao, nefas ireo mpanora-dalàna dia nilaza fa—fa ho tonga aloha i Elias.

Ankehitriny, diniho:

Dia namaly Jesosy ka nanao tamin'izy ireo hoe, Marina tokoa fa i Elias dia ho avy, ho avy aloha, ka hamerina ny zavatra rehetra.

Fa lazaiko aminareo, Io Elias io dia efa tonga sahadys, nefas ianareeo tsy nahafantatra azy, (Hitanareo, tsy nilaza Izy hoe iza izy, hitanareo.) fa nanao an'izay rehetra tianareo taminy. Tahaka an'izany koa no hampiaretan'izy ireo ny Zanak'olona.

Dia azon'ireo mpianatra fa nireshaka tamin'izy ireo ny amin'i Jaona Mpanao-batisa izy. (Ankehitriny—ankehitriny, Jaona Mpanao-batisa no ilay Elias izay ho avy.)

⁶⁶ Diniho ankehitriny, miverina amin'ny Malakia ny toko faha-4 aho, indray. Tsarovy ankehitriny, nilaza Izy eto hoe "Mialohan'ny hihavian'ilay Andro lehibe sy ambony,

mahatahotra an'ny Tompo, dia haniraka an'i Elia mpaminany ho aminareo Aho.” Ny andininy faha-5:

*Fa izaho haniraka ho aminareo... ny mpaminany...
izaho haniraka ho aminareo an'i Elia mpaminany
mialohan'ny hihavian'ilay andro lehibe sady
mahatahotra an'ny... [Hoy ny fiangonana hoe,
“TOMPO!”—Mpand.]*

⁶⁷ Inona no hitantsika “amin’ny Andron’ny Tompo”? Amin’ny fiafaran’ilay taona! Izany dia rehefa hodorana izao tontolo izao. Tsaroanareo ve hoe ahoana no nandraisantsika Azy nanao solovolo fotsy iray, fantatrareo, ary—ary ny Tratrany, ary nisikina teo amin’ny tratrany. Tsaroanareo ve izany? Ary noporofointsika tamin’ny Baiboly, fa izany dia tsy andro *sabata* na koa *Alahady*, izany dia ny Andron’ny Tompo. Marina ve izany? Ary izany ilay andro izay Ahatongavany ho Mpitsara iray, “Ka hamely ny tany amin’ny loza.” Marina ve izany?

*Ary izaho haniraka ho aminareo an'i Elia
mpaminany mialohan'ny fihavian'ilay andro lehibe
sady mahatahotra an'ny TOMPO:*

⁶⁸ Ankehitriny, diniho ilay fihaviana mifangaro an'i Elia. Ankehitriny, raha hanamarika ianareo, ny Soratra rehetra dia manana dikany mifangaro, “Saingy miafina amin’ny mason’ny hendry sy ny manan-tsaina Izany, fa voambara amin’ireo zaza izay hianatra.” Tsy mino an’izany ve ianareo? Ankehitriny, hazony eo mihitsy ny Malakia 4.

⁶⁹ Ary ndao isika ankehitriny hiverina amin’ny Matio 2 iray minitra fotsiny, eo am-pitan’ilay pejy fotsiny mihitsy, Matio 2. Mino aho fa ny tokony ho lazaiko dia Lioka 2 raha tokony ho Matio 2. Voaraiko naoty eto ilay izy, saingy maika aho fotoana vitsy lasa fotsiny izay, ary teo amiko ny Fanahy Masina tao amin’ilay efitra ka nanana fotoana goavana iray fotsiny aho. Noho izany ny tiako lazaina... 2, ndao jerentsika raha ho izany ilay izy. Ankehitriny, mamelà ahy handinika eto iray minitra fotsiny. Matio 2? Tsy izany no tadiaviko, sa tsy izany? Ankehitriny, iray minitra fotsiny, ho hitako fotsiny izany ao anatin’ny... Mamela ahy banana fotoana kely fotsiny eto satria tiako ianareo banana antoka hahita an’izany, hoe ny Soratra dia manana dikany mifangaro eo Amisy. *Ny Fanompoan'i Ana; Fiverenana nankany Nazareta; Ny Paska; Ny Asam-panompoan'i Jaona.* Ankehitriny, mamela ahy hijery raha ny Lioka no tiako lazaina, namaky aho tany ho any ka... Izaho—ny tiako lazaina dia Marka raha tokony ho Lioka, mety ho Marka. Fa tiako ianareo handray an’ity Soratra ity mba—mba hahafantaranareo fa izany no asan’ny Tompo, hoe manao an’ity amin’izany fanao izany Izy. Ankehitriny, hoteneniko aminareo izay tadiaviko, eo amin’ny hoe, “Avy tany Egypta no Niantsoako ny Zanako.” Misy olona iray ve miaraka amin’ny vakiny eo amin’ny sisiny izay

afaka hahazo an'izany haingana mihitsy na hahita an'izany? "Avy tany Egypta no Niantsoako ny Zanako, Niantsoako ny Zanako." Ankehitriny, vetylity fotsiny.

⁷⁰ [Hoy ny rahalahy iray hoe, "Lioka 1:17."—Mpand.] Lioka 1:17. Misaotra anao, rahalahy. Marina izany, Lioka 1. Marka... Lioka 1:17, raha tokony ho 2. Tiako ny haka ny faha-14, eo no misy... Izay ilay izy, rahalahy. Marina tokoa izany, Lioka 1:17. Eny àry. Ankehitriny, ankehitriny dia afaka mandray naoty an'izany ianareo. Ankehitriny, izany dia, izany dia avy amin'ireo fitahian'ny Tompo, hoe voatahy izany.

Ary ianao dia hifaly sy hiravoravo; ary maro no hifaly amin'ny fahaterahany.

Fa ho lehibe eo imason'ny Tompo izy, ary tsy hisotro divay na fisotro mahery;

⁷¹ Ity lehilahy izay tonga ity dia hampianarina hatramin'ny fahaterahany mba tsy hisotro na banana zavatra hatao amin'ny fahotana tahaka an'izany. Azonareo ve ilay izy?

...sady ho fenoina ny Fanahy Masina izy, hatrany an-kibon-dreniny mihitsy aza.

Ary maro amin'ny zanak'Isiraely no hamподiany amin'ny Tompo Andriamaniny.

Ary izy handeha eo alohany amin'ny fanahy sy ny herin'i Elias, mba hamerina ny fon'ny ray ho amin'ny zanaka, ary ny tsy mankatò ho amin'ny fahendren'ny marina; ary hanamboatra vahoaka iray voaomana ho an'ny Tompo.

⁷² Ankehitriny, fantatsika ankehitriny fa naminaniana izy, ary i Jaona io olona io! Marina ve izany? Jaona no ilay Elia, an'io andro io, izay ho avy.

⁷³ Ankehitriny, fantatsika koa fa ny Soratra indraindray dia midika zavatra roa. Hilaza zavatra anankiray Izy, ohatra ao amin'ny Matio izay Nilazany hoe, "Avy tany Egypta no Niantsoako ny Zanako." Eny àry, mino aho fa izany no notadiaviko, "Avy tany Egypta no Niantsoako ny Zanako." Ary noho izany raha hijery an'io fanondroana "zanaka" eo io ianareo, Izy dia...tsy...Izany dia niverina nankany amin'ny Hosea, izay tsy nidika hoe Jesosy, Ny Zanany; izany dia—dia Isiraely, ny Zanany, "Avy tany Egypta no Niantsoany an'i Isiraely." Fa nanana dikany mifangaro izany ary fahazoana lehibe kokoa an'izany rehefa midika sy miresaka mikasika ny—ny fihavian'i Jesosy izany, izay lehibe kokoa noho—noho i Isiraely, rehefa niantso an'i Isiraely hivoaka Izy. Eny àry.

⁷⁴ Ankehitriny, hitantsika koa fa izany dia manana...ny Fihaviany voalohany dia tsy tamin'ny Andron'ny Tompo. Marina ve izany? Ankehitriny, miverina amin'ny Malakia, ndao aloha ahitsintsika ity, "Tonga amin'ny Andron'ny Tompo."

Ankehitriny, diniho ny Fihaviany mifangaro, ny Fihaviany voalohany sy ny Azy faharoa. Manana ny fisainana arapanahinareo vonona ve ianareo? Andininy faha-6 ankehitriny, "Izy dia . . ."

. . . Izy dia haniraka . . . Elia . . . mialoha . . . an'ilay
andro lehibe sady mahatahotra an'ny TOMPO: (Marina
ve izany?)

⁷⁵ Ankehitriny, fantatsika fa tsy i Jaona izany, satria tsy izany ilay Andro mahatahotra an'ny Tompo (sa tsy izany?), ary Izy . . . tsy mbola nandoro ny tany koa Izy. Noho izany dia tsy maintsy midika fahitana mialoha iray izany, na—na fihaviana iray hafa ho avy an'i Jaona . . . na an'i—an'i Elia. Marina ve izany? Satria hoy Izy hoe, "Izaho haniraka an'i Elia, ary handoro ny tany manontolo Aho, ary hanadio azy tanteraka Aho, ka handeha eo ambonin'ny lavenon'izy ireo ianareo." Izany dia ny Arivo taona, fantatsika izany. Aorian'ny hanapoahan'ny baomba atomika azy ho potipotika, amin'izay fotoana izay dia hisy . . . hahitsy ny tany. Ary hisy Andro iray lehibe eto ambonin'ny tany eto, ka hanjaka miaraka amin'i Jesosy eto an-tany mandritry ny arivo taona ilay Fianganana. Marina ve izany? "Fa mialohan'io Andro lehibe sady mahatahotra an'ny Tompo io, rehefa hipoaka izy, dia haniraka an'i Elia mpaminany ho aminareo Aho." Marina ve izany? Noho izany dia tsy midika ho i Jaona Mpanao-batissa izany ao amin'io filazana io, satria tsy mbola tamin'izany ilay Andro mahatahotra an'ny Tompo, roa arivo taona aty aorianana. Marina ve izany?

⁷⁶ Ankehitriny, diniho ilay andininy manaraka. Ary raha ho tena ara-panahy ianareo ankehitriny; ankehitriny, ity dia taratasim-pitiavana iray, ka tsy maintsy mamaky ny elanelantsoratra ianareo ary amin'izay fotoana izay vao vita tsara izy. Fantatrareo izay tiako lazaina. Tsarovy hoe toy ny ahoana no nilazako, ny Soratra hoe, "Nisaotra an'Andriamanitra Jesosy satria Nafeniny tamin'ny hendry Izany (tamin'ireo maso) sy manan-tsaina, nanambara an'Izany tamin'ny zaza." Ankehitriny, mazàna aho dia nanao kisarisary mikasika ny vadiko rehefa manoratra taratasy iray ho ahy izy; afaka mahita izay lazainy eo amin'ilay taratasy aho, saingy mamaky ny elanelan-tsortrata aho mba hahafantatra an'izay tiany lazaina, hitanareo, satria tiako izy ary izaho—fantatro ny natiorany. Ary tsy maintsy mahafantatra ny natioran'Andriamanitra ianareo ka tia Azy, amin'izay fotoana izay vao voambara aminareo ny Soratra. Izy no manambara an'Izany.

⁷⁷ Ankehitriny, diniho ilay andininy manaraka:

*Ary izy hamerina ny fon'ny ray ho amin'ny zanaka,
(Ankehitriny, diniho.) ary ny fon'ny zanaka ho amin'ny
ray, . . . (Hitanareo?)*

⁷⁸ Ankehitriny, rehefa tonga amin'ny maha-Elia i Jaona, dia namerina ny fon'ireo Israelita izy, ny fon'ny zanaka izay

nanaiky ny hafany tamin'izany, ny fon'ny ray ho amin'ny zanaka. Fa rehefa tonga izy amin'ity fotoana ity, dia hamerina ny fon'ilay Fiangonana hiverina amin'ireo ray Pentekotista izy. Hitanareo, mifamadika ilay izy eo. Azonareo ve ilay izy? Ankehitriny, vakio Izany!

⁷⁹ Ankehitriny, henoy tsara ankehitriny:

Ary izy hamerina ny fon'ny ray ho amin'ny zanaka, . . .

⁸⁰ Ilay mpisorona ortodoksa trrainy; izy no hiteny an'izany amin'izy ireo hoe, "Nahoana, Andriamanitra dia afaka hanangana zanaka ho an'i Abrahama avy amin'ireto vato ireto. Aza mihevitra fa ianareo dia afaka . . ." Hitanareo? Ankehitriny, dia haka ny fo mafin'ilay mpisorona ortodoksa antitra izy ka hamerina ny fony ho amin'ilay Finoana izay nananan'ireo zanaka teo. Hitanareo, "Ankehitriny, ireo rehetra izay vita batisa ka miandry ny Mesia ho avy. Iza no nampitandrina anareo, ianareo taranaky ny vipera, handositra ny fahatezerana ho avy?" Oh, oadray! Hitanareo, "Namerina ny fon'ny ray ho amin'ny zanaka izy."

⁸¹ "Ary ny fon'ny zanaka ho amin'ny ray." Ankehitriny, rehefa *ity* Elia lehibe ity no tonga eo amin'ny fiafaran'ity taona ity, dia hitondra ny Hafatry ny Pentekosta izy mba hamerina an'ireo zanaka ho amin'ilay Finoan'ny ray, satria hananatra azy ireo izy satria tsy nihazona an'io Finoana iray ihany izay tany aoriana tany tamin'ny voalohany io izy ireo. Amena! Ankehitriny, mino aho fa mahalala tsara mihitsy isika fa izany dia ho i Elia. Sa tsy izany? Fantatsika izany ankehitriny.

⁸² Ary izany dia . . . Hitanareo ankehitriny, fa tsy mbola tonga ilay Andro mahatahotra an'ny Tompo. Nanontany aho mazàna hoe, "Ho mpitory teny iray fotsiny ve io lehilahy io, arak'izany?" Elia dia nanao an'ireo fahagagana rehetra, fa tsy nisy toriteny. Fa rehefa teo amin'i Jaona ny Fanahiny, dia nanao ny toriteny rehetra Izany fa tsy nisy fahagagana. Nahoana? Jesosy no hanaraka azy, Izy no hanao an'ireo fahagagana, "Fa hiposaka ny Masoandron'ny fahamarinana," hoy izy, "miaraka amin'ny fanasitranana ao amin'ny elany." Noho izany dia tsy nila nanao fahagagana i Jaona, nilaza ny fihavian'i Kristy fotsiny izy. Ary izy ireo . . .

⁸³ Ankehitriny, tsarovy, ary ity Jaona ity . . . na ity Elia izay ho avy ity, dia tsy ho azo, ho lehilahy iray tena mahery eo anatrehan'ny Tompo izy hany ka hihevitra ny olona fa izy tokoa no ilay Mesia.

⁸⁴ Satria ireo tena sakaimy tsara indrindra dia nanao taminy hoe, "Ianao no ilay Mesia."

⁸⁵ Hoy izy hoe, "Tsy mendrika ny hamaha ny Kirarony aho, fa ho avy aoriako Izzy!"

⁸⁶ Satria teo ambanin'ny fiandrasana izy ireo, tamin'izany, mba hahita Mesia iray, dia nihevitra izy ireo fa ny Mesia dia ho avy... Rehefa hitan'izy ireo nipoitra io zava-mahagaga lehibe teo anivon'izy ireo io, dia hoy izy ireo hoe, "Izy no ilay Mesia."

⁸⁷ Hoy i Jaona hoe, "Tsy izaho no Izy! Fa avy aoriako Izy!"

⁸⁸ Oh, oadray! Azonareo ve ilay izy? Noho izany dia hihevitra ireo sakazany akaiky fa izy no ilay Mesia.

⁸⁹ Ankehitriny, mariho ny zavatra hafa iray izay hiseho, ny natioran'ity, ho tonga mialoha ny Andron'ny Tompo mihitsy izy. Ankehitriny, ny tany dia tsy may mihitsy tamin'ny andron'i Jaona, noho izany dia amin'ny ho avy izany. Rehefa tonga voalohany izy, dia nitory teny fotsiny; ny faharoa, izy—izy sady hanao fitorian-teny no hanao an'ireo famantarana izay nampanantenain'i Jesosy Kristy. Eny àry, ankehitriny, ndao isika hijery an'ilay natiora, ho inona izany, ny natioran'ity mpaminany izay ho avy ity.

⁹⁰ Ankehitriny, resy lahatra isika fa ny anjelin'ity taom-piagonana farany ity, dia voalaza mialoha hatrany amin'ny Testamenta Taloha no midina; ankehitriny, ny sisa tamin'izy ireo dia tsy voalaza mialoha. Paoly, Irenée, tsy voalaza mialoha izy ireo. Fa ity taona farany ity, amin'ny fiafaran'ny fahafonganana, ny fiafaran'izao tontolo izao, izany dia ho fotoana iray tena mahatalanjona izay ananantsika eo alohantsika mihitsy, noho izany ity anjelin'ity taona ity dia efa voalaza mialoha manerana ny Soratra, ny Soratra Taloha, ny fiafaran'ity taona ity. Izany dia i Elia, anankiray lehibe voahosotra.

⁹¹ Ankehitriny, diniho! Karazana natiora inona no hananan'i Elia? Voalohany, ho mpaminany mahery iray mahatoky amin'ny Tenin'Andriamanitra izy, satria nahatoky i Elia, ary nahatoky i Jaona. Marina izany. Eo am-panaovana famantarana sy fahagagana, dia hamerina ny fon'ny zanaka ho amin'ilay Finoan'ireo ray Pentekotista izy. Hankahala an'ireo anaram-piagonana tahaka ny nataon'i Elia izy. Marina izany, hankahala izy! Heveriko fa manana an'ilay zavatra vao manomboka fotsiny isika ankehitriny ho azy; saiky fotoana tokony hahatongavany. Hankahala an'ireo anaram-piagonana izy! Nankahala azy ireny i Elia, toy izany koa no nankahalan'i Jaona ny anaram-piagonana.

⁹² Hoy i Jaona hoe, "Aza tonga, mihevitra hoe, 'Ankehitriny dia manana an'i Abrahama ho rainay izahay.' Ianareo Fariseo sy Sadoseo, ianareo andiana vipera! Bibilava anaty bozaka," amin'ny teny hafa. "Fa lazaiko aminareo, Andriamanitra dia mahay manangana zanaka ho an'i Abrahama avy amin'ireto vato ireto."

⁹³ Hoy i Elia hoe, "Very lèlana izy rehetra, ny tsirairay avy amin'izy ireo! Tsy misy olona tavela afa-tsy izaho irery." Oh, oadray!

⁹⁴ Hankahala an'ireo vehivavy maivan-tsaina koa izy! Nankahala i Elia: Jezebela. Marina ve izany? Nankahala i Jaona: Herodiasy. Ireo mpaminany roa ireo, ilay Fanahy, ilay Fanahy iray ihany. Nankahala an'izao tontolo izao ara-anaram-piangonana izy ireo, ny fiangonan'izao tontolo izao. Halan'izy ireo, ihany koa, ireo vehivavy maivan-tsaina, tsy tsara. Izy ireo... Nisy zavatra tao amin'ny fanahin'izy ireo niantsoantso nanohitra an'ilay zavatra! I Jezebela dia nitady ny lohan'i Elia ka hanapaka azy; ary nampanapaka ny lohan'i Jaona koa izy, Herodiasy no nanao. Izy roa ireo!

⁹⁵ Ity mpaminany ity dia ho mpitia ny an-efitra! Tahaka an'i Elia, nipetraka tany an-efitra Izzy, irery. Jaona, tany an-efitra, irery. Noho izany dia fantatsika fa ho Elia izany. Eny àry.

⁹⁶ Ary ity mpaminany ity dia ho anankiray izay hijanona amin'ny Tenin'Andriamanitra marina. Eny, hijanona amin'Izany izy, ny Teny rehetra. Ho an'ny inona? Mba hamerina ny Finoana (tao amin'ny fiangonana Efesosy) izay very nandritr'io fotoana rehetra io, Finoana, ao amin'ny fiangonana izay nanana "Varavarana mivoha" iray napetraka teo anoloany nefà nandà an'Izany.

⁹⁷ Tsy olona iray nianatra. Elia dia tsy olona iray nianatra, ilay Tisbita. Jaona dia tsy olona iray nianatra. Lioka 1:67, nilaza ny Baiboly fa izy dia... "Fa ilay zaza dia tany... vantany vao teraka izy, nandeha nankany an-efitra izy, tany an-efitra hatramin'ny andro izay nanehoana azy tamin'ny Israely." Marina izany. 1:... Lioka 1:67 hatramin'ny andininy faha-80, raha tianareo ny handray naoty an'izany.

⁹⁸ Ity mpaminany ity koa dia ho karazana zalahy iray miovaova. Elia, rehefa avy nanao favoriana lehibe iray izy, dia tsy nisy olona afaka nanatona azy. Tratry ny fikorontanan-tsaina i Elia. Rehefa nandeha teo izy ka niantso afo hidina avy tany an-danitra ary nandoro an'ireo alitaran'i Bala sy ny sisa, dia nitsoaka nankany an-efitra izy ka hoy izy hoe, "Tompo, tsy tsara kokoa noho ireo razako aho, avelao aho ho faty." Marina ve izany? (Ary i Jaona...) Izzy-nipetraka teo ambanin'ny hazo anjavidy iray izy, ary taorian'ilay fifohazana lehibe, ankehitriny dia te-ho faty izy.

⁹⁹ Ary i Jaona, rehefa natsipin'izy ireo tao anatin'ny tranomaizina izy (io vehivavy adala io) dia nipetraka teo izy ary nanomboka lasa niovaova. Mino aho fa i Pember na ny anankiray amin'izy ireo no nanao hoe, "Ny masom-boromaheriny dia feno voaly, tao am-ponja." Namiraka ny sasany tamin'ireo mpianany izy.

¹⁰⁰ Ary, nahoana, nanambara izy, hoy izy, "Indro ny Zanak'ondrin'Andriamanitra izay manaisotra ny fahotan'izao tontolo izao." Nahita an'ilay Andry Afo nihantona teo Amboniny i Jaona, tahaka ny Voromailala, ary nidina, nipetraka teo

Amboniny. Vavolombelon'izany rehetra izany, ka nanao hoe, "Io no Zanak'ondrin'Andriamanitra!" Dia hoy izy, "Izaho no mila Ataonao batisa, fa nahoana Ianao no mankaty amiko?"

Hoy Jesosy hoe, "Ekeo ihany aloha izao ankehitriny."

¹⁰¹ Fa rehefa napetrak'izy ireo tao an-tranomaizina izy, dia nikorontan-tsaina haingana mihitsy izy. Hitanareo, sarotra kely, zara raha afaka nampakatra azy. Ary rehefa nanao izy ireo, dia hoy izy hoe, "Mandehana anontanio Izy raha Izy marina tokoa ilay Anankiray, na tsy maintsy hiandry iray hafa ho avy isika?" Tahaka ny nataon'i Elia marina tokoa, hitanareo, mitovy mihitsy.

¹⁰² Izy, karazana lehilahy karazan'ny miovaova, noho izany dia malahelo azy isika satria fantatsika fa izany ilay izy. Eny àry.

¹⁰³ Ankehitriny, ankehitriny ao... Ilay-ilay Fiagonana, ao amin'ny fanehoana azy... Tsaratsara kokoa ho ahy ny hamela an'io anankiray io hipetraka tsara. Tamin'ny fanehoana azy, ilay-ilay Fiagonana... Rehefa mampahafantatra ny tenany izy, ity Elia mahery izay hirahin'Andriamanitra ho amintsika ity, rehefa mampahafantatra ny tenany tahaka ny nataon'i Elia izy, dia efa vonona ny ho afaka ilay Fiagonana, afaka teo antànan'ny fanompoan-tsampy. Marina ve izany? Rehefa tonga teo mihitsy izy ka nanao hoe, "Hoporofointsika hoe iza no Andriamanitra," dia nanafaka an'ilay Fiagonana i Elia. Ary i Jaona, tahaka ny nataon'i Jaona, nilaza izy fa rehefa nahita an'i Jesosy, dia hoy izy hoe, "Izaho tsy maintsy mihena fa Izy tsy maintsy mitombo." Nanomboka nitory teny i Jaona, nampahafantatra ny tenany nialohan'ny fihavian'ny Tompo mihitsy. Teo amin'ny farany mihitsy, ilay fanehoana. Eny àry.

¹⁰⁴ Ankehitriny, hitantsika fa io Elia io dia tsy maintsy maneho an'ity taona ity ho an'ity Fiagonana ity. Mba hanaporofoina fa i Elia izany: Elia rehefa avy nanome ny faminaniany izy, dia tsy nila ho faty i Elia, nafindra izy ary nakarina nankany An-danitra; tandindon'ilay Fiagonana (amin'ny fiafarany'ity Elia izay ho avy ity, amin'ny fiafarany'ny fotoany), handeha ao amin'ny Fampakarana ilay Fiagonana, tsy mandalo amin'ireo aloky ny fahafatesana. Ho ny Fampakarana izany! Mino aho fa ilay Elia lehibe, ilay anankiray lehibe izay ho avy, dia ho ilay Elia voahosotra izay naminaniana ho an'ny andro farany. Amena! Heveriko fa ho izany izy, rehefa tonga izy, ilay anjely, na ilay iraka ho an'ilay fiagonana amin'ny andro farany (vahoaka iray nolavina, naetry, izany no hidiran'ity fiagonana ity, ary efa izany). Heveriko fa Elia no nampanantenaina ao amin'ny Baiboly. Heveriko fa afaka mahazo an'izany isika, hoe Elia no anankiray izay nampanantenaina ao amin'ny Baiboly fa ho avy ao amin'ity andro ity. Mino an'izany ve ianareo?

¹⁰⁵ Ankehitriny, ndao isika hivadika ao amin'i Laodikia ankehitriny ka hahita an'izay tsy maintsy ho lazain'ny

Tompontsika amintsika izao hariva izao mikasika an'i Laodikia, ny Laodikia. Eny àry, ny fiarahabana an'ilay fiangonana:

... ho amin'ny anjelin'ny Tompo . . .

¹⁰⁶ Ny andininny faha-14-n'ny toko faha-3-n'ny Apokalypsy:

... ho amin'ny anjelin'ny Tompo . . . an'ny . . .
Laodikiana soraty; Izao zavatra izao no lazain'ny
Amena, ilay vavolombelona mahatoky sy marina, ary
ny fiandohan'ny famorongan'Andriamanitra;

¹⁰⁷ Oh, oadray! Manana ny rehetra isika . . . Raha nanana ny alina manontolo isika eo amin'io eo io mihitsy, hoe ahoana no hanambaran'ny Tompo an'izany amintsika! Diniho!

¹⁰⁸ Ny "Amena" dia ny "Farany." Niseho nanerana hatramin'ny farany Izy, sy ireo zavatra samihafa, fa eto amin'ilay taom-piangonana farany no voalaza hoe, "Izaho dia . . . Ity no farany, Izaho no Farany."

¹⁰⁹ Ankehitriny, mba hanehoana fa Izy no "Voalohany" ihany koa, satria izany Izy, Izy no "fiandohan'ny famorongan'Andriamanitra." Oh! Takatrareo ve Izany? Hitanareo? Ahoana no ahafahan'Andriamanitra ho foronina raha Fanahy iray Izy? Ahoana no Ahafahany ho izany? Izy dia—Izy dia Mandrakizay! Tsy noforonina mihitsy Izy, tsy hoforonina mihitsy Izy, satria Izy no Andriamanitra tany amin'ny fiandohanana. Fa Izy izay "ny fiandohan'ny famorongan'Andriamanitra" dia Jesosy Kristy rehefa tonga voaseho Izy, rehefa nipetraka tao Aminy Andriamanitra. Izy no famorongan'Andriamanitra! Oh, oadray! Hitanareo, "Ny Voalohany sy ny Farany; ny Amenà, ny fiandohan'ny famorongan'Andriamanitra." Rehefa namorona vatana iray ho an'ny Tenany Andriamanitra, dia nidina Izy ka nipetraka tao anatin'izany, izany no fiandohan'ny famorongan'Andriamanitra. Hitanareo? Oh, tsy mahafinaritra ve Izy?

¹¹⁰ Ankehitriny, hitantsika tamin'ny voalohany, naneho ny maha-Andriamanitra Azy mihitsy Izy eto, "Izaho no Tsitoha! Izaho no Izy izay Nisy, Izay Misy, ary Ho Avy. Ny Tsitoha!" Ho an'ny fiangonan'i Efesosy, dia voalaza intelo izany. Marina ve izany? Manohy avy hatrany amin'ilay Laodikiana mihitsy ka nanao hoe, "Izaho no Amenà. Izaho no Voalohany tetô, Izaho no Farany eto. Ary Izaho no fiandohan'ny famorongan'Andriamanitra. Manerana an'ireo taom-piangonana izay tsy maintsy ho tetezintsika, dia hianatra ianareo fa Izaho no Andriamanitra, Andriamanitra noforonina tao amin'ny endrika olona iray. Izaho no fiandohan'ny famorongan'Andriamanitra!" Amenà.

¹¹¹ Hanao Presbyterana iray hihiakiaka izany. Eritrereto fotosiny izany! "Fiandohan'ny famorongan'Andriamanitra." Ankehitriny, izaho . . . Oh, toy ny ahoana no itiavako an'izany, "ny famorongan'Andriamanitra," rehefa noforonina Andriamanitra,

rehefa tonga nofo tao amin'i Jesosy Kristy Andriamanitra ka nonina teo anivontsika.

¹¹² Ankehitriny—ankehitriny, ilay andininy manaraka dia ho (ho an'ireo fiangonana hafa) fiderana, saingy tsy nidera an'ity fiangonana ity Izzy. Nanana fitarainana iray nanohitra azy Izzy, fa tsy fiderana iray. Tsy nidera an'ity ho an'ny inona na inona Izzy, ity taonan'i Laodikia ity. Niaraka tamin'ny Hazavana rehetra izay nananan'izy ireo, nefà niala tamin'Izany, dia tsy nila fiderana mihitsy izy ireo. Ah-hah. Nila fananarana iray izy ireo, ary nahazo an'izany! Nanana fitarainana iray ho an'ity fiangonana ity Izzy, fa tsy fiderana.

¹¹³ Ankehitriny dia tiako ny hamaky ny andininy faha-15 sy faha-16 eto ankehitriny:

Fantattro ireo asanao, . . . ianao dia tsy mangatsiaka na mafana: Ho tiako ianao raha mba mangatsiaka na nafana. (Amin'ny teny hafa, “Aza—aza ho matimaty fotsiny.”)

Koa satria matimaty ianao, ka tsy mangatsiaka na mafana, dia haloako avy amin'ny vavako ianao. (Hmm!)

¹¹⁴ Nampianarina . . . Fiderana iray ve izany? Fananarana iray ho an'ity taonan'i Laodikia tsy masina ity izany, ilay ratsy indrindra amin'ilay andiany manontolo. Ny sisa rehetra tamin'izy ireo dia teo ambanin'ny fampijaliana sy ireo zavatra izay azon'izy ireo; tsy nanana na inona na inona izy ireo, tratra ny fahantrana, nirenireny tao anatin'ny hoditr'ondry sy hoditr'osy, ary efa lao, sy notsofaina ka nodorana ho faty, sy namahanana ny liona, sy ny zavatra hafa rehetra, saingy mbola nihazona ny Finoana foana. Fa ity andiany ity dia “manan-karena ka tsy mila na inona na inona,” ary ny zavatra hafa rehetra, ary mpivarotena iray! Marina izany.

¹¹⁵ Ankehitriny, manana lesona iray goavana be isika, manantena aho fa manampy antsika ao amin'izany ny Tompo. Izzy—hoy Izzy hoe, “Satria tsy mafana ianao na mangatsiaka, matimaty.”

¹¹⁶ Tahaka ny ronono, hitanareo. Ny ronono tsara mangatsiaka no tsara. Sa tsy izany? Tsara ho anareo ny ronono mafana. Fa ny ronono matimaty dia hampandò anareo.

¹¹⁷ Tsaroako indray hariva izay naharariako, teo amin'ilay renirano, teo amin'ny dimy amby roapolo taona lasa izany. Tao anatin'ny sambo tranobongo kely iray aho, nipetraka tao. Narary aho, ary tonga izy ireo, ny zaodahiko no nitondra ahy nankany amin'ny Dr. Isler. Hoy izy, “Inona ny olana?”

Hoy aho hoe, “Tena marary aho ao amin'ny vavoniko!”

¹¹⁸ Hoy izy, “Misotroa ronono mafana iray vera.” Oh, rahalahy! Ronono matimaty, nampaharary ahy izany, noho izany dia namoaka an'izay rehetra tao anaty mihitsy aho.

¹¹⁹ Ankehitriny, hoy Andriamanitra hoe, "Aleoko ianao ho mafana, tena mafana midorehitra, na mivaingana, ho ny anankiray na ilay hafa. Aza matimaty, satria mampaharary Ahy ianao."

¹²⁰ Izany no ataon'ity taom-piangonana ity ho an'Andriamanitra, mampaharary Azy! Hitanareo? "Na ho... Aza... Na-... aza mid-... Na hafana midorehitra na... Aza matimaty! Mafana na mahamay; satria mampandò Ahy ianao."

¹²¹ Ny fahangolen'ilay fiangonana Anglikana tamin'ny andron'i John Wesley no nitarika azy hanao an'ireo favoriana tany an-kafa, satria nangatsiaka ilay izy, ngoly.

¹²² Ny fahangolen'ny fiangonana Metodista no nanao an'i William Booth ho lasa mpitory ny famonjena iray mafana midorehitra. Hitanareo, hoy Andriamanitra hoe, "Raha tsy ho avy ianao ka hibebaka, dia hamindra ny fanaovan-jiro Aho. Hesoriko izany, homeko ho an'olon-kafa." Noho izany rehefa tsy nandray ny fanamasinan'i John Wesley ny fiangonana Metodista, dia tonga avy hatrany i William Booth niaraka tamin'ny Tafiky ny Famonjena ary nitondra azy nanohy avy hatrany. Marina izany. Nahoana? Narafitr'izy ireo izany! Marina tokoa izany. Nanao rafi-pandaminana iray avy tamin'izany, ka hoy Andriamanitra hoe, "Halako ilay zavatra!"

¹²³ Noho izany ilay... Tonga i William Booth ka naka azy, ary ny Tafiky ny Famonjena, avy eo dia inona no nataony? Ilay zavatra iray ihany, nihodina ka nandrafitra an'izany indray. Tonga taoriany ireo Campbellites, ary nisy vetivety izy ireo; ary avy eo dia i John Smith niaraka tamin'ireo Batista; ary avy eo dia tonga taorian'izany ireo Nazareana; ary avy eo taorian'ireo Nazareana dia tonga ny Pentekosta.

¹²⁴ Ireo Nazareana, inona no nataon'izy ireo? Nanamboatra ny azy tamin'ilay fanao iray ihany, nanao azy ho anaram-piangonana.

¹²⁵ Inona no tonga tamin'io fotoana io? Sampana kely anankiroa, Fianganan'Andriamanitra sy ny sisa, no nivoaka avy tao. Inona no nataon'izy ireo? Nandrafitra; namela azy ireo handeha fotsiny.

¹²⁶ Avy eo dia tonga ireo Pentekotista niaraka tamin'ny fitahian'ny fara-orana, inona no nataon'izy ireo? Nandrafitra, noho izany dia Navelany nandeha fotsiny izy ireo. Marina izany.

¹²⁷ Ankehitriny dia tonga eto amin'ny farany eto isika, handray zavatra tena mafy ianareo ao anatin'ny minitry vitsy. Eny àry.

¹²⁸ Eny àry, Izy dia mila anareo ho mafana midorehitra na-na mivaingana, ny anankiray na ilay hafa. Aza matimaty! Aza mihambo zavatra anankiray izay tsy anananareo mihitsy, na hirehitra ho an'Andriamanitra na hanohy hiverina ao

amin'ilay—ao amin'ilay—ao amin'ilay rafi-pandaminana. Aza—aza matimaty!

¹²⁹ Izany ilay zavatra iray ihany ankehitriny! Izany ilay zavatra iray ihany izay miseho amin'ny... ireto fiangonana eto ireto. Izy dia mila anareo na mafana na mangatsiaka. Tsy mila "matimaty" Izy. Tonga teo amin'izany ny Pentekosta, toerana matimaty iray. Mandeha eo amin'ny piano matetitetika izy ireo, sy amponga vitsivitsy, ary feon-javatra kely eo; ary manao mozika betsaka, mitsangana ny olona iray ary karazan'ny... fantatrareo, milaza kely hoe, "Deraina ny Tompo! Haleloia!" Ah-hah. Ary mihena ny mozika, "AH, Ah, ah, ah," izay no izy. Oh, oadray, mampaharary an'Andriamanitra ao amin'ny Vavoniny fotsiny! Hitanareo? Ah-hah. Eny àry.

¹³⁰ Tsy misy betsaka miseho arak'izany, toy ny—toy ny fifohazana iray mafana midorehitra miseho ao amin'izy ireo, fa nanana milina mekanika betsaka izy ireo tao amin'ity fiangonana ity, hitanareo, satria ianan-karena izy ireo ary, oh, oadray, niaraka nikambana izy ireo ary nanao favoriana goavana sy ny sisa. Nanana fotoana tsara iray izy ireo tao amin'ity fiangonana ity, marina daholo izany, saingy milina mekanika daholo izany. Fa tsy misy hafanan'ny Fanahy Masina ao. Hitanareo?

¹³¹ Jereo eto izay Nolazainy ato, hitanareo:

Fantattro ireo asanao,...ianao dia tsy mangatsiaka na mafana: Ho tiako ianao raha mba nangatsiaka na nafana.

Ary satria ianao dia matimaty,...tsy mangatsiaka na mafana, dia haloako avy amin'ny vavako ianao.
(Hitanareo?)

¹³² Ankehitriny, hoy Izy hoe, "Ho Tiako ianao raha mba nangatsiaka na nafana. Ary satria tsy izany ianao, Izaho—tsy maintsy hanala anao fotsiny Aho, izay ihany, hamoaka anao fotsiny avy ao amin'ny Vavako."

¹³³ Ankehitriny, nanana vola betsaka izy ireo, nanana tranobe lehibe izy ireo, nanana zavatra lehibe nihodina izy ireo, saingy tsy nanana ny hafanan'ny Fanahy Masina. Oh, izy ireo dia nanana mili—...ra—rafitra iray. Oh, oadray! Manana fiangonana iray Miray miaraka izy ireo. Ry tovolahy, manana an'ireo tranobe goavana indrindra izay hany nananany izy ireo, ary ireo zavatra mihodina, saingy tsy nanana ny Fanahy Masina. Hitanareo? Izany no nalefan'Andriamanitra ho an'ilay Fiangonana, ny Fanahy Masina.

Ankehitriny, raha manohy eo amin'ity andininy faha-16 ity isika.

¹³⁴ Manana an'ireo karazana komity rehetra izy ireo. "Oh, manana rafitra lehibe iray an'izany izahay. Ireo fikambanana

manampy an'ireo ramatoa antitra, sy ny—ny lalao belôty an'ireo lehilahy tanora, sy—sy ny lalao banco ny Zoma hariva, sy ny—ny lalao basketball ny Alahady tolakandro, ary, oh, ny lalao baseball amin'ny *izao-sy-izao*. Ary, oh, izahay dia manana an'ilay—ilay fikambanan'ireo lehilahy mpiresadresaka fotsiny. Ary, oh, manana ny karazan-javatra rehetra izahay."

¹³⁵ Teneniko aminareo, voafatratra izy, ireo fikambanana, ireo klioba, sy fifaninanana, ary inona koa, fa tsy misy ny hafanan'ny Fanahy Masina. Hitanareo, manana rafitra goavana iray ianareo, fa tsy manana na inona na inona hanafana ao. Manafana tena amin'izao tontolo izao ianareo fa tsy amin'Andriamanitra, izany no antony hoe matimaty ianareo.

¹³⁶ Oh, manana mambra betsaka noho izay hany nanananareo ianareo. "Azo antoka, ry tovolahy! Nahoana, manana iray tapitrisa amboniny izahay amin'ny '44," hoy ny Batista. Nefanefa inona no azonareo? Milina goavana iray!

¹³⁷ Tao amin'ilay fiangonana iray ihany mihitsy no nandrenesako an'ilay fanamarihana natao, tsy maintsy mampirava dimy ambin'ny folo minitrya izy ireo, mba hanome anjara iray ho an'ilay pasitera mba hivoahany any ivelany, sy ny diakona rehetra ary izy rehetra ireo, mba hifoka, ary miverina miditra indray. Hitanareo? Eo ianareo izao. Manameloka mazava an'io karazan-javatra io ny Baiboly! "Raha mandoto an'io vatana io ianareo..."

¹³⁸ Manameloka an'izany ireo dokotera ka manao hoe, "Feno homamiadana izany." Avy eo dia mandeha eo amin'ny radio izy ireo ka manao hoe, "Ny fanatatavanan'ny lehilahy misaina."

¹³⁹ Tahaka ny nolazain'i Billy Graham hoe, "Adala iray izy mba hisaina tahaka an'izany eo am-piandohana."

¹⁴⁰ "Fanatatavanan'ny lehilahy misaina," ny lehilahy *misaina* iray dia tsy hifoka an'izany mihitsy, marina izany, raiso ilay fisainana faharoa. Fa miteny amin'ireo vehivavy izy hoe hanao azy ireo ho tena mahia izany, fantatrareo, mba ahafahan'izy ireo manao ny sasany amin'ireo karazan'akanjo vaovao izay ananan'izy ireo. Ry tovolahy, izany no mivarotra an'ilay izy! Betsaka noho ny lehilahy ny vehivavy mifoka ankehitriny, ary ny vehivavy iray dia hifoka telo noho ny anankiray, sigara, noho ny lehilahy iray. Marina tokoa izany, satria te-ho lasa mahia izy. Tsy fantany fa izany no TB ka ny homamiadana sy ny karazany no manao azy tahaka an'izany, ao amin'ny endrika zazakely iray fotsiny, tonga ao anatiny, mihinana azy tanteraka tahaka an'izany, mamono azy. Tsy misy zavatra iray afaka hivoaka avy ao amin'izany afa-tsyo ny ratsy! Marina izany. Hitanareo? Nefanefa no, "Izany—izany no fanatatavanan'ny lehilahy misaina iray." Hah! Oh, oadray!

¹⁴¹ "Tsia! Tsia! Oh," hoy izy ireo, "fa izahay manana... Rahalahy Branham, manohitra an'izany aho! Manana fivoriana

lehibe izahay! Jereo izay nananan'i Billy Graham manerana ny firenena." Oh, azo antoka, rafitra goavana iray, manakarama evangelista, mandoa mpitarika hira.

¹⁴² Hia, manakarama ny evangelistany izy ireo. "Eny, ohattrinona no homenareo ahy raha ho tonga hanao an'io fifohazana io aho? Eny, raha tsy afaka mamokatra arivo dolara *izao-isa* ianareo dia tsy ho avy mihitsy aho. Marina izany. Ary iza no havelanareo hitarika ny fihirana? Eny, mandehana ianareo ka karamao *Ranona-sy-ranona*, sôlista malaza iray izy. Karamao izy mba... Hahasintona ny antsasaky ny vahoakako izy, izy irery."

¹⁴³ Mandoa an'ireo sôlista! Mandoa an'ireo evangélista! Nahoana, izany dia tonga eo amin'ny toerana iray hoe lasa fandraharahana iray ny famonjena fanahy. Tsy fandraharahana iray an'ny fiangonana ny famonjena fanahy, izany dia ny herin'ny Fanahy Masina ao amin'ny fiangonana. Ny famonjena fanahy dia tsy...tsy vidianareo amin'ny vola izany. Tsia, tompoko! Tsia! Izany rehetra izany dia, dia ireo asa, ireo asa, ireo asa, mandoa an'ireo evangélista, mandoa an'ireo mpitarika hira, mandoa an'ireo antoko mphira, ny zavatra hafa rehetra. Tsy ilain'Andriamanitra izany, izany rehetra izany dia ireo asa! Tsy mila asa Andriamanitra, mila ny Fanahy Masina miasa ao anatinareo Izy. Marina izany.

¹⁴⁴ Hoy ny andininy faha-17 hoe:

Satria hoy ianao hoe, Manan-karena aho, . . . mitombo amin'ny fananana, ka tsy mila na inona na inona; nefat sy fantatrao fa ianao dia ory, (Oh!) . . . tsy fantatrao fa ianao dia ory, . . . mahantara, . . . malahelo, . . . jamba, ary mitanjaka: (Hmm! Hmm!)

¹⁴⁵ Nihevitra izy ireo fa izy ireo dia "manan-karena," ity Pentekotista ao amin'ity fiangonan'ny taona farany ity. Nihevitra izy ireo...Ary nanan-karena izy ireo tety ivelany. Eny, tompoko. Manan-karena izy ireo. Eritrereto fotsiny ilay fiangonana, taloha taona vitsy lasa izay, dia nitsangana teny amin'ny zoron-dàlana, voaroaka nitety toerana, nanana fotoana sarotra. Fa ankehitriny dia izy ireo no manana an'ireo tranobe goavana indrindra izay misy.

¹⁴⁶ Hitanareo hoe aiza no misy ny Assemblées de Dieu eto, izay nanana ny toerany tao amin'ny tranobe hazo tsotra iray fahiny, zavatra iray mitovy amin'ity eto ity, nefat ankehitriny dia manorina tranobe iray enina tapitrisa dolara izy ireo, nefat hoy izy ireo hoe, "Ho avy izao ankehitriny izao Jesosy." Ireo asanareo no manaporofa fa tsy mino an'izany ianareo. Fihatsarambelatsihy izany! Manorina tranobe an-tapitrisany dolara sy ireo zavatra tahaka an'izany, nefat manao hoe, "Ho avy izao ankehitriny izao Jesosy." Ary ireo misionera mahantara eny amin'ny saha, tsy misy kiraro eny amin'ny tongony, tena misionera matahotra an'Andriamanitra, tsy misy

kiraro eny amin'ny tongony, ary mivelona amin'ny anjara vary anankiroa isan-kerinandro; mihinana indroa isan-kerinandro mba hitondra ny Filazantsara manerana ny ati-ala sy ny zavatra tahaka an'izany, mba hitondra an'izany ho an'ireo rahalahiny. Nefa isika dia manorina tranobe enina tapitrisa dolara, ary ny fiangonana miaraka amin'ny varavarankely fitaratratra goavana, misy pentimpentina, sy ny zavatra hafa rehetra, ary mamestraka an'izany eo amin'io. Oh, manana vola betsaka mihitsy aza ianareo hany ka indraindray dia manana fikambanana mpampindram-bola izy ireo ao anatin'ny fiangonan'izy ireo mihitsy. Marina izany!

¹⁴⁷ Dokotera no ao anatiny ao mba hizaha an'ireo evanjelistany na ireo misionerany. Ary raha misy olona iray te-handeha ho any amin'ny saha, dia omen'izy ireo fizahan'ny dokotera izy mba hahita raha izy . . . na mpitsabo saina, mba hahita raha izy dia . . . oh, raha manana ny IQ-ny tsara ara-tsaina izy, hitanareo. Ny Fanahy Masina no mizaha an'izany, tsy mila mpitsabo saina iray ianareo.

¹⁴⁸ “Fa, manan-karena ary tsy mila na inona na inona.” Oh, azo antoka. Manana vola betsaka ianareo. Ety ivelany, tena manan-karena; manana tranobe malalaka, varavarankely fitaratratra misy pentimpentina.

¹⁴⁹ Ary mpitory teny mahay mandaha-teny! Oh, oadray. Oadray, hoteneniko aminareo, hmm, mahay mandaha-teny marina tokoa izy ireo. Afaka mitsangana izy ireo ka miresaka mandritry ny alina manontolo, nefo tsy milaza na inona na inona. Hitanareo? Rehefa tonga izy ireo . . . Ny tiako lazaina dia mikasika an'ireo zavatra izay tsy tokony ho lazain'izy ireo, hitanareo. Mitsangana, ary ny sasany amin'io karazan-javatra io, ary miresaka mikasika an'izao-sy-izao kely sy ity izao-sy-izao ity. Ary fantatrareo hoe ahoana ilay izy. Mandoa an'ireo mpihira. Marina izany. Eny àry. Saingy, tonga eo amin'ny polipitra, ireo mpitory teny mahay mandaha-teny. Raha tsy miakanjo palitao sy pataloa tuxedo miaraka amin'ny vozon'akanjo mivadika izy ireo, ary manao karazana akanjom-behivavy misy rambony, nahoana, dia mahatsapa ho tena saikatra ny fiangonan'izy ireo.

¹⁵⁰ Ary tonga eo ireo mpihira ireo, ireo vehivavy ireo, volo fohy tapaka tahaka an'i Jezebel, loko eo amin'ny tarehiny ampy handokoana tranom-biby iray. Vantany vao manala an'io akanjo io izy ireo, dia manao sorta sy fitafian-dehilahy, nefo hoy ny Baiboly hoe, “Raha manao fitafian-dehilahy ny vehivavy iray, dia fahavetavetana eo Imasonry izany.” Mandeha eny an-dàlambe miaraka amin'ny orony miakatra, raha avy ny orana dia handentika azy ireo izany. Jezebel mahay ny rehetra, miavonavona, mpirrehareha! Izany no antony tsy ananantsika fifohazana, ilay izy dia ampanhan'ny asan'ny milina goavana iray.

¹⁵¹ Oh, mety manana feo tahaka ny arikanjely iray, nefà hanao anareo hamaly ny amin'izany Andriamanitra! Ireo Elvis Presley sy ny sisa, ary Ernie Fords, na inona no iantsoan'izy ireo azy ireo eto miaraka amin'ireo feo tsara ka mampiasa azy ireny ho an'ny devoly, hoy Andriamanitra hoe, "Hitaky an'izany eo antànan'izy ireo Aho."

¹⁵² Izany no antony hanajako an'i Fanny Crosby jamba; tsy nivarotra ny fanomezam-pahasoavany ho an'izao tontolo izao mihitsy izy. Nihazona an'izany niaraka tamin'Andriamanitra izy.

¹⁵³ Maro amin'ireo olona ireo no mpihira mahay mandaha-teny, lehilahy mahay mandaha-teny, lehilahy malaza, sy ny sisa, raha tokony hampiasa ny talentany ho an'Andriamanitra, dia ny devoly no nanimba azy ireny ka miasa ho azy izy ireny any. Ireo olo-malaza, ireo olo-malazan'ny radio sy televiziona, mivarotra ny tenany, any ivelany any ho an'izao tontolo izao raha tokony hanome an'izany ho an'Andriamanitra. Ny sasany amin'izy ireo dia tonga any am-pianganana, mandeha any am-pianganana, manao akanjo goavana tsara, tonga any ka mihira tahaka an'izany, nefà miverina ka mihira rock-and-roll ny ampitso hariva. Tahaka an'ireo mpihira izay fantatsika, mikambana amin'ireo fiangonana sasany, mivoaka eo ary manao an'ireny horonan-tsary ireny, ireny horonan-tsarin'ny sinema ireny, mivoaka eo ka mihira an'ireo rock-and-rolls. Ireo mpanjakan'ny rock-and-roll, nefà mihambo ho mpivavaka! Fitaky ny devoly izany!

¹⁵⁴ Lehilahy iray nanana tena—tena toe-tsaina tsara teto. Izay nilaza fa ho lasa mpitory teny iray izy, nandeha izy ny Alahady maraina ka nitory teny, ary avy eo dia nandeha tany teo... ary nandeha teo amin'ny fandefasam-peon'ny radio ka nihira an'ireo hira rock-and-roll sy ny zavatra rehetra tahaka an'izany, hany ka naka basy poleta iray izy tamin'ny farany ka nanapoaka ny ati-dohany. Manaja an'ilay lehilahy aho tamin'ny fanaovana an'izany. Marina izany. Marina izany. Izy—izy dia nanana kokoa... Nanana toe-tsaina betsaka tahaka an'ireo kisoa ireo izy, na ahoana na ahoana, rehefa nanana devoly izy ireo tao anatiny dia nihazakazaka nankany amin'ny rano izy ireo ka sempotra. Ny olona sasany dia tsy manana betsaka an'izany akory aza.

¹⁵⁵ Fantattro fa ianareo... Izaho—halako ny ho mafy tahaka an'izany, saingy, rahalahy, ranabavy, ianareo dia—tsy maintsy mandentika an'ilay zavatra eto ianareo mba hanao azy—hanao azy hiraikitra! Izany no andro izay iainantsika. Ataoko fa Jesosy dia niantso an'i Heroda hoe "amboahaolo antitra," ary i Jaona niantso azy ireo hoe "taranaky ny vipera," eny ary.

¹⁵⁶ Manana tranobe malalaka izy ireo, varavarankely fitaratra misy pentimpentina, mpitory teny mahay mandaha-teny,

mandoa mpihira. Eny, tompoko. Inona no ananan'izy ireo ao anatin'izany? Inona no ao anatin'y? Tsy misy na inona na inona an'ny Fanahy Masina. Mitsangana eo ary mivoaka ka manao sorta, ary miditra ka mihira ao amin'ny antoko mpihira. Ianareo mpihatsaravelatsihy mahantra! Eny, tompoko. Marina izany.

¹⁵⁷ Ary ianareo, mpitory teny, izay handeha hankany amin'ny fivoriana iray satria manome anareo vola betsaka kokoa noho ny omen'izy ireo any amin'ny toerana iray hafa izy ireo! Ianareo karilahy, tsy mendrika ny ho eo amin'ny polipitra ianareo. Marina izany. Vola! “Raha tsy afaka manome arivo dolara *izao-isa* ianareo, eny, dia tsy afaka ho avy izahay. Ireo—ireo—ireo mpikarakara anay sy ny sisa dia ho tonga, raha afaka manangona an'ilay vola ianareo dia ho avy izahay. Raha tsy afaka mahazo ny fiaraha-miasa feno amin'ny olona rehetra aho, dia tsy ho avy. Raha tsy miara-miasa feno ny olona rehetra (ireo fiangonana rehetra) mba hahazoako vola betsaka handoavako ny trosako, dia tsy ho avy aho.”

¹⁵⁸ Rahalahy, ny tena lehilahin'Andriamanitra iray dia handeha raha ny Fanahy Masina no mitarika azy, tsy mampaninona izay nisy tao anatin'ilay rakitra. Raha tsy maintsy nihinana bisky maina sy nisotro rano tsotra izy. Marina izany, tena mpanompon'Andriamanitra iray izy.

¹⁵⁹ Saingy mamato-tena amin'ireo fampielezam-peo sy radio ary televiziona ny olona, sy ireo karazan-javatra rehetra an'izao tontolo izao, hany ka tsy maintsy manana an'izany karazam-bola izany izy ireo. Marina tokoa izany. Hitanareo? Tsy Andriamanitra izany.

¹⁶⁰ Hoy Izy hoe, “Oh, manan-karena ianao, tsy mila na inona na inona.” Azo antoka, saingy ilay tena zavatra nilainao mihitsy, no tsy nanananao. Marina izany. Nefa tsy fantatrao izany. Hitanareo, “Manan-karena, tsy mila na inona na inona.” Karamaina mba hanao an'ireo zavatra izay ataon'izy ireo, filalaovan-karatra. “Oh,” hoy ianareo, “nanana fiangonana goavana izahay.” Oh, azo antoka. Eny, tompoko. “Fiangonana goavana indrindra! Nahoana—nahoana, fantatrareo, ny ben'ny tanàna dia mandeha mankao amin'ny fiangonanay.” Am-ham. Marina izany. “Eny, fantatrareo, *Ranona-sy-ranona*, rehefa tonga eto an-tanàna izy ireo, dia mandeha mankao amin'ny fiangonanay.” Am-ham. “Manana ny malaza rehetra izahay ao amin'ny fiangonanay.”

¹⁶¹ Eny, ary avelao ilay mahantra, masina manana ilaina hiditra ao amin'ilay fiangonana, fa henatra iray ho anareo izy ireo. Tsy ilainareo ao akory aza izy ireo. Matahotra ianareo sao misy olona iray hanao “Amena!” rehefa eo am-pitoriana ianareo.

¹⁶² Tahaka an'ilay ramatoa kely izay novakiako tao anatin'ny boky kely iray tetra indray mandeha, tonga tao amin'ny fiangonana iray izy. Ireo zanany, nitaiza azy ireo tao amin'ny

fiangonana iray tamin'ny fanao fahiny tany anaty ala tany izy izay nisy azy ireo tena masina tokoa. Noho izany ilay... Tonga ny tovolahy iray indray andro ary nanambady an'ilay zazavavy. Nilaza fa izy dia nikambana tamin'ilay fiangonana tany *iwelany*, fantatrareo, anankiray tamin'ireo fiangonana goavana avy tamin'ilay anaram-piangonana iray ihany tany antanàna. Noho izany dia niteny tamin'ilay reny izy fa Kristiana iray. Noho izany dia nanambady an'ilay zanakavavy izy ka nitondra azy.

¹⁶³ Eny, farany dia nasainy niala tao amin'ilay fiangonan'ambanivohitra tranainy kely tany amin'ireo tendrombohitra izy, ho eto, io fiangonana tsara goavana be io, mitovy anarana; nefo tany dia nanana ny Fanahy Masina izy ireo, teto dia tsy nanana na inona na inona. Noho izany rehefa tonga izy ireo, io fiangonana tsara goavana be io.

¹⁶⁴ Noho izany dia nilaza i Neny, indray andro, fa ho avy izy mba—mba hijery ny zananivavy. Eny, nanontany izy hoe inona marina no nataon'izy ireo taminy. Noho izany rehefa tonga izy dia toy ny zavatra iray avy ao amin'ny boky tranainy iray, iray amin'ireny akanjo kely, avo vozona ireny, fantatrareo, tangan'akanjo lava, ary ny volony voabango mankany aoriana, tarehy malama tahaka ny tongolo, tahaka an'izany (voabango mankany aoriana, fantatrareo). Ary tonga izy, ka hoy izy hoe, "Eny, Haleloia, ry malala! Manao ahoana daholo ianareo?" Eny, hoy izy, "Ankehitriny, Alahady rahampitso." Hoy izy, "Handeha hankanya amin'ny fivoriana ianareo rehetra, sa tsy izany?"

¹⁶⁵ (Hoy ilay vady lahy hoe, "Inona no hataontsika aminy?" Hoy izy, "Tsy afaka hitondra azy hankany tahaka an'izao isika!" Ary hoy izy, "Eny, tsy fantattro izay hatao.") Eny, hoy izy, "Neny, teneniko aminao, izahay...")

¹⁶⁶ "Oh," hoy izy, "saingy, malala, tsy afaka hijanona tsy ho any am-piangonana aho. Azo antoka fa misy fiangonana iray *izao-izao* manodidina eto." "Oh," izy... hoy izy hoe... Hoy izy, "Nahita anankiray aho tery amin'ny zoron-dàlana tery, handeha any mihitys aho."

(Dia hoy izy hoe, "Oh, eny, tsy maintsy hanao an'ilay izy fotsiny isika.")

¹⁶⁷ Noho izany dia nandeha izy ireo, navelan'izy ireo nandeha aloha izy, (Hitinanareo?) menatra ny aminy. Indro izy niampita ny lèlambe niaraka tamin'ny zipo kely, fantatrareo, ary teo ambanin'ny sandrinny ny Baiboliny. Eny, rahalahy, mety tsy nanana ny anarany tao amin'ny *Iza no Iza* izy, saingy heveriko fa nanana ny anarany teo amin'ny Bokin'ny Fiainan'ny Zanak'ondry izy. Izany ilay zava-dehibe.

¹⁶⁸ Rehefa niditra tao am-piangonana izy dia nipetraka teny aoriana, naka ny sezany, fantatrareo, ary nanokatra ny Baiboly dia nanomboka namaky izy. Ary nanomboka nitodika ny olona

rehetra, nihevitra fa nisy karazana ntaolo iray nilatsaka avy tany ho any. Nitodika tahaka an'izao, "Oh, oadray!" Nanao an'ireo akanjony tsara rehetra, fantatrareo, ilay tena Laodikiana, ary ireo akanjony tsara sy ny sisa. Nijery tany aoriana ka nahita an'io reny kely nipetraka teo io, niaraka tamin'ny tsiky goavana teo amin'ny tarehiny, fantatrareo, namaky an'ilay Baiboly. Hia.

¹⁶⁹ Ary ilay pasitera, afaka kelikely, rehefa avy nahavita an'ireo zavatra hafa rehetra izy ireo, farany izy, teo amin'ny dimy ambin'ny folo minitra teo no nananany mba hiresahana. Noho izany dia nitsangana izy ka hoy izy hoe, "Tsara ny Tompo."

¹⁷⁰ Hoy izy hoe, "Deraina Andriamanitra! Marina izany! Haleloia!" Dia nanalava ny tendany tahaka ny gisalahy ny olona rehetra, nitodika hoe, "Iza izany?"

¹⁷¹ Ary avy eo afaka kelikely, dia hoy izy hoe, "Ahm! Ahm! Ahm!" Hoy izy hoe, "Ireo Kristiana amin'ny taona rehetra dia tokony ho mahery fo, lehibe, Kristiana tsara," na zavatra tahaka an'izany.

¹⁷² Hoy izy hoe, "Deraina Andriamanitra! Marina izany!" Dia nitodika izy rehetra.

¹⁷³ Ary izy, "Ahm!" njery nankany amin'ny komitin'ny diakony.

¹⁷⁴ Dia azon'ny komitin'ny diakona ilay hevitra. Nandeha nankany aoriana izy ary nandray an'ilay vehivavy kely tamin'ny sandriny ka nitondra azy nivoaka ny varavarana, nanao hoe, "Manembatsembana ny pasitera ianao."

¹⁷⁵ Maty ianareo nefo tsy mahafantatra an'izany! Eny. Oh, hitontaly inona ireo varavarankelinareo fitaratra misy pentimpentina? Inona ireo dabilionareo voloina? Ary inona ny fiangonanareo goavana rehetra? Mandeha mivantana mihitsy mankany amin'ny helo, tahaka ny hitsikitsika iray mankany amin'ny tranony. Satria raha tsy manana ny Fanahin'Andriamanitra ianareo, dia very! Raha tsy hateraka indray ianareo dia tsy afaka mahita ny Fanjakan'Andriamanitra.

¹⁷⁶ Mangidy izany. Izany dia tahaka ny nakako menaka castor taloha, hoy aho hoe, "Mama, tsy afaka mahatanty an'ilay izy akory aza aho."

¹⁷⁷ Hoy izy hoe, "Raha tsy manao anao harary ilay izy, dia tsy hanao soa anao." Noho izany dia neveriko fa Ity dia saiky tahaka an'izany, ihany koa.

¹⁷⁸ Oh, raha te-hiresaka amin'izy ireo ianareo! Oh, tranobe goavana, tsara, sy ny sisa. Oh, izy ireo—izy ireo—izy ireo... Raha mandeha mankany amin'ny fiangonan'izy ireo ianareo, ka sendra milaza... Mandeha mankany amin'ny fiangonan'izy ireo ka manao hoe, "Eny, teneniko aminareo, Pentekotista ve ianareo?"

"Oh, eny. Ah-hah. Azo antoka, Pentekotista izahay."

“Mino ny hoe nateraka indray ve ianareo?”

“Eny.”

“Eny, te-hampiseho zavatra iray aminareo aho . . .”

¹⁷⁹ “Oh, jereo io tranobe io! Fantatrareo ve hoe ohattrinona ilay tranobe . . . no vidin’io tranobe io? Nila telo ampaheftry ny iray tapitrisa dolara mba hananganana an’io. Fantatrareo, tsy nanana azy tahaka an’izao izahay taloha. Izahay—tery amin’ilay lâlankely izahay taloha.” Am-ham, ary mijere manodidina, mahita an’ireo zavatra lehibe rehetra izay ananan’izy ireo ianareo. Eny, tompoko. Ary noho izany dia hoy izy ireo hoe, “Oh, izahay—manana an’ireo zavatra goavana rehetra ireo izahay!” Saingy tsy manana enta-mavesatra ho an’ireo fanahy very izy ireo! Tian’izy ireo foana ny hampiseho aminareo hoe tranobe firy no ananan’izy ireo. “Jereo ny firaketan’ny sekoly Alahadinay, goavana toy ny ahoana ilay izy!” Inona no soa ataon’izany raha tsy manana ny Fanahy Masina izy ireo? “Manan-karena, mitombo fananana, tsy mila na inona na inona.”

¹⁸⁰ Izany no Nilazany hoe, “Ianao no mihevitra an’izany, saingy tsy fantatrao fa ianao dia malahelo, ory, mahantra, jamba, mitanjaka. Nefa tsy fantatrao izany!” Hitanareo? Izay ilay izy.

¹⁸¹ Oh, azo antoka, hoy izy ireo hoe, “Mba fantatrareo moa? Izahay taloha dia . . . Ilay fiangonana kely izay nampiasainay taloha dia ao ambadika ao, ity dia anankiray goavana ankehitriny!” Fa teneniko aminareo, tsy misy enta-mavesatra ho an’ireo fanahy, fa tsy maintsy mijery izy ireo hoe voakarakara ireo zavatra rehetra ireo. Ireo fifanampian’ny ramatoa, sy ireo zavatra hafa rehetra ireo, dia tsy maintsy voakarakara ny rehetra, fa tsy misy enta-mavesatra ho an’ireo fanahy very. Oh, ry lehilahy, inona—nankao amin’ny inona ity fiangonana ity!

¹⁸² Tsy nanana enta-mavesatra ho an’ireo fanahy izy ireo, fa nanana enta-mavesatra amin’ny harena. Marina izany. Nanana an’ilay enta-mavesatra ratsy izy ireo. Nanana enta-mavesatra iray ho an’ny harenany izy ireo fa tsy enta-mavesatra iray ho an’ireo fanahy very. Hoy ny Soratra hoe, “Tsy fantatr’izy ireo fa izy ireo dia ory,” (Oh!) “mahantra, jamba.”

¹⁸³ Mihevitra izy ireo fa afaka maka vola ka manova fo an’izao tontolo izao. “Oh, raha afaka manao fandaharana iray fotsiny isika, mba ahafahantsika mahazo vola betsaka eto, dia mino aho fa afaka hanova fo an’izao tontolo izao isika. Raha ny sasany amin’ireo olona manan-karena ao amin’ny fiangonantsika, Rahalahy Branham, raha afaka misintonia azy ireny fotsiny isika, dia mino aho fa afaka hanomboka fikambanana iray isika izay—izay handeha manodidina ka—ka hanova fo an’izao tontolo izao. Afaka haka fiaramanidina isika ka handefa literatiora manerana an’i Afrika rehetra, sy ireo zavatra tahaka an’izany. Raha nanana vola kely fotsiny isika!”

¹⁸⁴ Rahalahy, tsy hiova fo amin'ny alàlan'ny vola izao tontolo izao. Hiova fo amin'ny alàlan'ny Fanahy Masina izao tontolo izao; fitorian-teny mahery an'ny Fanahy Masina sy ny Hazo fijaliana no ho zavatra tokana izay hanova fo an'izao tontolo izao. Tsy vola no fandaharan'Andriamanitra. Izany dia ny Fanahy Masina, izany no fandaharan'Andriamanitra ho an'ny Taom-Piangonana Laodikia na ny taom-piangonana hafa rehetra. Eny, tompoko.

¹⁸⁵ Mila ny Fanahy Masina izy ireo. Oh, hoy izy ireo hoe, "Izahay dia . . . manana volamena." Volamena ilay izy, mety tsara, saingy tsy ilay karazany tsara. Manana volamena betsaka izy ireo saingy tsy ilay karazany tsara. Ankehitriny, noho izany dia nodidian'i Jesosy izy ireo hoe, "Fantatro fa manan-karena ianao, ary manana volamena, ka tsy mila na inona na inona," nefá:

Manoro hevitra anao aho mba ho avy hividry amiko volamena voadio tao amin'ny afo, . . .

¹⁸⁶ Volamena hafa karazana, hia, volamena izay voadio tao amin'ny lafaoro afo, izay nandalo tamin'ny afon'ny fahafatesana, izay nandalo teo Kalvary, nivoaka.

¹⁸⁷ Maro amin'io volamena izay anananareo ankehitriny io no matroka, ho simba izy, ho harafesina izy. Raha afaka mandray naoty an'izany ianareo, Jakoba... Masindahy Jakoba 5:1 hatramin'ny 4, dia ho azonareo hoe inona izany, voalaza hoe, "Mandehana ianareo, ianareo olona manan-karena, eo amin'ny fihavian'ny Tompo ankehitriny, mitomania sy midradradradrà nohon'ny fahorianareo izay tonga eo aminareo, simba ny volamenanareo ao aminareo." Hitanareo, izany ilay karazana volamena izay simba.

¹⁸⁸ Fa ny volamena izay omen'i Jesosy dia ny Fanahy Masina, ilay Solika volamenan'ny Fanahy, izay miraraka ao am-ponareo. Ary—ary, oh, oadray, "Manoro hevitra anao, avia mividiana amiko volamena, raha te-ho lasa manan-karena ianao." Oh, eny.

¹⁸⁹ Izao koa, izy ireo dia "jamba." Ankehitriny, toerana ratsy hisiana izany. Tsy mihevitra aho fa tena jamba ireo Kristiana ireo fa izy ireo dia "pahina." Mino aho fa pahina izy ireo. Ny zavatra tokana azon'izy nojerena dia ireo tranobeny goavana. Ny zavatra tokana azon'izy ireo nojerena dia ny fiangonany goavana. Ny zavatra tokana nojeren'izy ireo dia antoko mpihirai ray mahaingo tsara miaraka amin'ireo akanjony goavana rehetra sy ny sisa. Heveriko fa pahina fotsiny izy ireo, tsy afaka mahita ny orony izy ireo, saiky. Tsy mihevitra aho fa jamba izy ireo, pahina fotsiny izy ireo. Ny hany azon'izy ireo nojerena dia ny . . . "Eny, mba fantatrareo moa? Izahay dia mikambana amin'ny Izao-sy-izao!" Ireo anaram-piangonany goavana, ireo vahoakany goavana, mambra betsaka, ny sekoly Alahadiny, ireo tranobeny tsara.

¹⁹⁰ “Fa nila ny Fanahy Masina izy ireo,” hoy Jesosy. Nila ny Fanahy Masina izy ireo! Noho izany dia hoy ny Tompo tamin’izy ireo hoe, “Maso...Raha ianao no...tena ratsy ny masonao, ary tena pahina ianao hany ka tsy afaka mahita afa-tsy ny tranobenao goavana eo sy ny fiangonanao goavana tsara ianao, ary ny...ny ben’ny tanàna sy ny rehetra tonga ao amin’ny fiangonanao, ary manana an’ireo olo-malaza ianao. Saingy adinonao Aho. Fa raha jamba tahaka an’izany ianao, ka marary tahaka an’izany ny masonao, dia hivarotra odi-maso iray ho anao Aho.” Hia.

¹⁹¹ Hitanareo, hafahafa fa tsy manana ny iray amin’izany mihitsy ireo dokoteran’ny momba an’Andriamanitra, sa tsy izany? Manana ranomanitra betsaka izy ireo, manana teolojia betsaka. Fa nila odi-maso izy ireo, ny Fanahy Masin’Andriamanitra, mba hanotra ny mason’izy ireo ka hamela azy ireo hijery ny fihavian’ny Tompo, hamela azy ireo hijery ny Baiboly, hamela azy ireo hijery ny Teny. Fantatr’izy ireo ny hanao “ah-man” marina tokoa. Nanana ranomanitra izy ireo, nanana ny fanosorana rehetra izy ireo. Saingy, “Nila odi-maso izy ireo,” hoy ny Tompo. Hoy Izy, “Mila odi-maso kely ianao hapetraka eo amin’ny masonao, ka izany no hanokatra azy ireo.”

¹⁹² Taloha, fony aho mbola zazalahy kely...Efa noteneniko ity, mino aho, mety efa nolazaiko tao amin’ny fiangonana ilay izy. Tonga ao an-tsaiko izany ankehitriny. Notezaina tany amin’ireo tendrombohitr’i Kentucky aho, ny ampahany, ary nipetraka tao amin’ny trano hazo fisaka trrainainy iray izahay. Mama, eto...Ary izahay dia nanana ny—nanana toerana trrainainy kely iray tao ambony, ary nanana kidoro mo—mololo iray. Ary avy eo teo an-tampon’io kidoro mololo io dia nisy volom-borona mitsipitsipika. Tsy fantatro na fantatrareo ny volom-borona mitsipitsipika iray na tsia, na fandriana mololo iray; fandriana trrainainy iray, nahantre loatra izahay. Nanana fandriana iray i papa sy mama tao ambany. Ary noho izany dia nihanika tohatra kely izahay ary tonga eo amin’ny tampony, ary mama dia nametraka, anankiray—anankiray—indraindray, silaka lain-tsambo iray teo ambonin’ireo firakotra sy ny sisa, mba hihazona ny...Fantatrareo, mitsangana ianareo...mandry eo ary manisa an’ireo kintana eo anelanelan’ireo hazo fisaka trrainainy ireo mipetraka eo miaraka amin’ny hazavan’ny volana, fantatrareo, ary nisy lavaka goavana tahaka an’izao teo amin’ny tafo.

¹⁹³ Ary noho izany rehefa tonga ny oram-panala na tahaka an’izany, na avy ny orana, izahay tanora kely dia nisitrika tao ambanin’io—io silaka lain-tsambo io, fantatrareo, mihazona an’ireo...mihazona mba tsy ho lena. Ary matetika ilay tso-drivotra mandalo eo amin’ireo lavaka, izahay—izahay—voan’ny sery izahay ary miraikitra ny masonay. Fantatrareo, lasa tsentsin’ny hatsiaka tanteraka, hatsiaka ao anatin’ny masonay. Ary noho izany dia niantso anay i mama amin’ny maraina hoe,

“Midìna.” Hoy aho hoe, “Tsy afaka ho avy aho, ry mama, satria miraikitra tanteraka ny masoko.” Izaho dia nanana—nanana karazan-javatra tao anatiny, fantatrareo, hatsiaka ao anatin’ny maso. Tsy afaka hanao azy ireo hisokatra, fantatrareo. Ary nandry teo ny tanora kely iray, ary izahay sy Humpy ary izy ireo dia nanandrana nanokatra ny masonay fa tsy afaka hanao an’izany izahay, jamba.

¹⁹⁴ Mpamandrika biby ny raibeko, namandrika ratons izy ireo, ratons laveurs. Ary izany no fanasitranana ny rehetra tao antranonay, ny jaboran-dratons izany. Manosotra savoka an’ireo kiraro amin’ny jaboran-dratons izahay. Ary raha tratry ny kambon-tenda ianareo, dia asian’izy ireo téribenthine kely eo amin’izany ary izao fotsiny, hia, tsy maintsy atelinareo izany, noho izany, ho an’ilay kambon-tenda.

¹⁹⁵ Ary avy eo rehefa lasa tena miraikitra ny masonay, dia naka an’io karazan-javatra io i mama . . . “Eny ary, iray minitra fotsiny, malala.” Mihazakazaka mankany an-dakozia izy ary mitondra an’io kaopava tranainy ar’ny jaboran-dratons io ka mametraka azy eo, ary manao azy ho tena mahamay. Dia tonga izy ka manotra ny masonay, hitanareo, mandrapandaitran’ilay izy. Ary afaka kelikely tahaka an’izany aho dia afaka nahita, nanokatra ny masoko. Alaivo . . . Ilay jaboran-dratons no nanokatra azy.

¹⁹⁶ Ary teneniko aminareo, nanana tso-drivotra mahatsiravina isika! Hitanareo? Efa nisy hatsiaka nahatsiravina nitety ny firenena. Hoy ireo Batista hoe, “Efa lasa ireo andron’ny fahagagana. Tsy misy izany Fanahy Masina izany, ary tsy misy ny fitenenana amin’ny fiteny tsy fantatra. Tsy misy ny batisa amin’ny Anaran’ny Tompo Jesosy.” Ary, oh, ireo karazana tso-drivotra rehetra, ary manidy maso betsaka amin’ny karazana hatsiaka ara-panahy izany. Hila betsaka noho ny jaboran-dratons izany hanokatra an’ireo maso ireo, rahalahy. Hila batisan’ny Fanahy Masina vaovao izany . . . ? . . . hanotra ny masonareo sy ahafahanareo hahita, manala ny pahina aminareo mba ahafahanareo hahita fa marina ny Tenin’Andriamanitra. Marina izany. Oh, “Manoro hevitra anao Aho ho avy ka hividy odi-maso aty Amiko, mba hanosotra kely ny masonao.” Noho izany ianareo . . . Noho izany . . .

¹⁹⁷ Ireo dokoteran’ny teolojia dia manana an’ireo . . . ny teolojia rehetra, ary ireo ranomanitrany rehetra sy ny sisa, saingy nila betsaka an’izany ilay izy. Mila ny Fanahy Masina izany mba hanome ny fahitana ara-panahy mba hahitana an’ireo hery avy any An-danitra miasa. Ny Fanahy Masina, ny odi-mason’ny Fanahy Masina! Ny odi-maso dia menaka mahamay iray, fantatsika izany, ary noho izany ny Fanahy Masina dia ny Menak’Andriamanitra.

¹⁹⁸ Ary ireo teolojia sy ny ranomanitra rehetra, “Oh, rahalahy, malala, mety tsara ianareo. Tsy misy na inona na inona ratsy amin’ny . . . Mety tsara ny zavatra rehetra. Eny, isika no manana ny fiangonana goavana indrindra izay misy eto amin’ny tanàna.” Tsy hety io ranomanitra io! Tsia, tompoko! Hanao anareo hahita eto mihitsy izany (pahina) ka hanao hoe, “Eny, isika no manana ny fiangonana goavana indrindra.” Saingy ahoana ny amin’ny Fitsarana ho avy rehefa hanao anareo hamaly Andriamanitra, ianareo mambram-pianganon’i Laodikia?

¹⁹⁹ Tsy ny eto loatra no iresahako, fa eo amin’ny horonam-peo aho ary mandeha manerana an’izao tontolo izao, hitanareo, noho izany dia miresaka amin’ny olona an-tapitrisany maro aho amin’izao fotoana izao, hitanareo.

²⁰⁰ Noho izany dia izay ilay izy. Laodikiana! Matimaty! Miverin-dàlana! Pahina! Tsy fantattro hoe inona daholo. Ramole! Ny ramole dia mifangaro iray, tsy manam-pahasahiana izy eo am-panombohana. Ary raha miresaka aminy ianareo, dia hampakatra an’ireo sofina goavana izy, hanao hoe, “Hao! Hao! Hao! Hao! Hao!” Tsy misy fahatsaram-panahy ao aminy. Mifangaro iray izy, eo anelanelan’ny soavalny iray sy ampondra iray. Izany ilay olana ankehitriny, apetrakareo miaraka ireo Nikolaita sy Laodikiana, ka mahazo ampondra iray indray ianareo. Ny ilaintsika . . . Marina izany. Tsy mahafantatra izy ireo. Miteny amin’izy ireo mikasika ny fanasitranana avy amin’Andriamanitra ianareo, ny batisa amin’ny Anaran’i Jesosy. Hoy izy, “Hao! Hao! Ny pasiterako tsy . . . Hao! Hao! Tsy mino an’izany izahay satria Presbyterana.” Tsy manam-pahalalana! Izany no tokony hiantsanareo an’ilay izy . . . ? . . .

²⁰¹ Halako ny ramole iray. Fa teneniko aminareo, tiako ny soavalny tsara, ara-pirazanana mora fanahy iray, ry tovolahy, afaka mampianatra zavatra azy ianareo. Afaka mampianatra azy ianareo hoe ahoana no hiondrehana, ary mandeha any amin’ny fampisehoana, ary saiky manao tahaka ny vitan’olombelona iray, satria izy dia . . . mahafantatra zavatra izy. Manana firazanana iray izy. Ny ramole dia tsy mahafantatra hoe iza no papany na iza no mamany, ary tsy afaka mamokatra ny tenany indray izy. Tahaka an’izany ny sasany amin’ireo anaram-piangonana tranainy, mangatsiaka, ara-pomba ireo, tsy afaka miarina indray izy ireo. Vantany vao lasa anaram-piangonana iray ny fiangonana, dia maty izy! Tsy miarina intsony indray izy. Inona izany? Mifangaro izy!

²⁰² Nety tsara i Martin Luther, saingy rehefa nandrafitra izy dia inona no nataony? Nety tsara ny Metodista, rehefa nandrafitra izy dia inona no nataony? Nety tsara ny Pentekosta, fa rehefa nandrafitra azy ianareo dia inona no nataonareo? Nanafangaro azy ianareo, nampiteraka azy tao amin’ny fiangonana Katolika Nikolaita. Izany marina tokoa no nataonareo! Nanaiky ny endriky ny batisany, nanaiky an’ireo fomba sy fanaony, ka

hoy ny Baiboly hoe, “Ianao dia zanakavavin’ny janga iray, mpijangajanga anankiray. Zanakavavin’ny mpijangajanga!” Marina tokoa!

²⁰³ Ny soavalys tsara ara-pirazanana iray, eny, mora fanahy izy. Oh, tsara izy, tiako izy. Mametraka ny lohany eo amin’ny sorokareo, tia, tsara fanahy. Nahoana? Fantany hoe iza no papany, fantany hoe iza no dadaben, fantany hoe iza no papan’ny dadaben. Afaka mandeha miverina avy hatrany izy, ara-pirazanana iray izy.

²⁰⁴ Ary tiako ny mahita Kristiana iray tena ara-pirazanana! Tsy mitondra ny taratasiny: izy dia Metodista iray tamin’ny herinandro lasa, ary Batista iray tamin’ity herinandro ity, ary Pentekotista iray amin’ity herinandro ity, ary Mpivahinin’ny Fahamasinana iray amin’ny herinandro manaraka. Tsy fantany hoe iza no papany na iza no mamany. Fa mamelà ahy hiteny aminareo, ny olona iray izay nateraky ny Fanahin’Andriamanitra dia afaka mitondra anareo miverina avy hatrany mankany amin’ny Andron’ny Pentekosta; afaka miteny aminareo fa izy dia pentekotista, ara-pirazanana! Amena! Izaho dia te-ho pentekosta hatrany an-tampon-dohako ka hatrany amin’ny faladian’ny tongotro. Tsy ny Pentekosta ara-anarampiangonana no tiako lazaina. Ny tiako lazaina dia ny tena herin’i Kristy nitsangana, ny tena Fitahiana Pentekotista.

²⁰⁵ Odi-maso, manokatra ny masonareo mba ahafahantsika mijery any aoriana ka hahita hoe avy taiza izany. Mijery fotsiny ianareo hoe inona ilay fiangonana amin’izao andro izao; mijere any aoriana ka jereo hoe avy taiza izany, avy eo dia manohiza mandroso mankany amin’Andriamanitra, dia hiala lavitra an’izany ianareo. Eny, tompoko.

²⁰⁶ Eny àry, nahamarika zavatra hafa iray aho, nanao hoe, “Mitanjaka izy ireo; mitanjaka nefy tsy mahafantatra an’izany.” Azo antoka.

²⁰⁷ Oh, mitanjaka nefy tsy mahafantatra an’izany. Ankehitriny, izany olona izany dia ao anatin’ny toerana mampalahelo iray, raha ory ny olona iray, jamba, mahanttra, mitanjaka. Ankehitriny, raha izy—raha fantany izany, dia hanampy ny tenany izy; fa raha tsy fantany izany, dia vita ara-tsaina ilay olona mahanttra. Marina ve izany? Fioo! Mafy kely izany. Vita ara-tsaina, tsy mahafantatra betsaka mba hanampiana ny tenany izy.

²⁰⁸ Raha nahita olona iray nandeha teny an-dàlambe ianareo, malahelo, mahanttra, jamba, ory, ary mitanjaka, ka hoy ianareo hoe, “Rahalahy, mitanjaka ianao.” “Oh, izany ve aho? Oh, Oh, rahalahy, ampio aho any ho any, ampio aho mba hiakanjoako.”

²⁰⁹ Fa mandehana ianareo mankeo amin’izy ireo ka manaova hoe, “Hono ho’aho, efa noraisinareo ve ny Fanahy Masina fony ianareo vao nino?”

²¹⁰ “Iza moa ianao, holy-roller iray? Eny, hono ho’aho, inona no tianao lazaina? Aza miresaka amiko tahaka an’izany, Presbyterana aho, Batista aho, izaho dia avy amin’*izao-sy-izao* ary *izao-sy-izao*.”

²¹¹ Mitanjaka nefà tsy mahafantatra an’izany! Ankehitriny, tsy izaho mihitsy no nilaza an’izany, ny Baiboly no nilaza an’izany mikasika an’ity taona ity hoe, “Mitanjaka nefà tsy mahafantatra an’izany. Avia mividiana fitafiana sasantsasany Amiko,” hoy Izy.

... *fitafiana fotsy* . . .

An’ireo Olo-masina ny fitafiana fotsy; ny fahamarinan’ireo Olo-masina izany. Hitanareo? . . .

²¹² Mitanjaka? Oh, azo antoka! Eny, tompoko! Oh, hoy ianareo hoe, “Rahalahy Branham, tsy ny fiangonanay, izany no fiangonana tsara akanjo indrindra eto amin’ny tanàna!” Tsy misalasala amin’izany aho; ny sasany amin’ireo lamaody farany indrindra, ny lamba tsara didy indrindra, ny fitafiana farany indrindra an’ireo mpilalao sarimihetsik’i Hollywood, tena manara-batana ka hisintonanareo ny fifantohan’ny lehilahy rehetra eny an-dàlambe. Ah-ham. Azo antoka.

²¹³ Nilaza tamiko ny ramatoa anankiray, nanao hoe, “Ranadahy Branham, te-hiteny amiko ve ianao? Ankehitriny, mividy an’ireny fitafiana ireny any amin’ny magazay izahay ary izay ihany no azonao vidiana.”

²¹⁴ Hoy aho hoe, “Mbola mivarotra lamba sy milina fanjairana foana izy ireo. Tsy izany loatra no fialan-tsiny ho an’izany.”

²¹⁵ Hoy ny Baiboly hoe, “Na iza na iza mijery vehivavy iray mba hitsiriritra azy dia efa njangajanga taminy sahady.” Marina ve izany? Eny, noho izany, raha mampiakanjo ny tenany manarabatana ny vehivavy ka mampiseho ny tenany eo anoloan’ny lehilahy iray, dia iza no homena tsiny amin’izany? Ilay vehivavy, izy no namokatra an’izany. Marina tokoa izany.

²¹⁶ Ankehitriny, mety ho madio tahaka ny lisy iray ianareo amin’ny vadinareo. Mety ho tovovavy iray izay tsy nanao zavatra ratsy mihitsy teo amin’ny fiainanareo ianareo, mety virijiny iray ianareo rehefa nanambady ny vadinareo. Fa raha miakanjo tahaka an’izany ianareo ka manao ny lehilahy hijery anareo tahaka an’izany, dia efa njangajanga *taminareo* sahady izy tao am-pony. Nijery anareo io mpanota io. Amin’ny maha-Kristiana iray dia afaka mahazo an’ireo akanjo tsara didy indrindra eto amin’ny tanàna ianareo, ny tsara indrindra amin’ireo volon’ondry, saingy tsy mety amin’ny Olo-masin’Andriamanitra iray ny miakanjo tahaka an’izany.

²¹⁷ [Elanelana tsy voaraki-peo—Mpand.] Oh, eny, tsy ho lasa zanak’Andriamanitra iray.

²¹⁸ “Oh, tsia,” hoy izy ireo. Eny, hoy izy ireo hoe, “Ny fiangonanay . . .” Tsara akanjo ve ianareo? Nilaza izy ireo fa

izany. Izy ireo dia “nanan-karena, tsy nila na inona na inona.” Azo antoka. Nahoana, hoy izy ireo hoe, “Na dia ny pasiteranay aza dia mivoaka manao akanjo goavana be. Ny antoko mpihira rehetra dia mivoaka manao akanjo goavana be.” Ny devoly no miafina ao ambanin’izany. Ah-ham. Ah-ham, marina izany. Oh! Hmm, hmm! Eny, tsaratsara kokoa ho ahy ny tsy milaza an’ity anankiray ity akory. Noho izany, mety avelako handeha ity anankiray ity. Eny àry.

²¹⁹ Oh, ireo zavatra goavana rehetra ireo! Mampiakanjo antoko mpihira, mandoa antoko mpihira, tsy maintsy manome betsaka an’ilay mpititory teny fa raha tsy izany dia haka andraikitra hafa iray izy izay handoa aminy tsaratsara kely kokoa. Hiantso ny komitin’ny mpitantant-draharaha hiaraka izy ka hanao hoe, “Ankehitriny, ry rahalahy, izaho—izaho...efa tena tsara fanahy tamiko ianareo eto, nanome ahy an-jatony *izao-isa* ianareo isankerinandro,” na zavatra hafa tahaka an’izany. “Saingy ilay Fianganana Presbyterana hafa an’ny...” (Antsoy izany hoe “Pentekotista” na inona na inona ilay izy.) “eto am-pita eto, izy ireo dia manana—nanao fampanantenana iray tamiko izy ireo fa hanome ahy *izao-isa* amboniny.” Oh, oadray!

²²⁰ Noho izany dia inona no azon’ny olo-masina mahantha iray? Anjara inona no azon’izy ireo? Inona no azon’ny fiangonana kely mahantha iray feno ny Fanahy Masina, karazana anjara inona no azon’izy ireo? Tsy afaka misahana na inona na inona tahaka an’izany izy ireo. Noho izany dia manangana zavatra iray ho anareo fotsiny ny Tompo amin’izay fotoana izay, amena, izay notsongain’ny Tenany, mameno azy ny Fanahy Masina ary mameetraka azy ho mpanara-maso ambony eo amin’izany. Maniraka... Hoy Izy hoe, “Manoro hevitra anao Aho mba ho avy ka hividy fitafiana fotsiny aminy.” Hoy ny Baiboly hoe, “Ireo akanjo fotsy dia ny fahamari... an’ireo olo-masina.”

²²¹ Ankehitriny, mino aho fa isika... Ndao isika handeha eo amin’ny—eo amin’ny andininy faha-19 ankehitriny. Mino aho fa eo amin’ny andininy faha-20 no misy antsika, amin’ny tsara indrindra izay mety hitako. Hia, hia, ary mamarana eo amin’ity. Ankehitriny, aoka ho tena hipetraka tsara ankehitriny ka hihaino ankehitriny raha eo am-panaovana an’ity isika. Henoy:

Indro, mitsangana eo am-baravarana aho, ka mandondòna: raha misy olona mihaino ny feoko, ka mamoha ny varavarana, dia hiditra aho...ka hiaramisakafo aminy, ary izy amiko.

Ho an’izay maharesy dia havelako nipetraka miaraka amiko eo ambonin’ny sezà fiandrianako, dia tahaka ny nandreseko koa, sy niarahako nipetraka tamin’ny Raiko eo amin’ny sezà fiandrianany.

*Izay manan-tsofina, aoka izy hihaino izay lazain'ny
Fanahy amin'ireo fiangonana.*

²²² Ity no anankiray amin'ireo filazana manaitra indrindra izay hany hitako tao amin'ny Testamenta Vaovao. Tiako ianareo hanamarika ny hoe, "Mitsangana eo am-baravarana Aho ka mandondònà." Ity amin'ny ankabobeny dia ampiasaina, filazana iray ho an'ny antso ho an'ireo mpanota. Marina ve izany? Miteny amin'ireo mpanota isika hoe, "Eo am-baravarana Jesosy, mandondònà." Saingy eto Izy dia mandondònà eo amin'ny varavararan'ny *fiangonana* satria efa niaraka tamin'izy ireo indray mandeha Izy, saingy izy ireo (niaraka tamin'ny rafipandaminany sy ny amin'izao tontolo izao ary ny fangatsiahana) dia nanala Azy. Any ivelan'ny fiangonana Izy.

²²³ Ankehitriny, tsarovy, tao amin'ny voalohany tamin'ireo taom-piangonana, raha mamarana isika, dia nandeha teo anivon'ireo fanaovan-jiro volamena fito Izy (Marina ve izany?), ireo taom-piangonana fito. Ary eto amin'ny farany eto, dia hitantsika Izy any ivelan'ny fiangonana iza? Ny an'i Laodikia, ilay fiangonan'i Laodikia. Any ivelan, izy ireo dia nana-... nanala Azy. Nahoana, nitsangana tany ivelan Izy niezaka mba hiverina hiditra. Sary iray mampalahelo toy ny inona! Ilay Mpamony an'izao tontolo izao, mitsangana any ivelan'ilay fiangonana izay Novidiany tamin'Ny Ràny Manokana. Mbà menatra izy ireo!

²²⁴ "Mitsangana eo am-baravarana Aho ka mandondònà." Rehefa avy navoaka sy noroahina, avy eo dia miezaka mba hiverina hiditra, mandadilady sy mandondònà eo am-baravarana. Ity no filazana manaitra indrindra ao amin'ny Testamenta Vaovao. Heveriko fa tsy misy na inona na inona mety ho mampalahelo indrindra ankoatran'ity, ny mahita an'ilay Mpamony an'izao tontolo izao noroahin'ny Fiangonany Manokana, ilay taonan'i Laodikia. Rehefa avy niteny tamin'izy ireo an'izay nananan'izy ireo Izy, ny harenany sy ny zavatra rehetra, sy izay naha-izy azy ireo, ary hoe ahoana fa matimaty izy ireo sy ny sisa, ary izy ireo—izy ireo dia nanana...izy ireo... Tsy nila nandò azy ireo Izy, izy ireo no nandò Azy. Ary na dia eo aza izany rehetra izany, dia mbola mandondònà eo am-baravarana foana, miezaka ny hiverina hiditra. Ho an'ny inona? Mba hanome azy ireo Fiaianana Mandrakizay. Ireo tena namono Azy mihitsy teo Kalvary, dia niezaka hamonjy ny fanahin'izy ireo Izy. Izany no sary mahonena indrindra izay hany hitako teo amin'ny fiaianako, hany noeritreretiko.

²²⁵ Nalàna! Avy taiza Izy no nalàna? Ankehitriny, henoy, ry sakaiza. Raha tsy manaitra ity! Alaivo ilay sarin'izany, ataovy milentika ao am-ponareo izany. Ny Mpamojintsika, fony Izy teto an-tany, dia nalàn'ny Fireneny Manokana Izy. Nolavina Izy, nalàna Izy. Izao tontolo izao no nanala Azy ka nanohombo Azy. Ary ankehitriny, avy ao amin'ny Fiangonany Manokana,

dia nalàna Izy. Tsy nilaina hatraiza hatraiza Izy, tsy nisy nilàna Azy. Manana anaram-piangonana iray izy ireo, ka tsy nila Azy. Manana papa iray izy ireo, inona intsony no hilàn'izy ireo Azy? Manana arseveka iray izy ireo, mpanara-maso ambony iray, tsy misy ilàn'izy ireo ny Fanahy Masina intsony. Tsy mila an'Izany intsony izy ireo. Kristy, ilay Fanahy Masina, tsy nila Azy izy ireo. Noho izany izy ireo dia . . .

²²⁶ Tsy mino aho fa nitsangana fotsiny izy ireo ka nandroaka Azy, satria tsy niraharaha Azy izy ireo. Tsy niraharaha Azy izy ireo, satria mbola nihira hira ho Azy foana. Mbola nitory ny Aminy foana ireo mpitory teny, noho izany dia tsy niraharaha Azy izy ireo. Fa ilay izao tontolo izao manokana azy ireo sy ny rafi-pandaminany, mandrafitra, dia nanao hoe, “Efa lasa ireo andron’ny fahagagana ary tsy misy ny zavatra tahaka an’ity sy itsy.”

²²⁷ Manontany anareo aho. Ny fifohazana tsirairay izay hany nisy (ny rehetra, ianareo mpahay tantara), ankehitriny, manerana eto, ireo fiangonana ireo, ny fifohazana tsirairay izay hany nisy, ny . . . dia natao tany ivelan’ny rafi-pandaminana iray foana izany. Ny olona anankiray izay hany nanomboka fifohazana iray, dia tany ivelan’ireo rafi-pandaminana. Ary isaky ny—nanomboka ny fifohazana iray, dia nanana famantarana izy ireo sy fahagagan’ny fitenenana amin’ny fiteny tsy fantatra ary fanasitranana, sy ny sisa tahaka an’izany, niseho. Vantany vao maty io mpanorina io, amin’izay fotoana izay dia narafitr’izy ireo izany ka nanaovany rafi-pandaminana iray avy amin’izany, ary lasa “maty” avy hatrany ka tsy niadaladala tamin’izany intsony mihitsy Andriamanitra. Marina tokoa izany.

²²⁸ Ary eto Izy eo amin’ilay taom-piangonana farany, mitsangana any ivelan’ny varavarana, Andriamanitra Tsitoha. Izany—mahavaky ny foko ny mieritreritra an’izany. Ny Tompoko mitsangana any ivelan’ny varavarana’ny Fiangonany Manokana, rehefa avy noroahin’ny an’izao tontolo izao sy fangatsiahana sy anaram-piangonana ary fihafahafana, mitsangana any ivelan’ny varavarana, mandondòna, miezaka ny hiverina hiditra. Rehefa nieritreritra an’izany aho, vao teo, dia nanankina ny lohako teo amin’ny latabatiro fotsiny ka nanomboka nitomany. Nieritreritra aho . . .

²²⁹ Nihevitra aho mazàna, rehefa nipetraka tao an-tranon’io Fariseo antitra io Jesosy tany, dia tsy nisy olona niraharaha Azy, nefà nanana tongotra naloto Izy. Tsy nitsena Azy teo ambaravarana izy ireo ka nanasa ny Tongony ary nanosotra Azy, nanala an’ireo zezika sy ny karazany izay efa Nandehanany; ny Fitafiany izay namafa nanerana, nitondra an’io fofona ratsy teny an-dàlana io izay nandehanan’ireo soavalysy ny sisa, ary—ary nanana an’io fofona io teo Aminy.

²³⁰ Nanasa an'ireo tongotra foana izy ireo, izany ilay fomba fanao. Ary nijanona teo am-baravarana ny mpiasa mpanasa tongotra iray. Ary rehefa tonga ny olona iray, dia nanasa ny tongony izy ireo, ary nandeha tany ka nitady kapa kely izay antonona azy, nanao an'izany. Ary nanosotra ny lohany izy ireo sy ny... ary nanao azy ho manitra tsara, ary ilay may teo amin'ny tendany avy tamin'ny taratry ny masoandro, mibango ny volony. Niditra izy.

²³¹ Ary ny fiarahabana an'ilay nasaina, ankehitriny izao no fomba izay izy ireo... Mitsangàna eto iray minitra, Pat, te-hampiseho zavatra aminareo aho. Izao no fomba nataon'izy ireo, niarahaba azy tahaka an'izao. Ankehitriny, mino aho... Tsia, eto ohatra, mino aho fa ilay izy dia mitovy amin'ny zavatra iray tahaka an'izao eto, miarahaba tahaka an'izao, hitanareo, ary mifamihina. Ary tongasoa izy.

²³² Fa rehefa tonga teo amin'ity fety ity Jesosy, tahaka ny Nahatongavany tamin'ilay fety Pentekotista eto, dia diso Azy ny olona sasany. Liana loatra tao amin'ireo raharahaney izy ireo, teo ireo eveka sy ny sisa. Nasaina Jesosy saingy tsy nisy olona nanasa ny Tongony. Ary nipetraka teo amin'ny zoron-trano Izy, zara izy ireo raha nahafantatra fa teo Izy, niaraka tamin'ny Tongony namofona, loto nanerana Azy, feno vovoka.

²³³ Ary tamin'izay fotoana izay dia nisy mpিজাঙ্গাঙ্গা antitra kely iray teny an-dàlambe izay tonga teo, vola kely bitika fotsiny no nananany tao anatin'ny kitapony. Dia njery teo izy ary nahita an'i Jesosy nipetraka teo niaraka tamin'ny tongotra naloto. Nahavaky ny fony izany. Hoy izy hoe, "Io ilay lehilahy izay namela ny fahotan'ilay vehivavy. Io ilay lehilahy izay reko fa nanao an'ilay fansitranana. Nahoana izy ireo no tsy miraharaha Azy?"

²³⁴ Satria nanodidina teo ireo eveka sy izy ireo, nandroaka Azy izy ireo. Io Izy... Izy ireo no nanasa Azy ho tonga.

²³⁵ Tahaka an'izany no ataontsika. Manasa Azy ho tonga ao amin'ireo favorantsika isika, saingy avy eo rehefa tonga isika dia menatra Azy. "Oh, tsy hitsangana aho ka hanao hoe 'Deraina ny Tompo.' Oh, tsia, io mipetraka io ry Joneses, hihevitra izy ireo fa holy-roller iray aho." Ianareo mphatsaravelatsihy! Marina izany. "Matahotra hiteny amin'ny fiteny tsy fantatra aho ka izy ireo dia hiantso ahy hoe 'olona mpiteny amin'ny fiteny tsy fantatra.'" Mahantra iray ory ianareo!

²³⁶ Ankehitriny, tsarovy, mitohy izany, hitanareo. Ianao dia mahantra, ory, malahelo, mitanjaka, ary jamba, nefá tsy fantatram izany.

²³⁷ Nipetraka teo Jesosy niaraka tamin'ny tongotra tsy misasa. Ary mpিজাঙ্গাঙ্গা an-dàlambe iray, toy ny hitako izy mandeha eo, ndao isika—ndao isika hiresaka... haka azy mandritry ny iray minitra. Toa hitako izy mandeha mankany amin'ny

magazay, ka hoy izy hoe, “Izaho . . .” Ary manomboka mikoriana eo amin’ny tarehiny ireo ranomaso, dia hoy izy hoe, “Izaho—afaka manao an’izany aho. Raha—raha—raha mitondra an’ity karazany ity any aho, dia ho Fantany izay nahazoako an’ity vola ity. Fantany hoe ahoana no nahazoako azy, saingy izany ihany no zavatra tokana ananako.”

²³⁸ Izay ihany no Ilainy. Izay ihany no Ilainy. Hitanareo? Tsy miraharaha Izy. Tongava fotsiny ianareo hoe, “Tsy misy na inona na inona entiko eto an-tsandriko.”

²³⁹ Noho izany dia nividy fanosorana iray izy ary nitondra an’izany. Ary nandeha teo izy ka nieritreritra hoe, “Oh, raha afaka hahita Azy fotsiny aho!” Ary avy eo dia niditra izy ka nanatona ny varavarana tany ho any.

²⁴⁰ Ary, tsia, tsy nanao Azy tongasoa izy ireo. Noho izany dia nentiny ilay boatin’ny alabastara ka novakiary izany ary napetrany teo amin’ny . . . teo amin’ny Tongony, ary nanomboka nanasa ny Tongony. Dia nanomboka nitomany izy hoe, “Oh, tsy maintsy Izy izany. Ity ilay Anankiray izay efa novakiako foana tao anatin’ny Baiboly. Fantatro fa hanaiky an’izany Izy.” Ary ny zavatra voalohany fantatrareo . . . Rano tsara tarehy toy ny inona ho an’ny Tongony, ireo ranomaso miraraka eo ambonin’ny Tongony. Tsy nanana vorodamba hamafana ny Tongony izy, noho izany dia natsotrany ny tânany ka nalainy ny volony. Nivaha daholo ireo randrana tsara tarehy, ireo ranomaso nikoriana teo amin’ny tarehiny tahaka an’izao. Nanasa ny Tongony izy, ary matetitetika izy dia [Manao feon’ny oroka iray Rahalahy Branham—Mpand.] nanoroka ny Tongony, nanasa ny Tongony tahaka an’izao.

²⁴¹ Jesosy niaraka tamin’ny tongotra maloto, nefo tsy nisy olona niraharaha an’izany mihitsy. Ary amin’izao andro izao dia mitondra anarana maloto ho holy-roller iray Izy, zavatra iray na iray hafa tahaka an’izany, nefo tsy manam-pahasahiana ny olona hanohana Azy.

Hitondra an’io hazo fijaliana voatokana io aho,
Mandra-panafaky ny fahafatesana ahy,
Handray ny lâlako miaraka amin’ireo vitsin’ny
Tompo nohamavoina aho,
Efa nanomboka niaraka aho. Jesosy, O Tompo,
Ianao no mitondra ahy hatramin’ny farany.
(Ento hatramin’ny farany aho, Tompo, tsy
mamparinona izay vidiny.)

²⁴² Izaho dia manana, tahaka an’i Jakoba, ondana iray, vato iray. Inona no fahasamihafana ataon’izany? Inona no Nataony ho ahy!

²⁴³ Ary ity mpivarotena mahanttra ity teo, niantsoantso, nitomany. Ary ny zavatra voalohany fantatrareo, indro nitsangana i Simona, ilay zalahy goavana izay nanao Azy ho

tonga, nanao hoe, "Ahm, ahm, ahm, ahm! Izao no maneho na mpaminany iray Izy na tsia, ho Fantany hoe karazana vehivavy inona io." Io mpihatsaravelatsihy io!

²⁴⁴ Noho izany rehefa avy nahavita izy... Ary tsy nanetsika ny Tongony mihitsy Jesosy, nipetraka fotsiny Izy ka njery azy ary nandinika azy. Oh, tiako izany. Ilay izy dia tsy ireo zavatra goavana izay ataontsika, ilay izy dia ireo zavatra kely izay navelantsika tsy ho vita matetika. Nandinika azy Izy, nandinika azy fotsiny nipetraka teo. Tsy nisy olona niraharaha Azy; farany, izy tao amin'ny tomaniny teo sy nanasa ny Tongony, niraharaha kely an'izany, nisintona ny fifantohan'ny olona. Ary nandinika azy fotsiny Izy, tsy nilaza teny iray mihitsy.

²⁴⁵ Nitsangana teo aoriana teo i Simona antitra, nanao hoe, "Ahm! Jereo na mpaminany iray Izy na tsia, sa tsy izany? Efa niteny taminareo aho! Efa niteny taminareo aho! Raha mpaminany iray Izy, dia ho nahafantatra Izy hoe iza io vehivavy io. Hitanareo, isika no ilay fiangonana malaza eto, hitanareo, mahafantatra isika, noho izany. Fantatsika fa tsy mpaminany iray Izy, ho nahafantatra an'izany Izy."

²⁴⁶ Rehefa izy... Rehefa nahavita izy, dia nikoriana teo amin'ny tarehiny ireo ranomason'ny fibebahana, nanasa ny tongotri' Jesosy. Izy... Mino aho fa nahatsapa ho nangatsiatsiaka kely Izzy.

²⁴⁷ O Andriamanitra, ho tiako ny tany! Ho nanasa azy ireo indray aho. Eny, tompoko.

²⁴⁸ Ry tovolahy, tsy hanana fotoana sarotra iray ve ny vehivavy anankiray hamafa tongotra amin'ny volony amin'izao andro izao? Tsy maintsy ho nitsangana tamin'ny lohany izy hanaovana an'izany, mba hahazoana volo betsaka hamafana an'izany. Eny, tompoko, notapahiny daholo izany.

²⁴⁹ Fa teto, ny tongotri' Jesosy, tsy nisy olona niraharaha... (mpitsikera), nipetraka afabarako, io fofona teo amin'ny Tongony io. Nosasany Izy. Rehefa Izy no—rehefa nahavita Izy, dia njery azy Izy toy ny nanao hoe, "Mety tsara."

²⁵⁰ Nitodika, nanao hoe, "Ry Simona, manana zavatra ho lazaina aminao Aho. Ianao no nanasa Ahy teto, nefo tsy mba nitsena Ahy teo am-baravarana mihitsy ianao. Tsy nanome Ahy rano hanasana ny Tongotro ianao. Tsy nanosotra ny Lohako mihitsy ianao rehefa niditra Aho, nanaisotra an'ilay mainan'ny masoandro Tamiko. Tsy nanome Ahy oroky ny tongasoa iray mihitsy ianao rehefa niditra Aho. Fa ity vehivavy mahantre ity," (Oh, oadray.) "ity voaroaka ity, mpivarotena iray eny an-dàlambe, tsy nanana rano hanasana ny Tongotro izy ka nanasa azy ireo tamin'ny ranomasonry. Tsy nanana na inona na inona hamafana azy ireo izy, noho izany dia nalaindy ny volony, nofafany izy ireo. Nanoroka ny Tongotro tsy ankitsahatra izy. Ankehitriny dia Tiako ny hilaza aminao: ny fahotany, izay

marobe, dia navela taminy.” Marina izany, tsy nilaza na inona na inona mikasika ny azy. “Ny fahotanao, izay marobe, dia voavela.”

²⁵¹ Ary amin’izao andro izao rehefa Jesosy, mitsangana any ivelan’ny varavararan’ireo rafi-pandaminana Pentekotista, rafi-pandaminana Batista, rafi-pandaminana Metodista, no miezaka mba hiverina hiditra miaraka amin’ny pentekosta indray, dia mandalo Azy ny olona. Rehefa ianareo... ny izao tontolo izao anareo sy ny sisa no nanosika Azy hivoaka ny fiangonana, mitsangana Izy, miezaka, miantsoantso mba hiverina hiditra indray. Ary, oh, izany no zavatra mahonena indrindra izay hany hitako teo amin’ny fiainako. Tsy nila Azy! Izy, any ivelan, mandondôna, miezaka mba hiditra. Izany ilay zavatra iray ihany izay Ezahany hatao. Nahoana? Nahoana? Tany ivelany Izy.

²⁵² Tsy nandroaka Azy mihitsy izy ireo. Mbola nihira ho Azy foana izy ireo, nitory ny Aminy, saingy tsy niraharaha Azy teo amin’ny fanatrehan’izy ireo mihitsy. Marina izany. Nanohy avy hatrany izy ireo. Nahoana? Pahina izy ireo. Nijery ny tranobeny izy ireo. Nanan-karena izy ireo. Nijery an’ilay rafi-pandaminana lehibe izay nikambanany izy ireo, niezaka hanalehibe an’izany, maka mambra amboniny hiditra, ary tsy niraharaha Azy. Tsia, tsia. Tsy niraharaha ny fitenenana amin’ny fiteny tsy fantatra izy ireo. Tsy niraharaha an’ireo hafatra lehibe, mahery an’Andriamanitra Izay miditra hatrany amin’ny fo sy mamora ny fo izy ireo, manaisotra an’ireo zavatr’izao tontolo izao ka manofa anareo tahaka ny silan-katsaka iray. Oh, izy ireo...

²⁵³ Raha nitory teny tahaka an’izany ianareo tao amin’ny fiangonan’izy ireo, dia handroaka anareo izy ireo. Ary tahaka an’izany no nitorian’ny Fanahy Masina. Hoy Jesosy hoe, “Ianareo taranaky ny vipera! Ianareo—ianareo bilalava anaty bozaka!” Ary Jaona dia nilaza, ihany koa, ary ireo lehilahy malaza voahosotra, izay nanapaka ny valahan’izy ireo foana. Marina izany.

²⁵⁴ Fa tsy niraharaha Azy izy ireo, satria tsy nanana an’Izany. Hitanareo? Noho izany dia nanana zavatra kely feno voninkazo izy ireo nikapokapoka azy ireo teo amin’ny lamosina, ka nanao hoe, “Mikambâna fotsiny ianareo, apetraho eto mihitsy ny anaranareo, dia—dia handray anareo ao amin’ny maha-mpikambana anareo izahay. Ary ento ny taratasinareo avy amin’ilay fiangonana hafa dia handray anareo izahay, sy—sy ny sisa. Ankehitriny, ohatrinona isan-taona ny tolotrareo?” Hitanareo, izay ilay izy, “Manan-karena, tsy mila na inona na inona.” Oh! Nefa mila an’ilay zavatra lehibe indrindra ianareo fa tsy manana an’Izany, mitsangana any ivelany Jesosy miezaka ny hiverina hiditra miaraka amin’ny pentekosta.

²⁵⁵ Inona no neverinareo fa hitranga izao hariva izao ao amin’ny fiangonana Metodista raha milatsaka eo amin’ilay

fiangonana ny Fanahy Masina ka manomboka mihiakiaka izy ireo, mitsambikina, miteny amin'ny fiteny tsy fantatra ary mihetsika tahaka ny mamo iray...andiana vahoaka mamo? Nahoana, ilay—ilay Kanferansa dia handroaka an'io fiangonana Metodista io hiala amin'ny Kanferansa. Fantatrareo izany. Inona no hitranga ao amin'ny fiangonana Batista raha nitranga izany? Ilay zavatra iray ihany. Ireo Pentekotista? Nahoana, misy maro amin'izy ireo, ilay zavatra iray ihany no nitranga. Azo antoka. Eny, tompoko, tsy handefittra amin'izany fahadalana izany izy ireo. Hilaza izy ireo hoe, "Nahoana, nanimba an'ireo karipetranay vaovao mihitsy aza izy ireo." Ah-ham, azo antoka. Oadray! Oadray! Andiana mahantra toy ny inona izy ireo. Marina izany.

²⁵⁶ Eny, eny àry, niaraka tamin'izy ireo Izy fahiny, nandeha niaraka tamin'izy ireo teo afovoan'ireo fanaovan-jiro volamena fito Izy. Ary ity ilay valiny: ireo anaram-piangonana sy ireo zavany arak'izao tontolo izao, ireo ekekany, kardinaliny, ary ireo an'izao tontolo izao an'izy ireo rehetra, no nandroaka Azy ka tsy niraharaha Azy mihitsy izy ireo. Ary ny fiangonana...

²⁵⁷ Ankehitriny, inona no hataontsika mba hanao Azy hiverina hiditra? Raha any ivelan'ny fiangonana Pentekotista Izy ankehitriny, dia inona no hataontsika mba hanao Azy hiverina hiditra? Hila latsa-bato iray ifanarahan'ny olona ve izany mba hamerina Azy? Hila fifidianana papa vaovao iray ve izany, kardinaly vaovao? Sa izany dia hila—izany dia—hila fananganana anaram-piangonana iray izany. Tsy hahavita an'ilay izy mihitsy izany! Tsy hahavita azy mihitsy izany. Tsy hahavita an'izany ny anaram-piangonana iray vaovao, ny vaovao—ny—ny—ny—tsy hahavita an'izany ny kardinaly vaovao iray, tsy hahavita an'izany ny pasitera vaovao iray, tsy hahavita an'izany ny evanjelista tsara karama iray. Tsy misy na inona na inona azo atao eto amin'izao tontolo izao afa-tsy ianareo irery ihany. Ahoana no ampidirantsika Azy? Tsy amin'ny alàlan'ny latsa-bato iray. Tsia, tompoko. Tsy manao latsa-bato isika hidiran'i Jesosy, satria tsy hiditra Izy.

²⁵⁸ Ity no—ity no izy, "Raha misy olona mihaino Ny Feoko ka mamoha ny varavarana." Ankehitriny, fantatsika hoe inona ilay varavarana arak'izany. "Raha misy olona hamoha ny varavarana, mihaino Ny Feoko."

²⁵⁹ Tsy—tsy hoe "Raha fiangonana iray...Raha rafipandaminana iray..." Tsia, tompoko. Tsy mifanaraka amin'izy ireo Izy, maty izy ireo ary vita eo am-panombohana. Halany izany, efa Halany foana izany. Izy no nilaza fa Halany izany! Ary mbola Halany izany izao hariva izao!

²⁶⁰ "Fa raha misy olona iray," olona Metodista iray, olona Batista iray, olona Presbyterana iray, na olona Katolika iray, olona Fianganan'Andriamanitra iray, olona Nazareana, olona

Pentekotista. "Olona iray izay hihaino Ny Feoko ka hamoha ny varavarana, dia hiditra Aho ka hiara-hisakafo aminy ary izy Amiko." Izany no hafatra ho an'ilay fiangonana Pentekotista. Tsy hoe manandrana mamelona an'ilay rafi-pandaminana Pentekotista indray, fa mamelona an'ilay Fitahiana Pentekotista ao am-pon'ny isam-batan'olona indray. Izany no fomba tokana. "Ary hiara-hisakafo aminy Aho, ary izy, Amiko."

²⁶¹ Inona no ataon'ilay iraka amin'ny fiangonana...ampianarin'ny hafatra ho an'ny fiangonana antsika arak'izany, ampianariny—ampianariny antsika? Tsy ny fitomboana amin'ny Fanahy. Tsia, tompoko. Ny fihenan'ny Fanahy, manana fihenana iray foana isika. Ny fanao...Ireo—ireo iraka ho an'ny fiangonana sy ny hafatra ho an'ny taom-piangonana tsirairay dia nanameloka ny fanaovana anaram-piangonana. Ny hafatra tsirairay ho an'ny fiangonana, ny fiangonana dia teo amin'ny fihenana tsy ankitsahatra ka tsy nihaino an'Izany. Ny—ny hafatra ho an'ny fiangonana dia tsy niraharaha an'ireo anaram-piangonana. Ary nanao Kristiana nifangaro izany, mody- antsoina, marina izany, izay tsy mahafantatra na inona na inona mikasika an'Andriamanitra na ny Fanahy Masina. Marina tahaka ny itsanganako eto amin'ity lampihazo ity izany izao hariva izao. Ireo mambra tsara matimaty, mba haloan'ny Vavany fotsiny ihany.

²⁶² Nampitandrina i Paoly, hoe ny Jentilisa dia sampana iray. Ankehitriny, tiako ny sasany aminareo, raha sitrakareo, hamadika ao amin'ny Romana, toko faha-11, ny andininy faha-15 hatramin'ny faha-27, mba ahafahanareo handray naoty azy fotsiny, ianareo rehetra. Ary noho izany, satria tara izao, dia hanonona an'izany ho anareo aho ankehitriny alohan'ny hialàna fotsiny, satria izany dia ny...Ankehitriny, Romana, raha tianareo ny handray naoty an'izany, 11:15 hatramin'ny roapolo...hatramin'ny 27. Niteny tamin'izy ireo i Paoly, niteny, niresaka tamin'ireo Jentilisa eo, ireo Romana, hoy izy hoe, "Raha Andriamanitra..." Ankehitriny, henoy raha mamarana eo amin'ireo taom-piangonana isika! Hoy i Paoly hoe, "Raha...Tsy namela an'ilay hazo oliva tany am-boalohany Andriamanitra, fa nanapaka azy nohon'ny tsi-finoana."

²⁶³ Marina ve izany? Inona no nahatonga azy ireo ho notapahina? Satria nandà ny pentekosta izy ireo. Marina ve izany? Tamin'ny Andron'ny Pentekosta dia naneso sy niteny ratsy ny Fanahy Masina izy ireo.

²⁶⁴ Rehefa teto an-tany teto Jesosy, dia nilaza Izy...Izy ireo dia miantso—niantso Azy hoe, "Belzeboba," nanao hoe "Izy dia devoly iray," ary "Izy dia mpanao hatsarana iray," inona koa.

²⁶⁵ Hoy Izy hoe, "Mamela anareo Aho ny amin'izany, fa rehefa tonga ny Fanahy Masina dia aza miteny manohitra Azy ianareo;

satria raha miteny manohitra Azy ianareo, dia tsy ho avela aminareo mihitsy izany."

²⁶⁶ Ary tsarovy rehefa naniraka an'ireo Mpianany i Jesosy hoe, "Aza mandeha mankany amin'ny Jentilisa." Marina ve izany? "Fa aleo mandeha mankany amin'ny ondry verin'ny Isiraely."

²⁶⁷ Ahoana no nanamelohan'izy ireo ny tenany? Tamin'ny nitenenana ratsy ny Fanahy Masina, niantso ny Fanahin'Andriamanitra hoe "fanahy maloto iray." Naneso Azy rehefa nandihy tao amin'ny Fanahy izy ireo, sy ny sisa, tamin'ny Andron'ny Pentekosta. Tao amin'io tanàna iray io ihany, izay nanesoan'izy ireo an'Izany, no namonoan'i Titus azy ireo tao ka nikoriana hatreny amin'ny vavahady ny ràn'izy ireo. Nihinana ny zanany manokana izy ireo, sy ny zavatra rehetra, tao amin'ilay taon-jato iray ihany. Ary marina izany. Iray amin'ireo firenena malaza indrindra teto amin'izao tontolo izao dia lasa ilay ambany indrindra, ary niely nankany amin'ny mi-... rivotra efatry ny tany. Satria nahoana? Tsi-finoana! Ary izany ilay foto-kazo tany am-boalohany, ilay hazo tany am-boalohany, Isiraely.

²⁶⁸ Ary tsy milaza ve i Paoly eo? Iza no manana an'ilay Soratra mihitsy eo? Manana azy ve, Pat? Mitsangàna ka vakio manomboka amin'ny andininy faha-15 hatrany amin'ny faha-27.

[Mamaky Rahalahy Pat: *Fa raha ny fanariana azy ireo no fampihavanana an'izao tontolo izao, dia ho inona ny fandraisana azy ireo—azy ireo, afa-tsy fitsanganana amin'ny maty?*—Mpand.]

[*Fa raha masina ny santatra, dia masina koa ny vongany; ary raha masina ny fakany, dia toy izany koa ny sampany.*]

[*Ary raha notapahina ny sasany tamin'ireo sampany, ary ianareo, izay hazo oliva dia, dia natao grefy tao amin'izy ireo, ary mpandray anjara miaraka amin'izy ireo amin'ny fakany sy ny menaky ny hazo oliva;*]

[*Aza mirehareha ny tenanao manohitra an'ireo sampany. Fa raha mirehareha ianao, tsy ianao no mitondra ny fakany, fa ny fakany no mitondra anao.*]

[*Ianao dia hilaza arak'izany hoe, Notapahina ireo sampany, mba ahafahako hatao grefy ao.*]

[*Eny; nohon'ny tsi-finoana no nanapahana azy ireo,...*—Mpand.]

Henoy, "Tsi-finoana!" Eny àry, mandrosoa.

[...fa ianao mitsangana amin'ny finoana. Aza miavonavona, fa matahora:—Mpand.]

[*Fa raha tsy navelan'Andriamanitra ny tena sampany, dia mitandrema fandrao tsy havelany koa ianao.*]

[*Koa indro ny fahamoram-panahy sy ny fahasaropon'Andriamanitra: amin'izay lavo, dia fahasaro-po; fa aminao kosa, dia fahamoram-panahy, raha maharitra ao amin'ny fahamoram-panahiny ianao: fa raha tsy izany dia hotapahina koa ianao.*]

[*Ary izy ireo koa, raha tsy mikikitra eo amin'ny tsi-finoana izy ireo, dia hatao grefy: fa azon'Andriamanitra hatao grefy indray izy ireo.*]

[*Fa raha notapahina avy tamin'ny hazo oliva izay dia ara-natiora ianao, ary dia natao grefy tao amin'ny hazo oliva tsara izay natiora misfanohitra: tsy hihoatra noho izany ve ireo, izay sampana natoraly, izay hatao grefy ao amin'ny hazo olivany manokana?*] Hmm.

[*Fa tsy tiako, rahalahy, tsy ho fantatrareo izany zavamiafina izany, fandrao ianareeo mihevitra ny tenanareeo manokana ho hendry; fa efa misy fahajambana mitranga amin'ny Isiraelly, mandra-piditry ny fahafenoan'ny Jentilisa.*]

[*Ary noho izany dia hovonjena ny Isiraelly rehetra: araka ny voasoratra hoe, Hivoaka avy ao Ziona ny Mpanafaka, ary hampiala ny haratsiam-panahy amin'i Jakoba:*]

[*Fa izao no fanekeko amin'izy ireo, raha manaisotra ny fahotan'izy ireo aho.*]

²⁶⁹ Azonareo ve Izany? Hoy i Paoly hoe, “Raha tonga i Isiraelly ka nahita an’ireo famantaran’ny Fanahy Masina teo, ary notapahina . . .” Tsarovy, satria nandà ny hafatr’i Paoly izy ireo (ny batisa amin’ny Anaran’i Jesosy, fibebahana sy batisa amin’ny Anaran’i Jesosy, ireo famantarana sy fahagagana nanaraka ny mpino), ka nandà an’Izany. Dia hoy izy ireo hoe:

. . . *indro, mitodika any amin’ny Jentilisa izahay.*

²⁷⁰ Marina ve izany? Ndao jerentsika, mino aho fa izany dia tamin’ny . . . izay niantsoana azy ireo voalohany hoe Kristiana, izay tany Efesosy, Eny àry, Antiochia.

²⁷¹ Ankehitriny—ankehitriny, raha—raha masina ilay hazo voalohany, dia masina ireo sampany, ilay hazo tany amboaloahany, saingy satria tsy nino ny Hafatra Pentekotista izay notorian’i Paoly izy ireo (Izany ve ilay izy?), dia notapahin’Andriamanitra izy ireo ka naka hazo oliva dia (dia ireo Jentilisa, isika) ary nanao grefy antsika tao mba ahafahantsika mivelona avy amin’ilay sam- . . . fiveloman’io hazo io.

²⁷² Ankehitriny, tsy mihoatra noho izany ve amin’izao andro izay andàvantsika ny Hafatra Pentekotista izao izay tonga nanerana an’ireo taom-piangonana, tsy mihoatra noho izany ve no ahafahan’Andriamanitra manaisotra an’io hazo dia tranainy

io avy amin'izany, na ahoana na ahoana, ka mamela an'ilay anankiray hiditra? Satria handà an'Izany izy, nohon'ny tsifinoana. Ankehitriny ampitovio amin'ny lesona aninkeo maraina izany. Fantatrareo hoe aiza isika no mitsangana ankehitriny, sa tsy izany? Eo amin'ny andro farany ho an'ny fakàna ny Fianganana Jentilisa isika izao, ny Fampakarana Azy; sy ny fampidirana ny Fanahy Masina izay ho tonga eo amin'ireo Jiosy, ary Jesosy hampahafantatra ny Tenany, mba hanisy tombokase an'ilay efatra arivo amby efatra alina amby iray hetsy. Eo ianareo izao. Mamerina an'ilay hazo tany amboalo hany (miverina ao amin'ilay Fitahiana) ao Isirael indray.

²⁷³ Tsy hitsangana eo ivelan'ny varavarana reo ka handondòna foana Jesosy. Hisy ny fotoana iray izay hahaleo Azy sy hihodinany, amin'izay fotoana izay dia ianareo no hanao an'ilay fandondònana saingy tsy hahita Azy intsony ianareo. Avia dieny mbola misy ny fotoana. Avia dieny mbola misy fandondònana iray. Aza manao marimaritra iraisana amin'ny zavatra iray ankoatry ny batisan'ny Fanahy Masina tahaka ny noraisin'izy ireo tamin'ny Pentekosta, miaraka amin'ilay karazana batisan'ny rano iray ihany, ireo zavatra iray ihany izay nataon'izy ireo. Aza mamela na inona na inona hametraka zavatra iray ao am-ponareo ankoatran'izany.

²⁷⁴ Ankehitriny, ho anareo sakaizako Katolika, mame lè ahy hiteny zavatra aminareo, mino an'i Maria virijiny ianareo. Maria virijiny, izay renin'i Jesosy Kristy, dia tsy maintsy nandeha nankany amin'ny Pentekosta ary feno ny Fanahy Masina, ary nihetsika tahaka ny olona mamo iray izy. Teo anivon'ireo roapolo amby zato izy, nahazo ny batisan'ny Fanahy Masina, niteny tamin'ny fiteny tsy fantatra ary nihetsika tahaka ny vehivavy mamo iray tany, teo ambanin'ny Fanahin'Andriamanitra. Ary raha tsy maintsy nanao an'izany i Maria virijiny mba hiditra ao amin'ny Voninahitra, dia ahoana no hidiranareo ao amin'Izany, zavatra ankoatran'izany? Eritrereto izany. Marina izany.

²⁷⁵ Ireo Batista... Io mpitory teny Batista eto io dia te-hanana antoka fa voalaza ho an'ireo Batista koa izany. Ho an'ny olona rehetra izany, tsy ahoako na iza ilay izy.

²⁷⁶ Noho izany ny mikambana amin'ny fianganana fotsiny ka manao tsianjery fanekem-pinoana, ary mandeha any ampiangonana isaky ny Alahady maraina, dia tsy hanao pentina anankiray tsara ho anareo. Tsy miraharaha an'Andriamanitra fotsiny ianareo. Aoka ho tena Kristiana iray na aoka ho tsinontsinona mihitsy. Aoka ho mafana na mangatsiaka. Aoka ho... Satria ianareo tsy afaka ho... Tsy mbola nahita vorona maity fotsy mihitsy ianareo, tsy mbola nahita lehilahy iray mamo tsy mamo mihitsy ianareo, tsy mbola nahita mpanota masina iray mihitsy ianareo. Tsia, tsy mahita ianareo, tsy manao an'ireo izy ireo. Na ianareo feno ny Fanahy Masina ka

Andriamanitra no velona ao anatinareo, na tsy izany mihitsy ianareo. Ianareo—na izany ianareo na tsy izany.

²⁷⁷ Koa noho izany ianareo dia tsy maintsy—tsy maintsy mahatsiaro ianareo fa mitsangana eo am-baravararanareo Jesosy, ary tsarovy ny teny fikasan'Andriamanitra eto izay Hataony amin'ireto andro ireto. Nohon'ny inona? Fandàvana. Inona no nahatonga an'i Isiraelly ho notapahina, ilay hazo tany amboalohany? Satria nandà ny Hafatra Pentekotista an'i Paoly izy ireo. Ary mino ve ianareo fa ity no taom-piangonana farany? Ny Baiboly no niteny an'izany! Ary inona no voalaza fa hitranga amin'izy ireo? Hotapahina izy ireo nohon'ny fandàvana ny Hafatra Pentekotista, ary amin'izay fotoana izay dia hitodika mankany amin'ireo Jiosy indray Andriamanitra.

²⁷⁸ Ary hovonjena ny Isiraelly rehetra amin'izay fotoana izay, satria haka azy ireo amin'ny maha-firenena iray Izzy, fa tsy amin'ny maha-isam-batan'olona. Fa ho ahy sy ho anareo dia isam-batan'olona ilay izy, satria Izzy dia tonga ho an'ireo Jiosy... Asa, ao amin'ny Bokin'ny Asa, tonga teo amin'ny Jentilisa Izzy mba haka “vahoaka iray avy amin'ny Jentilisa nohon'Ny Anarany,” Ny Ampakariny. “Vahoaka iray,” anankiray eto, anankiray etsy, anankiray eto, ary mifanaraka amintsika amin'ny maha-isam-batan'olona Izzy, ary tsy mampaninona izay firazanana, fanekem-pinoana, na loko. Mifanaraka amintsika amin'ny maha-isam-batan'olona Izzy, izany no Fehezam-boninkazony izay Hapetrany eo amin'ny Alitarany. Fa amin'ny maha-Jiosy, dia nifanaraka tamin'ny Isiraelly amin'ny maha-firenena iray foana Izzy, firenem-bahoaka iray izy ireo, ny Fireneny.

²⁷⁹ Faly aho izao hariva izao fa manana an'ity Hafatra ity isika. Ary tena faly aho fa nanatrika ianareo, ary ny fanatrehanareo dia efa tena nankasitrahako. Mankasitraka an'Andriamanitra Tsitoha aho nohon'ny Namelàny ahy hahita izay efa hitako, ka afaka nitondra ho an'ity fiangonana ity, ary ankehitriny dia niala tao amin'ny foko Izany. Fa indray andro dia niasa teo amin'ny foko ny Fanahy Masina, ka tsy afaka nanala an'Izany aho, tsy maintsy nandeha niaraka tamin'Izany fotsiny aho.

Nisy zavatra roa izay nahatsapako ho voatarika mba hatao.

²⁸⁰ Handeha any Shreveport, Louisiana, ho an'ny fivoriana iray miaraka amin-dRahalahy Moore. Ary afaka miteny aminareo ny vadiko izay mipetraka eo. Nandritry ny herinandro maro dia saiky nitomany aho hoe, “Te-handeha ho any Shreveport aho. *Nahoana?*” Ary ny olona rehetra izay tany Shreveport dia mahafantatra hoe *nahoana* ankehitriny. Tsy mbola nahita na nandre zavatra tahaka an'izany mihitsy izy ireo. Tonga avy hatraiza hatraiza ireo mpitory teny, ireo Batista sy ireo karazany samihafa. Nilaza ny lehilahy anankiray fa rehefa nanomboka izy, nametraka ny tènany teo amin'ny vata

fampangatsiahana, dia tonga teo aminy ny Fanahy Masina ka nanao hoe, "Mandehana mankany Shreveport, Louisiana, ho tenenina aminao any izay hatao." Niteny taminy ny anarako sy hoe aiza no hahitana... Nanao hoe, "Izy no hiteny aminao izay hatao."

²⁸¹ Hoy aho hoe, "Misokatra ny dobo eo ambanin'ny tohatra. Mila ny batisan'ny Fanahy Masina ianao." Ary teo...

²⁸² Noho izany ireo zavatra tahaka an'izany, ireo olona izay miteny, ary—ary ireo faminaniana sy ny sisa milaza mialoha an'ireo zavatra izay nitranga teto anivontsika mihitsy.

²⁸³ Avy eo dia hoy aho hoe, "Tsy maintsy mandeha any Jeffersonville aho ka hanoratra an'ity boky ity, satria tsy fantattro hoe hafiriana no tsy maintsy hijanonako eto. Fa raha maneho an'Ity aho ka vita soratra Izany, dia hitohy ho velona ireo Teny aorian'ny ahalasanako." Noraisiko naoty ny tantara izay ho ao anatin'ilay boky. Ary tonga teto aho hitondra an'izany teo anatrehan'ny fiangonana mba hahita ny tsindrimandrin'ny Fanahy Masina, satria ny tenako dia tsy nahafantatra an'ireto zavatra ireto. Marina izany. Izany dia amin'ny Anaran'ny Tompo, marina izany, "Tsy nahafantatra azy ireto aho."

²⁸⁴ Ankehitriny dia mahatsapa ho afaka aho, tsapako fa Andriamanitra no nitondra ny Hafatra ho antsika. Mino aho fa eo amin'ny faran'ny lèlana isika, mino aho fa eto ny ora hampahafantarana ny fanehoana an'Andriamanitra eo anivontsika. Ary tsy fantattro hoe haharitra hafiriana izany, fa antomotra tsy ho ela ilay ora.

²⁸⁵ Miandry an'io anankiray lehibe io hiseho isika. Mety ho tonga amin'ny androko izy, mety ho tonga amin'ny andron'ny tanora izy, tsy fantattro. Mety efa eto anivontsika mihitsy izy ankehitriny, tsy afaka miteny isika. Eto ny Fanahy Masina mba hitarika antsika mandra-pahatongan'izany fotoana izany, amin'izay fotoana izay rehefa hiandraikitra antsika io mpitarika io dia mbola ho voahosotry ny Fanahy Masina foana izy; ilay—ilay Elia dia, mazava ho azy, izay ho avy. Fa izy no ho mpitarika izay hamerina ny fon'ny zanaka, na, ny fon'ny zanaka hiverina amin'ny Hafatry ny Ray, hiverina amin'ny Hafatry ny Raintsika any An-danitra tamin'ny Andron'ny Pentekosta rehefa nandatsaka Ny Fanahiny Izy.

²⁸⁶ Dia io andalana kely io, nentiko tsara arak'izay vitako tamin'ny alàlan'ny tantara sy ny Baiboly fotsiny izany, ary nasehoko fa io zavatra io dia tonga nitety an'ireo taom-piangonana mihitsy, ary izany ilay izy amin'izao andro izao, nasehoko fa ireo anaram-piangonana dia ozona eo anatrehan'Andriamanitra. Manantena aho fa tafapetraka ao antsainareo izany, amin'ny alàlan'ny Baiboly, amin'ny alàlan'ireo asan'ny apostoly, amin'ny alàlan'ny tantara sy ny rehetra. Izany...

²⁸⁷ Ary tsy misy mihitsy fotoana iray izay hany nandrafetan'Andriamanitra Ny Fiagonany. Ny renin'ireo fiagonana voarafitra dia ilay laharam-boninahitra Katolika Romana. Ny Fiagonana Katolika Romana, izany no renin'ireo rafi-pandaminana. Ary vantany vao miditra ao amin'ny vondrona Protestanta iray ny fifo hazana, dia miverina avy hatrany izy ireo ka manao an'ilay zavatra iray ihany. Ary hoy ny Baiboly hoe, "Janga iray izy. Ary izy, nanana zanakavavy izy dia ireo fiagonana nivoaka avy taminy." Tsy maintsy ho vehivavy izy ireo, mba ho mpijangajanga. Io izy. Noho izany isika dia mipetraka...

²⁸⁸ Fa Izy koa dia nilaza an'izao, "Aza matahotra, ry ondry vitsy, fa sitraky ny Rainareo ny hanome anareo ny Fanjakana." Noho izany dia enga anie isika rehetra, amin'izany andro izany, ianareo Metodista, Batista, na inona na inona ianareo, "Na iza na iza hamoha ny varavarana, dia hiditra Aho ka hiara-hisakafo aminy."

²⁸⁹ Enga anie isika ho voaisa, ry rahalahiko, ry anabaviko, enga anie isika ho voaisa ao amin'io ondry vitsy io amin'izany andro izany. Enga anie isika ho ampanaha'io ondry vitsy izay miandry io rehefa tonga Izy, rehefa tonga Izy haka an'izany manerana an'izao tontolo izao. Satria ny—ny Fampakarana dia ho maneran-tany. "Hisy roa eo am-pandriana, haka anankiray Aho; roa any an-tsaha, ary haka anankiray Aho." Maneho fa izany dia ho alina any amin'ny ilan'ny tany iray ary antoandro any amin'ilay hafa, hitanareo. Noho izany, ilay izy dia, "Roa no ho eo am-pandriana, roa no ho any an-tsaha," hitanareo, "haka anankiray avy Aho."

²⁹⁰ Ary araka ny nolazaiko aninkeo maraina, dia hitondra fiara eny an-dàlana ianareo indray andro any, miresaka amin'i neny, ary hijery manodidina ianareo, ho lasa izy. Hipetraka eo amin'ny latabatra ianareo, misotro ny—ny kafenareo na mihinana ny sakafotra marainanareo, na—na zavatra iray, ka ny zavatra voalohany fantatrareo, hijery manodidina ianareo ka tsy eo intsony i dada. Marina tokoa izany. Ho avy izany, ary tsy fantatsika hoe amin'ny fotoana inona. Fa ny zavatra amin'ilay izy dia, rehefa tapitra ilay izy dia tapitra, amin'izay fotoana izay dia tsy misy na inona na inona azonareo atao amin'izany. Hoy ianareo hoe, "Efa ela no nandrenesako an'izany." Fa handre an'izany amin'ny fotoanareo farany ianareo. Marina izany. Hitranga izany satria Izany no Tenin'ny Tompo. Ary, tsarovy, efa mba diso indray mandeha ve Izany nandrity'reo hariva valo izay nitoriaoko teny ireo? Fa izay—izay nolazain'i Jesosy teto, dia niseho, ary niseho tamin'ny taom-piangonana tsirairay marina tokoa.

²⁹¹ Ary hitantsika ity taom-piangonana ity miditra ao amin'izany mihitsy, ary amin'ilay tena ora mihitsy. Na dia aninkeo maraina aza, tamin'ny fanaovana tandindona an'ireo

virijiny, ilay fotoana mihitsy izay nisy an'ilay virijiny natory... Ankehitriny, tsarovy, ny Baiboly dia nilaza fa ilay virijiny natory... rehefa nivoaka ny antso hoe, "Indro, tonga ny Mpampakatra," ny fihavian'ny Tompo, ny fitoriana ny Teny. Ary noho izany dia inona no mitranga? "Antomotra ny andro, ireo baomba atomika sy ny zavatra rehetra dia vonona," mihazakazaka eny an-dàlambe ireo mpitoky teny ka manomboka mintsoantso ny Hafatra.

²⁹² Ary vantany vao manao izy ireo, ilay fiangonana goavana amin'izay fotoana izay, ilay virijiny natory, dia nanao hoe, "Ah, eny, efa ela be no naha-Presbyterana antsika, angamba hianatra isika ka hahita. Eny, fantatrareo, mino aho fa tena mila ny Fanahy Masina isika." Ary eo am-panoratana boky kely sy ny sisa mikasika an'Izany izy ireo ankehitriny, manomboka. Ary hoy izy ireo hoe, "Hanome anay ny sasany amin'Izany ve ianareo?"

Dia hoy izy ireo hoe, "Tsia, izay ampy ho anay irery ihany no anananay."

²⁹³ Noho izany rehefa nandeha nitady ny Fanahy Masina izy ireo, nandeha nivavaka, tahaka an'ireo fiangonana, izay ataon'ireo fiangonana goavana tsara amin'izao andro izao, ireo rafipandaminana. Rehefa nandeha nitady an'ilay Solika izy ireo, dia tonga ny Mpampakatra. Noho izany dia miezaka hahazo an'Izany izy ireo ankehitriny, ireo fiangonana malaza, ireo rafipandaminana, ireo favoriana iraisam-pirenena lehibe mikasika an'Izany ao anatin'ireo—ao anatin'ireo fiangonana voarafitra, manao hoe, "Tsy maintsy miverina amin'ilay Fitahiana Pentekotista isika. Tsy maintsy manana an'ireo mpanasitrana avy any an-danitra isika ao amin'ny fiangonana. Tsy maintsy manana an'ireo mpiteny amin'ny fiteny tsy fantatra isika. Tsy maintsy manana an'ireo mpandika fiteny tsy fantatra isika. Tsy maintsy manana an'ireo fanomezam-pahasoavana arapanahy rehetra isika ao amin'ny fiangonantsika, ary tsy maintsy hanomboka an'ireo favoriana isika ary manomboka manao an'izany." Maka an'ireo mpanolo-tsaina izy ireo, nanomboka nanao an'izany. Raha mbola nanomboka nanao an'izany izy ireo, dia tamin'izany fotoana izany mihitsy no tonga ny Mpampakatra ka naka an'ireo izay nanana an'ilay Solika tao anatin'ny fanilony, ary lasa.

²⁹⁴ Avy eo dia tonga izy ireo, ka inona no nitranga? Natsipy tao anatin'ny aizina tany ivelany izy ireo (ilay vanim-potoan'ny Fahoriambe Lehibe) izay hisy fitomaniana sy fidradradadrana ary fikitroha-nify, fa ny Ampakarina kosa dia any An-danitra. Oh, oadray!

²⁹⁵ Avy eo amin'ny fiafarano'io telo taona sy tapany io, dia ho tonga tahaka an'i Josefa Izy ka hampahafantatra ny Tenany amin'ireo Rahalahiny. Hiteraka fitomaniana manerana izany, ka hilaza izy ireo... Hampisaraka ny fianakaviany izy

ireo, sy hitomany ka—ka hanao hoe, “Taiza no Nahazoanao an’ireo holatra ireo?” Ary—ary ilay voatsindrona... ireo izay nanindrona Azy dia hahita Azy, ka hampahafantatra ny Tenany amin’ireo Rahalahiny Izy.

²⁹⁶ Ankehitriny dia miezaka mampahafantatra ny Tenany amin’Ny Fianganany Izy, nefà nanosika Azy tany ivelany izy ireo. Ary mbola mitsangana foana Izy, mandondòna, manao hoe, “Mbola misy anankiray ve ao anatiny ao? Anankiray izay hamoha ka hamela Ahy hiditra sy hiresaka aminareo?”

²⁹⁷ Oh, faly aho, tena mankasitraka fa teo amin’ny... taona maro lasa izay, teo amin’ny valo amby roapolo taona lasa, no nahatsapako an’izany nandondòna teo amin’ny foko. Ary izaho... Niditra Izy, efa niara-nisakafo Taminy aho ary Izy tamiko hatramin’izany. Ary nandray ny Fitahiana Pentekotista aho, nandray ny Fanahy Masina.

²⁹⁸ Natao batisa tamin’ny Anaran’i Jesosy Kristy ho an’ny famelàna ny fahotako, ny fotoana tokana izay hany nanaovana batisa ahy teo amin’ny fiainako, indray mandeha. Fony aho zazalahy kely iray fotsiny, dia tsy nisy olona afaka niteny tamiko fa nisy Andriamanitra telo. Tsia, tsy afaka mampitelina an’izany ao amin’ny tendako ianareo. Ianareo tsy afaka manome an’izany ho an’ny olona iray izay mahafantatra ny... mahafantatra hoe inona Andriamanitra. Marina izany. Noho izany rehefa nanao batisa aho... mpitory teny Batista iray no nanao batisa ahy. Hoy aho hoe, “Te-hatao batisa amin’ny Anaran’i Jesosy Kristy Tompo aho.” Dr. Roy E. Davis no nanao batisa ahy tamin’ny Anaran’i Jesosy Kristy Tompo fony aho zazalahy iray fotsiny. Hitanareo? Marina izany. Noho izany aho—mino an’izany aho, nijanona tamin’izany aho, ary fantatro fa izany no Fahamarinana. Izany no Tenin’Andriamanitra Mandrakizay. Marina izany. Marina izany.

Tena faly aho fa afaka milaza hoe isan’izy ireo aho.

Isan’izy ireo aho, isan’izy ireo,

Tena faly aho fa afaka milaza hoe isan’izy ireo aho;

Isan’izy ireo aho, isan’izy ireo,

Tena faly aho fa afaka milaza hoe isan’izy ireo aho.

Na dia mety tsy nampianarina aza ireo olona ireo,

Na mihambo amin’ny lazan’izao tontolo izao,

Dia nahazo ny Pentekostany izy rehetra,

Natao batisa tamin’ny Anaran’i Jesosy;

Ary miteny ankehitriny, hatraiza hatraiza hoe,

Mbola tsy miova ny Heriny,

Tena faly aho fa afaka milaza aho hoe isan’ny... .

²⁹⁹ Faly ve ianareo? Raha faly ianareo, dia atsangano ny tànanareo.

Isan’izy ireo, isan’izy ireo,

Tena faly aho fa afaka milaza hoe isan’izy ireo aho;

(Vao lasa Azy indray mandeha ianareo dia ho any ambonin'ny fahotana rehetra, amin'ny Anaran'i Jesosy Kristy.)

Avia, ry rahalahiko, hitady an'io fitahiana io
 Izay hanadio ny fonao amin'ny fahotana,
 Ka hanomboka haneno ireo lakolosim-pifaliana
 Ary hihazona ny fanahinao hirehitra;
 Oh, mandoro ao anatin'ny foko izany ankehitriny,
 Oh, voninahitra ho an'ny Anarany,
 Ary faly aho fa afaka milaza hoe isan'izy ireo aho.
 Oh, isan'izy ireo, isan'izy ireo,
 Tena faly aho fa afaka milaza hoe isan'izy ireo aho,
 Haleloia;
 Isan'izy ireo, isan'izy ireo,
 Tena faly aho fa afaka milaza hoe isan'izy ireo aho.
 Niangona tao amin'ny efitra ambony izy ireo,
 Ny rehetra nivavaka tamin'ny Anarany,
 Vita batsian'ny Fanahy Masina izy ireo,
 Sy ny hery satria tonga ny asa;
 Ankehitriny izay Nataony ho azy ireo tamin'io
 andro io
 Dia izany ihany no Hataony ho anao,
 Tena faly fa afaka milaza . . .

³⁰⁰ Ankehitriny dia ndao isika handray tànana, eto aloha, any aoriana, ary manodidina.

Isan'izy ireo, isan'izy ireo,
 Tena faly aho fa afaka milaza hoe isan'izy ireo aho;
 Isan'izy ireo, isan'izy ireo,
 Tena faly aho fa afaka milaza hoe isan'izy ireo aho.
 Oh, isan'izy ireo, isan'izy ireo,
 Tena faly aho fa afaka milaza hoe isan'izy ireo aho;
 Isan'izy ireo, isan'izy ireo,
 Tena faly aho fa afaka milaza hoe isan'izy ireo aho.
 Isan'izy ireo, isan'izy ireo,
 Tena faly aho fa afaka milaza hoe isan'izy ireo aho;
 Isan'izy ireo, isan'izy ireo,
 Tena faly aho fa afaka milaza hoe isan'izy ireo aho.

Tsy faly ve ianareo fa isan'izy ireo? [Mamaly ny fiangonana hoe, “Eny! Amena! Haleloia!”—Mpand.] Tiako izany. Andiana mitabataba.

³⁰¹ Shh! Shh! [Miteny amin'ny fiteny hafa ny rahalahy iray. Manome ny fandikana ny rahalahy iray—Mpand.] Toy ny ahoana no isaoranay Anao, Ray, nohon'ny Fahatsaranao sy ny famindramponao aminay, ireo tsy mendrika. Ny mieritreritra fa hanamarina Ny Hafatrao Ianao ankehitriny, Tompo, nampanantena ny olona. Mivavaka aho, Andriamanitra, mba hitoetra eo amin'izy ireo ny Famindramponao.

³⁰² Raha misy anankiray eto izay tsy mahafantatra Azy ho Mpamony, ka te-hahita Azy ho Mpamony ianareo izao ankehitriny izao ao am-ponareo, dia hitsangana ve ianareo raha manolotra vavaka ho anareo izahay? Nilaza Izy fa Izy dia... nanao an'ity Hafatra ity eo ary Tiany ny hanamarina Ny Teniny aminareo. Raha misy anankiray eto izay tsy mahafantatra Azy sy tsy nandray Ny Fanahiny, dia miresaka aminareo Izy.

³⁰³ Eny àry, io anankiray ery aoriana ery io. Hitsangana fotsiny ve ianao, rahalahy? [Miresaka ny rahalahy iray ao amin'ny fiangonana—Mpand.] Te-ho vita batisan'ny Fanahy Masina izy, izay ve ilay izy, rahalahy? Andriamanitra hitahy anao. Mitsangàna eo amin'izay misy anao. Misy hafa ve te-hitsangana ka hanao hoe, “Te-ho vita batisan'ny Fanahy Masina aho”? Andriamanitra hitahy anao, rahalahy. Andriamanitra hitahy anao. Tsara izany. Mitsangàna fotsiny. Mijanòna mitsangana fotsiny. Hisy olon-kafa ve izay te-handray ny Fanahy Masina ka hatao batisa, te-ho tsarovana ao amin'ny vavakay izao ankehitriny izao, mba ho vita batisan'ny Fanahy Masina? Misy iray hafa ve, alohan'ny hilazako an'izay ho lazaiko, hitsangana ka hikambana?

Oh, tianareo ve ny ho voaisa ho isan'ny
Valan'ondriny? (Hanao an'izany ve ianareo?)
Aoka tsy hisy pentina ao anaty, aoka hiambina sy
hiandry an'io fampisehoana io hojerena;
Ho avy indray Izy.

³⁰⁴ Ho avy indray Izy. Te-ho Fahavalony ve ianareo sa te-ho Zanany? Andriamanitra tezittra iray tamin'io maraina io, tsy misy afa-tsy ny Ràn'i Jesosy no Hekeny. Izy tsy mihitsy... Ho tsinontsinona Aminy ny maha-mambram-piangonanareo. Tsy misy afa-tsy ny Rà!

Oh, sarobidy ilay riaka
Izay manao ahy ho fotsy toy ny oram-panala;

Moramora.

Tsy misy loharano hafa fantatro,
Tsy misy afa-tsy ny ràn'i Jesosy.

Inona no afaka hanasa ny fahotako?
Tsy misy afa-tsy ny ràn'i Jesosy;
Inona no afaka hanao ahy ho madio indray?
Tsy misy afa-tsy ny ràn'i Jesosy.

Oh, sarobidy ilay riaka
Izay manao ahy ho fotsy toy ny oram-panala;
Tsy misy loharano hafa fantatro,
Tsy misy afa-tsy ny ràn'i Jesosy.

[Manomboka misamonomonona an'ilay hira
 Rahalahy Branham—Mpand.]
 Tsy misy afa-tsy ny ràn'i Jesosy;
 Izany no fahamarinako rehetra,
 Tsy misy afa-tsy ny ràn'i Jesosy.

Misy iray hafa ve?

Oh, sarobidy ilay . . . (Tsy misy na inona na inona
 afaka haharitra, rahalahy, ranabavy. Milentika
 izao tontolo izao, vita ny aminy!)
 . . . toy ny oram-panala;
 Tsy misy loharano hafa fantatro,
 Tsy misy afa-tsy ny ràn'i Jesosy.

³⁰⁵ Moramora, Teddy, raha sitrakao, “Misy Loharano Iray Feno Rà, nosintonina avy tamin’ny lâlan-drân’Imanoela.”

³⁰⁶ Ankehitriny, ry sakaiza, ianareo izay mitsangana dia—dia manandrana manaiky ny hamamian’ny Tompo Jesosy. Ny Baiboly iray ihany izay miteny amintsika fa hitranga ireo zavatra ireo, no nanao azy ireo hiseho marina tokoa araka ny Nampanantenany azy. “Ankehitriny, ny teny fikasana” hoy i Petera “dia ho anareo sy ho an’ny zanakareo ary ho an’ireo izay lavitra, arak’izay hantsoin’ny Tompo Andriamanintsika.”

³⁰⁷ Nitsangana ianareo satria mila ny fitahian’Andriamanitra eo aminareo. Ary amin’ny maha-Mpanompony, dia mivavaka ho anareo aho, hivavaka aho mba hanomezan’Andriamanitra anareo ny batisan’ny Fanahy Masina. Ary manontany aho raha afaka hanao an’ity ao am-ponareo ianareo, raha tso-po ianareo, raha hanao an’ity fampanantenana ity amin’Andriamanitra hoe: “Andriamanitra, izaho, manomboka amin’ity fotoana ity, dia mitsangana amin’ny tongotro, mitady ny Fanahy Masina, hivavaka tsy ankitsahatra aho ka hiandry Anao hameno ahy ny Fanahy Masina.” Hanao an’izany fampanantenana izany amin’Andriamanitra amin’ny fananganana ny tânanareo ve ianareo? “Hivavaka tsy ankitsahatra aho, tsy ankitsahatra, mandra-Pamenonao ahy ny hamamiana sy ny fahatsaran’ny Fanahy.”

Manolotra ny fivavako ho anareo aho ankehitriny raha manondrika ny lohantsika isika:

³⁰⁸ Rainay any An-danitra, amboaran’Ny Fanatrehanao izy ireo. Fantatr’izy ireo fa marina ireo Teny ireo satria Anao izy ireo. Fantatr’izy ireo fa nomena tamin’ny alâlan’ny Fanahy Masina izy ireo, satria Tenin’Andriamanitra izy ireo. Ary resy lahatra izy ireo fa mila Anao, ary mila ny hamamian’ny Fanahy Masina izy ireo eo amin’ny fiainany mba hanome azy ireo ny hery mandresy. “Ary izy ireo handray hery avy any amin’ny Avo,” handray ny hery mba hiaina fiainana Kristiana iray, mba handray hery handresy ny fakam-panahy. Arak’ilay hira vao avy nohirainay hoe, “Niangona tao amin’ny efitra ambony izy ireo ary nivavaka

tamin'Ny Anarany, vita batisan'ny Fanahy Masina sy ny hery izy ireo satria tonga ny asa." Izany no ilain'izy ireo, hery satria tonga eo amin'izy ireo ny asa.

³⁰⁹ Mivavaka Amino aho, Ray, amin'ny maha-Mpanomponao, raha nahita azy ireo nanangana ny tànany Ianao, nanao fanekena iray Taminao izy ireo sy fampanantenana iray fa tsy hitsahatra izy ireo, tsy hanaisotra an'izany izy ireo, fa hivavaka mandra-Pamenonao azy ireo, Tompo, ho ampahany iray mahafa-po an'Ny Fanatrehanao Masina eo amin'ny fiainany. Manolotra ny fivavako eo amin'ny toeran'izy ireo aho, Tompo, amin'ny maha-Mpanomponao, mba ho feno ny Fanahy Masina izy ireo. Tompo, mivavaka aho mba tsy hiala amin'ity fiangonana ity izy ireo mandra-pitrangan'izany, mba hijanonan'izy ireo eto mihitsy mandra-pahatongan'ny fanahy tsirairay ho feno ny Fanahy Masina. Ekeo izany, Tompo.

³¹⁰ Andriamanitra Ianao, ilay Tsitoha, voaseho tao amin'ny nofo Ianao mba hanaisotra ny fahotan'izao tontolo izao. Nitsangana Ianao tamin'ny andro fahatelo, niakatra nankany amin'ny Avo. Ary eto Ianao izao hariva izao, eto anivonay, ary amin'ny anaran'ny Fanahy Masina. Ary mivavaka izahay, Ray, mba Ianao, ilay Tomponay sarobidy, no hameno ny tsirairay avy amin'izy ireo amin'Ny Tenanao Manokana. Ary enga anie izy ireo ho—ho fitahiana iray ho an'Ny Fanjakanao sy ho an'ny tontolo izay ho avy. Ary indray andro any rehefa tonga eo amin'ny faran'ny lâlana Ianao amin'ny farany, mety ho androany izany, tsy fantatray hoe ho rahoviana izany. Fa enga anie aho ho afaka, Tompo; ho voaisa eo anivon'ireo izay mandeha ao amin'ny Fampakarana. Enga anie ireto ho isan'izay mandeha ao amin'ny Fampakarana. Enga anie ny olona rehetra, ao amin'ny Fanatrehana Masina sy ny rehetra izay feno ny Fanahy, izay an'Andriamanitra, handeha ao amin'ny Fampakarana.

³¹¹ Raiso izy ireo izao hariva izao, Ray. Anao izy ireo ankehitriny, apetrako Amino azy ireo. Amin'ny Anaran'i Jessy Kristy. Amena.

³¹² Ankehitriny dia tiako ny sisa aminareo izay mitsangana eo akaikin'ireo olona ireo, izay manana ny Fanahy Masina, hitsangana, hametraka ny tànanareo eo amin'izy ireo.

...loharano iray feno rà,
Nosintonina avy tamin'ny lâlan-dràn'Imanoela,
Ary mitsoboka ao ambanin'io riaka io ny mpanota,
Dia very ireo pentimpentin'ny fahadisoany
rehetra.
Dia very ny pentimpentin'ny fahadisoany rehetra,
Dia very ny pentimpentin'ny fahamelohany
rehetra;

Ary mitsoboka ao ambanin'io riaka io ny mpanota,
 Dia very ireo pentimpentin'ny fahadisoany
 rehetra.

Ilay mpangalatra maty nifaly mba hahita
 An'ilay loharano tamin'ny androny;
 Ary eo aho no tokony, na dia ratsy aza izy,
 Hanasa an'ireo otako rehetra.
 Hanasa an'ireo otako rehetra,
 Hanasa an'ireo otako rehetra;
 Ary mitsoboka ao ambanin'io riaka io ny mpanota,
 Dia very ny otako rehetra.

³¹³ Ankehitriny dia atsangano amin'Andriamanitra ny tànanareo ka omeo Azy fotsiny ny dera. Manaova hoe, "Misaotra Anao, Tompo. Mitsangana aho, homeko Anao ny dera. Hisaotra Anao aho nohon'ny Fitahianao, nohon'ny Fahatsaranao, ary nohon'ny anomezana ahy ny batisan'ny Fanahy Masina." Misaotra Anao, Tompo! Misaotra Anao, Tompo! Misaotra Anao, Andriamanitra malala, nohon'ny nanomezana anay... Mihazona ny Fampanantenanao Ianao, Ianao no niteny an'izany. Mino Anao izahay.

³¹⁴ Tsy faly ve ianareo? Manaova hoe, "Deraina ny Tompo!" Teddy, mamelà ahy...indray mandeha fotsiny, "Mahita olona maro isika izay tsy mety mahazo..." *Tahaka Ny Lanitra Izao Ho Ahy.*

Mahita olona maro isika izay tsy mety mahazo hoe
 Nahoana isika no tena sambatra sy afaka;
 Niampita an'i Jordana ho any amin'ny tany tsara
 tarehy an'i Kanana isika,
 Ary tahaka ny Lanitra izao ho ahy.

Oh, tahaka ny Lanitra izao ho ahy,
 Oh, tahaka ny Lanitra izao ho ahy;
 Oh, niampita an'i Jordana ho any amin'ny tany
 tsara tarehy an'i Kanana isika,
 Ary tahaka ny Lanitra izao ho ahy.

Oh, rehefa lasa sambatra aho, dia mihira sy
 mihiaikiaka,
 Tsy mino an'Izany ny devoly, hitako;
 Fa feno ny Fanahy aho, tsy misy fisalasalana iray,
 Ary izany no manjo ahy.

Oh, izany no...Lanitra ho ahy, (Deraina Andriamanitra!)
 Oh, tahaka ny Lanitra izao ho ahy;
 Niampita an'i Jordana ho any amin'ny tany tsara
 tarehy an'i Kanana aho,
 Ary tahaka ny Lanitra izao ho ahy.

³¹⁵ Tsy manao anareo ho faly ve izany? Tsara. Raiso ny tangan'ny olona iray, manaova hoe, “Deraina ny Tompo!” Tahaka ny Lanitra izao, Tompo.

Raiso eo aminao ny anaran'i Jesosy,
 Ry zanaky ny alahelo sy fahoriana;
 Hanome fifaliana sy fiononana ho anao izany,
 Raiso izany na aiza na aiza alehanao.
 Anarana sarobidy, Oh tena mamy!
 Fanantenan'ny tany sy fifalian'ny Lanitra;
 Anarana sarobidy, Oh tena mamy!
 Fanantenan'ny tany sy fifalian'ny Lanitra.
 Amin'ny anaran'i Jesosy no iondrehana,
 Miankohoka eo an-Tongony,
 Hosalorantsika Mpanjakan'ny mpanjaka any Andanitra Izzy,
 Rehefa mifarana ny diantsika.
 Anarana sarobidy, Oh tena mamy!
 Fanantenan'ny tany sy fifalian'ny Lanitra;
 Anarana sarobidy, Oh tena mamy! (Tena mamy!)
 Fanantenan'ny tany sy fifalian'ny Lanitra.

Ankehitriny, tena moramora, miaraka amin'ny lohantsika miondraka:

. . . ny anaran'i Jesosy hatrany,
 Ho ampinga amin'ny fandrika rehetra;
 Rehefa miangona manodidina anao ny fakampanahy,
 Bitsaho am-bavaka fotsiny io Anarana masina io.
 Anarana sarobidy, Oh tena mamy!



NY TAOM-PIANGONANA LAODIKIA MAG60-1211E

(The Laodicean Church Age)

ANDIAN'NY FANAMBARAN'I JESOSY KRISTY

Ity Hafatr'i Rahalahy William Marrion Branham ity, izay notoriana tamin'ny Teny Anglisy ny Alahady hariva, 11 Desambra, 1960, tao amin'ny Branham Tabernacle ao Jeffersonville, Indiana, U.S.A., dia nalaina avy tamin'ny horonam-peo ary natonta manontolo amin'ny Teny Anglisy. Ity fandikana amin'ny Teny Malagasy ity dia natonta sy nozarain'ny Voice Of God Recordings.

MALAGASY

©2021 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Filazana fahefan'ny tompon'ny boky

Tsy azo adika. Ity boky ity dia azo atao printy amin'ny fanaovam-printy ao an-trano ho an'ny fampiasana manokana na ho zaraina, tsy misy sarany, ho fitaovana iray hanaparitahana ny Filazantsaran'i Jesosy Kristy. Ity boky ity dia tsy azo amidy, na adika indray amin'ny refy lehibe, na alefa amin'ny siteweb iray, na tehirizina amin'ny fomba nisy nanesorana, na adika amin'ny fiteny hafa, na ampiasaina ho fangataham-bola raha tsy misy alàlana voasoratra mazava avy amin'ny Voice Of God Recordings®.

Ho an'ny fanazavana fanampiny na ho an'ny fitaovana hafa efa azo raisina, dia iangaviana hifandray amin'ny:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org